



續名醫類案卷二十五

錢塘魏之琇編集

海昌王士雄孟英

定州楊照藜素園同校

產難

劉復真治府判女產死將殮。取紅花濃煎。扶女於櫈上。以綿帛蘸湯盦之。墮以澆帛上。以器盛之。又煖又淋。久而蘇醒。遂產一男。蓋遇嚴冬。血凝不行。得溫便產也。

回生丹方不知起自何人。或云長葛孫奎始得之。異人傳授。乃催生之聖藥也。錦紋大黃一斤爲末。蘇木三兩打碎用。

河水五碗煎汁三碗聽用。大黑豆三升水浸取殼用絹袋盛殼同豆煮熟去豆不用將殼晒乾其汁留用紅花三兩炒黃色入好酒三四碗煎三滚去渣取汁聽用陳米醋九斤將大黃末入淨鍋下米醋三斤文火熬之以長木筋不住手攬之成膏再加醋三斤熬之又加醋三斤次第加畢然後下黑豆汁三碗再熬次下蘇木汁次下紅花汁熬成大黃膏取入瓦盆盛之大黃鍋杷亦罐下入後藥同磨人參當歸酒洗川芎香附醋炒延胡索酒炒蒼朮米泔浸炒蒲黃隔紙炒茯苓桃仁去皮尖各一兩牛膝酒洗五錢炙甘草地榆酒洗川羌活橘紅白芍酒炒各五錢木瓜青皮

去穰炒各三錢。乳香沒藥各一錢。益母草三兩。木香四錢。
白术米泔浸炒三錢。烏藥二兩五錢。良薑四錢。馬鞭草五
錢。秋葵子三錢。大熟地一兩。三棱醋浸透紙裹煨五錢。五
靈脂醋煮化焙乾研細五錢。山萸肉酒浸蒸搗五錢。以上
三十味并煎黑豆殼共晒爲末。入石膏內以大黃膏拌勻。
再下熟密一斤。共搗干杵爲丸。重二錢七八分。陰乾不可
火烘爍。蠟爲殼護之。用時去蠟。方中人參或作
黃柏參二兩

裴兆期治一婦坐草已過三口。胞水盡行不得下。浸變膜脣
無知牙關緊閉。手足無氣以動。裴視之曰。此痰涎壅塞胃
口也。蓋胃口爲真氣運行之樞。所病者真氣本滯。又經連

日困頓。飢飽難調。穀食疎而湯飲雜。勢必釀作痰涎。以閉胃口。則真氣益滯而不行。觀其瞑眩無知。若中風狀可徵也。以半夏爲君。蒼朮。澤瀉。茯苓。爲臣。人參。黃連。厚朴。橘紅。白蔻仁。薑汁。爲佐使。急煎俾飲。一服而甦。再服而產。是豈蒼朮。黃連等藥能催生哉。蓋方之能對病而取驗者。自有所以對病取驗之理。在不可專執本草中主治。而曰某藥定是治某病。某病定是用某藥而已也。

薛立齋云。荆婦孟冬分婉艱難。勞傷元氣。產子已死。用油紙燃燒斷臍帶。藉其氣以暖之。俄頃忽作聲。此兒後無傷食作瀉之症。可見前法之功不誣。世用刀斷臍帶。母子致危。

都竟不知其由矣。且穩婆又喜平日常施小惠。得其用心。
兼以安慰母懷。故無虞耳。一穩婆云。我止有一女。正分娩
時。適當巡街御史行牌取我。視其室分娩女。因驚嚇未產
而死。後見御史更以威顏分付。迨視產母。胎雖順而頭偏
在一邊。若以手入推正。可順保生。因畏其威。不敢施手。但
回稟云。此是天生天化。非人力所能。立俟其母子俱死。

張子和治一婦人。年二十餘。臨產召穩婆三人。其二嫗極拽
婦之臂。其一嫗頭抵婦之腹。更以兩手扳其腰。極力爲之。
胎死于腹。良久乃下兒。亦如血。乃穩嫗殺之也。豈知瓜熟
自落。何必如此乎。其婦因之經脈斷閉。腹如刀剝。大渴不

止小便閼絕。主病者禁水不與飲。口舌枯燥。牙齒黧黑臭不可聞。飲食不下。昏憒欲死。張先以冰雪水恣竟飲之。約二升許。病緩渴止。近時專科及庸手遇產後一以燥熱溫補爲事。殺人如麻。閱此宜知變通矣。

次以舟車丸通經散。前後五六服。下數十行。食大通。仍以桂苓甘露飲六一散。柴胡飲子等。調之半月。獲安。雄按知變通者。

少甚

一婦人臨產。召村嫗數人侍焉。先產一臂出。嫗不測輕重。拽之臂爲之斷。子死腹中。其母面青聲微。汗漿漿不絕。時微喘。張曰。命在須臾。針藥無及。急取枰鉤續以壯繩。以膏塗其鉤。令其母分兩足向外偃坐。左右各一人脚上立足。次

以鉤其死胎。命一壯力婦人倒身拽出死胎。下敗血五升。其母昏因不省。待少頃以冰水灌之漸囁。二日大醒食進。次日四物湯調理數日方愈。張常曰。產後無他事。因侍姬非其人。轉爲害耳。

凌漢章治吳江婦。臨產胎不下者三日。呼號求死。凌針刺其心。針出兒應手下。夫人大喜。問故。曰。此抱心生也。針痛則舒。取兒掌視之。有針痕。明史

按此二案與宋史龐安一案彷彿。大抵醫既有名。人益附會。如近時吳門有享盛名者。俚人時向余道其神驗。皆古人案中所載。若以蟹治漆毒。以土坑治香氣。不一

而足。所謂俗語不實。流爲丹青者是也。

亟齋治前太僕卿張君季媿。年輕體壯。孕必八個月而生產。必數日百苦而下。兒生必週而天再孕。再產再天皆同。乃謂後當生。宜相聞。明年又八個月坐草三日不下。忽憶前言。飛輿相召。中途逢驅車者。云迎其父母作永訣。計比至已夜分矣。診之脈未離經。人餘殘喘。穩婆在傍。問之曰。兒頭已抵產門。不得出耳。乃急令安臥。且戒勿擾。與安胎藥。明晨主人出。笑而不言。問之曰。好矣。曰。昨言兒頭已抵產門。今若何。曰。不見矣。大笑而別。後過百二十日。計十二月足生男。今八歲矣。始知前此皆生生取出。以體壯年輕幸。

保母命耳達生篇

太學戴時濟弟媳，一產三男。母子俱殞。一猶在腹。今又婢孕其腹。膨亨頗患之。比產先令安臥。與加味川芎湯。每隔半日而產。積日半生三子。俱無恙。

陳氏婦產九日夜不下。一息僅存。聞有兔腦丸。踵門求藥。問之亦曰頭逼產門不得出。諭令安臥。再來取藥。強而後去。繼與芎歸湯。明日生下母子兩全。按此皆產母用力。逼令橫在腹中。豈有人倒懸十日而尙得生者乎。

一婦產兒手出不得入。穩婆礪刃以須急。令安臥。與大劑芎歸湯。徐徐托手入。明早生下母子兩全。右臂紫黑。數月而

後消全上

孫文垣治姪元素內人難產。夜半叩門起問何狀。曰產已及
門不能下。用力則胸膈間有物上衝。痛不可忍。思頃之日。
此必雙胎。胞以分爲一上一下也。及戶者在下欲出。在上
者。以用力而上衝。故胸膈痛也。勢亦險矣。治法必安上。而
下者乃可用力。加以薑也。卽取益元散一兩與之。令以紫蘇
湯送下。藥甫進。胸膈痛止。不逾時。產二女。母亦無恙。或問
曰。益元散非產科急劑。何能取效如是。曰。紫蘇安胎下氣。
滑石滑以利氣。亦催生上品。蓋醫者意也。茲亦以意裁取
之耳。此法方書無載。記之以備采用。妊娠案中法竹匠婦嘗以此方安胎

公雄按攀生之胎其包有三種分娩時極意審察庶不誤事
一種分胞者卽此案所云是也然亦有雖是分胞而外復
另有一總胞者名曰雙胎。卻有三包也。一種連胞者產必
駢肩而下其包如鈔馬袋形至此案治法雖與竹匠婦同
而尤爲中肯也。

馮楚瞻之媳向患吐血夜熱之症自受妊以來八味丸加牛
膝五味子服勿間此其孫所以百日內生瘍症之由也案見小兒胎毒門及臨盆胞
水已下而數日未產脈之洪數而帶堅象此陰道枯槁已
極何能流通生育乎投以補養氣血催生之藥脈候如故
知爲羣藥功力不專乃單以熟地三兩濃煎日進三次脈
始洪緩而軟但坐蓐數日子母俱困胎氣毫無運動下達
之意眾疑胎死矣再以人參五錢煎湯一鐘細刮肉桂之

最佳者錢許調服之。連進三劑乃生。

一婦產難五日後精神已竭六脈沈微奄奄一息腹中毫不覺動下部腫極知母子俱困何能健運而出乃與參芪歸芍薑桂白芷牛膝溫暖調補氣血之劑下咽少頃腹中運動疼痛而產母子俱活

歙有神醫嘗路遇昇櫬中有血流出醫曰此尙活可治也開視則彌月婦人顏色未改以針針其心遂產一男手有針孔母子俱無恙其子至今尙存。張氏
厄言

張所望治婦人產一子忽叫痛欲絕舉家驚惶莫措所望診之曰腹內尙存一子未下投一丹而子下母遂甦。錢塘縣志

雄按此候極宜審慎蓋雙生有騎肩而下者
有踰數日而下者甚有過旬餘而再產者

張文仲治一婦人橫產先出手諸般符藥不效乃以艾炙其
婦人右脚小指頭尖頭三壯炷如小麥大下火立產

醫說

高道者不知何許人也得長桑君禁方當明初挾技遊銀陽
一日值柩于途詢之乃孕婦喪也道者驗其遺衣血曰此
猶未死耳啟棺視之一針遂甦俗驚道者能起死人以比

秦越人云

江西通志

陸祖愚治高濟亭室胎前惡阻或以清涼調治既而內傷飲
食消導太過元氣甚弱胎動欲產臨盆三日夜方得分娩
疲憊昏冒不知人事診之遍身冷汗口鼻之氣有出無入

寸關無脈兩尺如絲。不及服藥。令壯盛婦女對口接其出
入之氣。俟其氣之入而呵之。次用參歸身熟地各一兩。
熟附四錢煎服。加童便一酒盃。徐徐灌之。四肢溫和人事
清爽。連進三劑。便能飲食。此時若不先用接氣之法。必俟
藥熟。不幾氣絕耶。

萬密齋治朱宅一婦女李氏。常苦難產。形頗壯。性急少食。此
氣滯也。與一方枳殼甘草香附爲主。當歸川芎白朮陳皮
佐之。至八九個月內。每月服三帖。後生三子甚快。

葉杏林治一婦分婉甚易。易至四十外。下血去多。玉門不閉。
與加味川芎湯一劑。更以活水無憂散斤許煎熟時時飲。

之以助其血而產

產婦坐草時取路傍舊草鞋一隻名千里馬用鼻絡小耳繩洗淨燒灰童便和溫酒調服如得左足者男右足者女覆者兒死側者有驚自然之理也似非切要之藥催生極驗
沈堯封曰千里馬得人身最下之氣佐以方童使之超下消性之行血故用之良驗

王執中云一貴人內子產後暴卒急呼其母爲辦後事母至爲炙會陰及三陰交合數壯而蘇母蓋名醫女也資生經

魏玉橫曰余素不信陰陽家言因召工掌屋或謂年月不利不聽時荆婦娠身已九月及產一穩婆甚青年見勢不順乃託故亟歸易其姑至視之曰此非可望生下欲全母命

非嚮而出不可。余亟令安臥勿怖。以熟地四兩。杞子二兩。
當歸一兩。煎百餘沸先飲一鐘。再煎再飲。不及時許。一女
已死。乃臍帶綰于項間所致。幸母無恙。穩婆詫異而去。婦
人良方云。凡有孕婦之家。不宜造作修治。良有以也。

凌表姪婦年二十餘暑月臨蓐自旦及暮不得產體素弱屢
發暈迷悶。時師診之以爲挾痧不可服參漸危急。延余視
無他乃腎氣不能作強。肝虛不能疏洩。又血液枯涸致胎
不易下耳。與熟地二兩。杞子一兩。當歸五錢。日服下即產
矣。已而果然。次日覺惡露行少。飲沙糖老薑湯。血行甚涌。
專科以炮薑白朮棗仁茯神當歸白芍等不效。反加自汗。

口苦小便熱澀煩燥不眠再延診日但以余前方加棗仁當歸愈矣一劑而安余此方催生則用當歸止崩則用棗仁甚者杞地俱倍之凡治百餘婦人無不神驗無力之家可代人參亦無後患古今諸方無出其右者

胞衣不下

薛立齋治一產婦胞衣不下胸腹脹痛手不敢近用滾酒下失笑散一劑惡露胞衣並下

一產婦胞衣不下腹作痛手按痛稍減此氣虛而不能送出戶也用無憂散而下前症常詢諸穩婆云宜服益母草丸。

或就以產婦頭髮入口作嘔胎衣自出。其胎衣不下者必死。授與前法甚效。

○呂東莊治陳氏婦半產胎衣不下。連服行血催衣之藥四劑。點血不行。胸痛瞀亂。呂視之曰。此脾失職也。先與黃芪一兩。當歸一兩。下咽而瞀亂頓減。時有以準繩女科中惡露不下。及胞衣不下。方書一本進者。上注某方經驗。某方試效。以示曰。中有可用否。曰。一無可用。遂用大劑人參白朮。白芍黃芪。歸身茯苓甘草等藥。一服而惡露漸至。皆驚歎曰。古方數十。無一可用。準繩一書。真可廢也。呂曰。惡是何言也。王損菴醫之海岱也。讀書者自不察耳。若唯以惡阻

惡阻二字
豈可用耶及胞衣不下條中求合吾方宜其繆也試以血

崩及下血條中求之吾方可見矣蓋此病本氣血太虧而

致半產脾失統血之職水溼土崩衝決將至故生督筋不

爲之修築而反加穿鑿是愈虛也吾正憂血之下不止其

不合又何怪焉曰今從子法可得免乎曰不能也穿鑿過

當所決之水已離故道狂瀉壅積勢無所歸故必崩急服

吾藥第可固其隄使不致蕩沒耳至第三日診尺內動甚

曰今夜子時以前必崩矣因留方戒之曰血至卽服至黃

昏果發如言得無恙方卽補中益氣加參芪各二兩也次

用調補脾胃之藥而愈

胞衣二字
却不重醒

俞東扶曰。惡露不下。用參术歸附等藥而下者。生平經手頗多。然必脉象細弱。口不燥渴。內不煩熱。方爲合治。此案不言脉象。但曰脾失其職。諒此婦平昔怯弱。以致胎墜。且連服行血催衣藥四帖。甯不反其道以治之耶。薛立齋治一婦人。產後面赤。五心煩熱。敗血入胞。胞衣不下。有冷汗。思但去其敗血。其衣自下。遂用黑豆二合炒透。然後燒紅鐵秤錘同豆淬酒。將豆淋酒化下。益母二九。胞衣從血而出。餘症盡平。

陳良甫云。有人親戚婦人。產後胞衣不下。血脹迷悶。不記人事。告之曰死矣。僕曰某收得趙大觀文局中真化蕊石散。

在笥中漫以一帖贈之。以童便灌之。藥下卽甦。胞衣與惡物旋卽隨下。遂無恙。良方

魏玉橫曰。施介溪室人。年三十餘。忽有孕。又攣生產後。頗健能食。雞啖飯數日來漸發熱脹滿。診之脈浮。按滑疾。沈按結濇。詢至惡露。已一日不行。謂爲瘀也。宜通之。乃可與生地。牛膝。益母。紅花。桃仁泥。當歸。尾丹。參。瓦楞子。畏不敢服。延專科曰。此年過壯。而初產育。氣血俱傷。屬虛也。與焦朮。炮薑。歸芍。茯神。棗仁等一劑。熱益甚。再劑。遂諱譏。更一專科。其說同。其藥仿又二劑。日夜不眠。昏狂不省人事。時忽高聲歌唱。與傷寒陽明失下無異。再延診。日產數日。惡露。

卽停雖執途人而語之亦必知爲瘀滯若欲其生亟進前方可耳不得已乃服黃昏進藥至夜分惡露始行黎明復下一物已焦黑乃胞衣也蓋產時穩婆只收其一謂二人同胞不知其一猶在腹也遂貽患乃爾胞衣去惡血行其病如失然予初亦不知其爲胞未下也醫誠難哉雄按繫生之胞有分有合穩婆須有識見庶不貽誤

隱疾

薛立齋治一產婦陰脫便閉下墜形氣倦甚用十全大補湯而上因怒仍脫重墜寒熱小便淋瀝用補中益氣湯加山

梔龍胆草一劑重墜減而小便利仍用前湯去二味倍加升麻參芪而愈

一產婦陰脫腫痛小便淋漓此因元氣甚虛而肝火旺也用補中益氣湯加山梔車前子四劑而肝症悉退仍用前藥去二味加茯苓小便利又用十全大補湯而腫痛遂漸消

一產婦元氣充實初產玉門不閉腫歟作痛小便不利薛謂肝經濕熱壅滯欲以加味道遙散加車前子牛膝治之不信乃服十全大補湯腫痛益甚仍用前藥更加澤鴻一劑而安

一產婦陰脫腫痛脈又滑數欲作膿也薛用十全大補湯四

劑膿成又數劑而膿潰但小便頻數而患處重墜痛盛此因元氣虛弱而下陷也又用補中益氣湯數劑而安

一產婦素有肝火患陰蝕疳瘡內潰痒痛如蟲行狀食少熱渴小水淋瀝用加味逍遙散加味歸脾湯兼服間以蘆薈丸外以鶴虱草煎洗而愈

龔子才治一產婦陰門痛極不可忍教用桃仁去皮尖研如泥塗之卽已散其一婦產後陰戶極痒令以食鹽一兩塗

之卽瘳去風熟也一婦產後陰腫大用吳茱萸煎湯洗立愈辛以

散之

薛立齋治一婦胞衣不下努力太過致子宮脫出如猪肚狀

令用溫湯治之卽以手捺子官去其惡露仰臥徐徐推入而安。

一婦脫肛用補中益氣加味歸脾各百餘劑而愈。後因分娩後復脫仍以前藥各二百餘劑始愈。拙哉

李時珍治一婦產後子腸不收用萆麻仁搗膏貼其丹田一夜而上但用此膏病愈卽宜揭去其提拔之力最猛也。又有用催生下胎用塗脚底亦宜卽時洗去。

孫文垣治一僕婦因產難子宮墜出戶外半月不收難於坐臥。有醫令服補中益氣百貼需參二斤可愈。乃聽之。孫謂此必產時受寒血凝滯不能收斂雖名陰脫未必盡由氣

虛下陷也。觀其善飯，大小便如常可知矣。授以一法，價廉功省。三五日可愈。用未經水石灰幹一塊，重二三斤者。又以韮菜二三斤，煎湯置盆中，將幹灰投入。灰開湯沸，俟沸聲盡，乃瀘去灰。乘熱坐盆上，先熏後洗。卽以熱韮于患處揉拂，蓋石灰能散寒消瘀，韮菜亦行氣消瘀。一日洗一次，三日果消軟收人。

按子宮子腸有墜下損傷者，有終身不能上如帶綬者，要皆初時治之不得其法耳。

瘀滯

南濠陳鰲妻新產五六日患腹痛惡寒發熱醫曰此元氣太虛正合丹溪云產後當大補氣血遂用人參大劑入口痛劇面黑發喘而死殊不知丹溪以產後當以大補氣血爲主治有襍症以末治之今陳氏之妻因瘀血未盡而惡寒發熱不先去其瘀血驟施大補是失丹溪主末二字之意矣主末者卽標本之謂也

續醫說

丹溪之言本有語
病不須爲之回護

吳孚先治楊氏婦產後一月半身以下忽腫脹脣突小便不通或以五皮飲加車前牛膝治之不效吳曰先經斷而後腫脹名曰血分聲分平且按小腹有塊如拳知敗血尙結于胞門非溫無以化之以薑桂佐行瘀之劑下血如黑漆數

升便利腫消

孫文坦治溫氏婦產後五十餘日。右脇脹痛。手不可近。非虛痛可

知赤白帶下多如膿。發熱便秘。診之曰。此惡露未盡。血化爲膿。宜急治之也。常見數婦病此。治之不善。積久爲毒。有

成腸癰者。有內成毒從腰俞出者。皆瘀血爲患也。急用澤

蘭葉山楂五靈脂。消惡露爲君。川芎、當歸、茯苓、白芍爲臣。

益母爲佐。香附青皮爲使。外與當歸龍鬚丸潤大便。使熱

從之去。服后次日。腹脇皆寬。痛亦止。又食葷與雜子。復作

一痛。但不如前之盛。與保和丸。用山楂煎湯送下三錢。遂愈。

若用行氣等藥。則引惡血入四肢。發爲癰毒。故產後以去惡露爲要着。

潘印川子室年二十五。因難產傷力繼以生女。拂意後。又女死悲戚。卽時暈厥。洎醒神思昧昧。手足瘛瘲目上視。孫至。因瘛瘲不能診脈。細詢之。自產後。惡露絕無。時有女醫在傍。與人參大嚼。及獨參湯。并粥。襍進。蓋參與粥。皆壅塞膈上。故神昏瘛瘲不已也。敎以手探喉中。乃隨手吐出痰飲。粥食盈盆。瘛瘲方定。以川芎。山楂。澤蘭葉。陳皮。半夏。茯苓。香附。進之。稍得睡。不虞女醫又私與補藥。子丑時。陡然狂亂。人皆異之。目爲神附。禱禳無已。曰此惡露不盡。乃畜血如見鬼之症。非眞有神物相附也。此時何不明言女醫之失。徐以正言。叱之。卽緘默。繼以清魂散。加滑石。童便與之。天明小便乃

行狂亂皆定。旣而女醫欲要功。又以藥進。則狂亂如前。再與川芎一錢五分。當歸四錢。澤蘭益母各一錢。臨服加童便連進二帖不效。此必胸中有痰作滯。故藥力不行。卽用前劑大加山楂。惡露稍行。神思卽清靜。睡片時。手足微動。或以掌批其面。或以手搥其胸。昏亂不息。診其脈近虛。早間面紅而光。申酉時面白。此血行火退。當補矣。與人參。川芎。澤蘭各一錢。當歸。山楂各二錢。茯苓。陳皮各八分。卷荷葉一片。煎熟調虎珀末五分。服半時許。喫氣二聲。此清陽升而濁陰降矣。自是惡露微行。大便亦利。飲食漸進。而安細閱是案。其得肯綮處。全在知惡露未行。及誤服人參。

兩著。至其用藥亦只見症治症而已。雄按此證總不宜用川芎而方方用
之是白璧之瑕也。至於嘔氣謂爲清陽升而濁陰降則誤矣。其症既因痰阻瘀滯氣窒不行故用多方通降而得愈。則是濁陰降而清陽始升也。何可顛倒其詞哉。

俞東扶曰：此條前半段法治不難。蓋得其參粥雜進之病情。自有消瘀及消痰食之方法。但採吐法尤捷耳。畜血如見鬼。知者亦多。後半段惡露稍行。神思卽靜。略睡片時。昏亂不息。仍是畜血形狀。乃於輕劑消瘀之中復用人參。並不以前曾誤用而畏蹈故轍。此爲高手。其講脈與面色極是。但產後譫語昏狂有純因於痰者。又不可不知。

高鼓峰治一婦人產後惡露不盡。至六七日鮮血奔注。發熱口渴。脇痛狂叫。飲食不進。或用四物湯調理。或用山楂青皮延胡黃芩等藥。卒無一效。脈之洪大而數。此惡露未盡。留泊血海。凡新化之血。皆迷失故道不去。畜血瘀則以妄爲常。曷以禦之。遂以醋製大黃一兩。生地黃一兩。桃仁泥五錢。乾漆三錢。濃煎飲之。或曰。產後大虛。藥毋過峻。否曰。生者自生。去者自去。何虛之有。第急飲之。果熟寐半夜次早下黑血塊數升。諸症如失矣。復用補中益氣而安。

雄按此鼓

峰傑出之案。然乾漆可刪。愈後亦不宜遽投補中益氣湯。

薛立齋治一產婦患亞露不下。服峻瀉之劑。惡露隨下。久而

昏憒以手護其腹薛曰此脾氣復傷作痛故用手護也。盧喜

按以人參理中湯加肉桂二劑補之而愈。

按產後惡露不下有二一則瘀滯宜行一則血虛宜補予常治數人皆二三日而止察其人果虛一以大劑養營而愈。

陸肖愚治謝四府如夫人分娩旬餘忽臂下微微作痛或謂血虛用大劑芎歸十劑而痛不減又謂血當補氣陽生則陰長加參芪五六劑而痛益劇脈之六部沉弦而左關尺更緊詢之止左邊近肛門一點痛耳問痛處熱否曰極熱曰此氣血不足而痛也乃產後敗血凝滯于肝經腎乃肝

經所絡之地凝而注之不急治久必成毒當行血海之瘀滯解經絡之蘊結庶可消耳不信更醫仍以八物湯投之一日痛處頓腫又與寒涼解毒之品致瘡口不收大便作滯飲食不進肌肉半削再診脈微細如蜘蛛絲按之猶覺有神曰今宜大補矣乃用四君子加芪桂附數劑渴止食進又加當歸熟地約十劑成痂而愈

一產婦患惡露不行瘀塞漏道小便不利遍身浮腫喘急不得臥用牛膝膏治之愈丹皮大黃當歸桂心桃仁蒲黃元胡香附瞿麥川芎射香先用土牛膝三兩水五碗煎減半

入上藥煎

年賊者

孫文垣治陳達庵之媳產半月而腿疼專科曰虛與八珍湯
十日疼益盛疼處甚熱非虛可知謂曰慎勿認虛認風此產後

敗血凝滯血海流于經絡不急治則瘀無從出久必化膿成毒或爲腸癟今腿疼是其候也不信復延專科曰風也但丹溪云產後當大補氣血雖有它症從未治投十全大補痛轉劇大發寒熱小腹近胯紅腫出膿外科又與收口太早腰俞復發一毒腫痛寒熱如初十日後大潰膿而不收口精神委頓肌肉陡削飲食不進惡心惡寒奄奄一息診之六脈濡大無力清水無膿曰勢亟矣速爲保脾與人參白朮各五錢甘草乾薑附子各一錢黃芪三錢白芷桂

心各五分。外科曰：白朮作膿，恐不可服。曰：膿不死人。飲食不進，則死人也。四帖神氣回，飲食進，症減。膿成，改用參苓白朮散，調理一月而安。

朱丹溪治一婦人，年十八，難產七日，產後大便瀉，口渴氣喘，面紅有紫斑，小腹脹痛，小便不通。用牛膝桃仁當歸紅花木通滑石甘草白朮陳皮茯苓煎湯，調益母膏，不減。後以杜牛膝煎濃汁一碗飲之，至一更許，大利下血一桶，小便

通而愈。

心 雄按此證余每以當歸龍薑丸投之立效

繆仲濬治莊歛之次女，產後惡露未淨，至夜發熱，脾胃却弱，腰腹大痛。時師謂產後氣血俱虛，投以人參當歸諸補劑。

轉劇咸慮其成廢勞也。診之謂不數帖卽痊矣。用白芍、扁
豆、杜仲各三錢。紅麴蘇子車前各二錢。萸肉麥冬、青蒿各
四錢。橘紅乾葛各錢半。炙草八分。牛膝五錢。黑豆八錢。澤
蘭一錢。十劑而惡露淨。發熱已。腹痛亦止。但腰痛未盡除。
脾胃尙未健。改用白芍、山楂、橘紅、麥芽、石斛、扁豆、沙參各
三錢。砂仁、杜仲、萸肉各一錢。五味一錢。炙草五分。牛膝五
錢。蓮肉四十粒。十餘劑。脾胃亦健而全愈。

來天培治王正權室人。產後十餘日。患寒熱腹痛。目赤而濬。
羞明。疼痛。診之脈沈而濬。詢其惡露未盡。知停瘀爲患。以
當歸、川芎、桃仁、紅花、甘菊、生地、丹皮、銀花、連翹、蟬退、清火

行瘀驅風等劑。六帖而痊。

薛立齋治一婦產後四肢浮腫寒熱往來。蓋因敗血流入經絡滲入四肢。氣喘咳嗽。胸膈不利。口吐酸水。兩脇疼痛。遂用旋覆花湯。微汗漸解。頻服小調經散。用澤蘭根煎湯調下。腫氣漸消。人未選

一產婦腹痛。或用抵當湯敗血已下。前症益甚。小腹重墜。似欲去後。此脾氣虛而不陷。用補中益氣加炮薑溫補脾氣。重墜如失。又用六君子湯而安。歸脾湯調理而愈。全上

癥瘕

薛立齋治一產婦。腹中似有一塊。或時作痛而轉動。按之不痛。便非寃積。面色痿黃。痛則胱白。脈浮而濇。此肝氣虛而血弱也。不信。乃服破血行氣藥。益盛。轉動無常。又認爲血鬱。專用破血祛逐之藥。痛攻兩脇。肚腹尤甚。益信爲鬱。確服下蟲等藥去血甚多。形氣愈虛。肢節間各結小核。隱于肉裡。以爲鬱子。異藥而走于外。薛云。肝藏血。而養諸筋。此因肝血復損。筋涸而攀結耳。蓋肢節胸項皆屬肝膽部分。養其脾土。補金水。以滋肝血。則筋自舒。遂用八珍湯。逍遙散。歸脾湯。加減調治而愈。

一產婦。小腹作痛。有塊。脈芤而濇。以四物加元胡索紅花桃

仁牛膝木香治之而愈

血崩

薛立齋治一產婦血崩，小腹脹痛，用破氣行血之劑。其血崩如涌，四肢不收，惡寒嘔吐，大便頻瀉，用六君炮薑四劑稍愈。又十全大補三十餘劑全安。

一產婦血崩因怒，其血如涌，仆地口噤目斜，手足抽搐。此肝經血耗生風，用六味九料一劑，諸症悉退。但食少晡熱，佐以四君柴胡丹皮而愈。

孫文垣治黃氏婦，產未滿月，醉犯房事，血來如崩，發熱頭暈。

大小便俱熱。六脈洪大。以竹茹蒲黃白芍各一錢。香附茯苓側柏葉各七分。甘草炮薑艾葉各三分。血止大半。腰猶脹痛。下午胸膈飽悶。改以川芎五分。當歸茯苓補骨脂蒲黃香附各八分。姜炭甘草各一分。陳皮七分。人參一錢而愈。

呂東莊治從子在公婦半產。惡露稀少。胸腹脹甚。脈之濡數當重用參芪。不然必崩。因力艱未服。已而果崩。嘔不止。下血塊如拳如碗者無數。神氣昏憊。兩足厥冷至小腹。兩手厥冷至肩。額鼻俱如冰。頭上汗如油。旋拭旋出。按其脈至骨不得見。乃投大劑補中益氣湯。加人參一兩。未效。如無

之參單服補中益氣湯

急湯

急用參一兩附子一兩炮薑二

錢濃煎灌之至暮漸減戒日俟其手足溫卽停藥至三鼓

手足盡溫崩亦止家人忘戒又煎前藥進之比曉視之脈

已出而無倫痰忽上涌點水不能飲入口卽嘔吐并獨參

湯不能曰過劑所致也卽投生地黃五錢熟地黃一兩

當歸白芍枸杞各三錢甘草一錢濃煎與飲病者意參飲

尙吐况藥乎不肯服乃強之曰試少飲必不吐進半甌殊

安遂全與之盡藥而痰無半點神氣頓清矣午後體發熱

曰此血虛熱恒理也後用十全大補調理而痊

雄按人參
雖重幸不

卽脫而治法大謬能掉頭
設法其聰敏有過人處也

張飛疇治陳子厚媳。八月間因產不順去血過多。產後惡露自稀少。服益母湯不行。身熱汗血。產科用發散行血更劇。自用蕉糖酒一碗。遂周身絡脈筆楚難堪。惡露大下面赤戴眼出汗如浴。但言心痛不可名狀。卽殺血心痛也。此去血過多。心失其養。故痛。肝主筋。爲藏血之地。肝失其榮。故脈絡筆楚不堪。且汗爲產後之大禁。非急用人參恐難挽也。用四君合保元湯加白芍五味一劑汗止。因其語言如祟。疑爲瘀血未盡。更欲通利。曰音怯無神。此屬鄭聲。且腹不瘀痛。瘀從何有。此神氣散亂不收之故。前方入棗仁龍齒。諸症悉平。後服獨參湯至彌月而安。

薛立齋治一產婦月經不調內熱燥渴服寒涼之劑其血如崩腹腫痛寒熱作嘔少食用六君子二十餘劑諸症悉愈以加味逍遙散調理而安

一產婦月經年餘不通內熱晡熱服分氣丸經行不正惡寒作渴食少倦怠胸滿氣塞朝用加味逍遙散夕用四君子湯月許諸症悉愈佐以八珍湯兼服兩月而愈

馬元儀治金氏婦產後一月血來不已厥逆自汗不止或與養血補陰不效診之兩尺空大無神曰褚氏有云血難陰類運之者其陽和平今厥逆自汗脈大無根爲脾腎之真陽內弱故血無所附而溢所謂陽虛陰必走也法當大補

真陽以攝虛陰。若養血補陰。恐血未必生。而轉傷陽氣。則陰血愈不守矣。以人參三兩。白朮一兩。附子三錢。茯苓炙甘草各一錢。一劑知。二劑已。數劑精神勝常矣。

繆仲濬治賀函伯乃正小產後。陰血暴崩。作暈惡心。牙齦浮腫。喉嚨作痛。日夜叫號不絕。曰此因失血過多。陰氣暴虧。陽無所附。火空則發。故炎上。胸中覺煩熱。所謂上盛下虛之候也。法當降氣。氣降則火自降矣。火降則氣歸元。而上焦不煩熱。齒齦腫消。喉嚨痛止。陽爻干陰。而諸病自己耳。用蘇子研。青蒿子各一錢半。麥冬。白芍。鱉甲。牛膝。生地。枸杞。各四錢。五味五分。棗仁五錢。續斷。橘紅各二錢。枇杷葉

三片河水煎加童便一大杯。鬱金汁十二匙。空心服時進童便一杯。

8

魏王橫曰。許竹溪夫人年三十餘產後自己至酉。血暴下如注。呵欠連連。遂目閉口張。面色青慘。白沫汙出。不止。髮根盡濕。六脈全無。勢欲脫矣。其初亦以童便灌之。葷醋熏之。殊不應。乃用熟地二兩。杞子棗仁各一兩。令煎湯候藥。至投入。不待稠濃。卽徐徐灌之。才盡一鍾。汙止。目開。口閉漸知人事。再與之。血止而睡。醒後進粥。次日仍以前方。令日服一劑。四日全瘳。當其亟予診也。時方與人會飲。擲杯而往。疏方而返。坐有業醫者數人。詢其症。咸曰。猶與藥平。用

何方曰與某某咸詫笑曰君真買乾魚放生也咎將誰任
余笑而不言

宋申甫室人妊數月時長夏歸甯母家召醫診之以爲經阻
也投破瘀辛熱之劑四帖遂半產血行如瀉亟余診至則
大汗淋漓脈將脫矣伏几上不去牀數步不能就寢以血行
之猛也時惟親戚之朱某在乃屬其母煮水待藥煎百餘
沸卽與服再煎再與不及稠濃也急偕朱就近舖買熟地
四兩杞子棗仁炒各二兩如法服立瘥

張建東室人年三十餘妊娠五月素有肝病偶不快鄰醫與
荆防廣半香砂鬱金元胡之類五劑遂見紅腰腹痙墜氣

促面紅。診之脈不接續。曰。胎已難保。第與滋養三陰。以防其崩耳。其產必在子夜。若待崩而延診服藥。恐緩不及事。先疏方與之。熟地二兩。杞子一兩。棗仁一兩。令察其面。若加赤氣。若加喘。血必暴下。宜急飲之。至時一一如言。果舊無事。次日就前方減半。入人參一錢。二劑而痊。後數年復孕。因肝虛發厥。余用生地杞子之劑。不敢服。遂至變症。百出。產後上咳下利。余與杞子、生地、沙參、麥冬。病少退。次日仍前方告以必用薑仁。乃可以服。參术薑附既多。熟鬱其非。此莫能解也。遂不復邀。後聞其日進參芪术附。卒致不起。人之生死。豈皆命乎。

血迷

張子和治一婦產後第六日血迷用涼膈散二兩四物湯三兩朴硝一兩都作一服大下紫黑水其人至今肥健卽未之則其人素常肥健可知故可用如此藥句推

柴嶼青治侍御李符于大令媳半產大汗發暈皆不知人卽血也他醫立方俱不敢服符于乃徒步邀視先令其以葷葉斤許搗爛用好醋炒之乘熱熏鼻少甦用清魂散加童便黃酒服之調理旬日而安

薛立齋治一婦因產後飲酒惡露甚多患血暈口出酒氣此

得手為至聖
掌心悟中一石
招手却使破衣

血得酒熱而妄行虛而作量也以佛手散加煨甘葛二錢
一劑而痊。酒性剽悍入月及產後不宜飲恐致前症。產室
人眾氣熱喧囂亦致此症。雄按此證宜清血導下芎歸宜
葛根雖解酒亦嫌升散一劑而痊殊難盡信

梅師治產後餘血不盡上沖心胸悶腹痛以藕汁二升飲之
愈。

薛立齋治一產婦患惡露上攻昏憒口噤冷汗不止手足厥
逆用六君子加附子一錢以迴其陽二劑頓甦又以十全
大補湯養其氣血而安。

△一產婦患前症手不敢近腹用失笑散一服下瘀血而愈次

不見太公

日腹痛下利，用十全大補而安。

一產婦患前症，用大黃等藥，其血雖下，復患頭痛，發熱，惡寒，次日昏憒，自以兩手堅護其腹，不得診脈，視其面色青白，此脾虛寒而痛也。用六君子加薑桂而痛止。又用八珍加薑桂，調理而安。

王執中曰：產後血量寒熱往來，或血搶心惡疾也。子閨食物本草見有用鹿角燒爲末，酒調服。日夜數服，驗者偶家有婦人患此，令服此神效。因教他人婦服，皆驗。但以產後未可飲酒，以童子小便調服耳。最忌服利藥。資生經

沈堯封曰：產後去血過多，眩暈昏冒者，宜重用阿膠水化略。

加童便服。血去不多者宜奪命散。沒藥去油二錢。血竭一錢。共研末分兩服。糖酒調下一錢。某姓婦產後發暈。兩日不醒。產後惡露甚少。量時惡露已斷。其夫向鄰家討琥珀散一服。約重二錢許。酒調灌下。即醒。其藥之色與香俱似沒藥。大約即是此方也。

呂姓婦分娩次日。患血暈。略醒一刻。又目閉頭傾。一日數十發。其惡露產時不少。今亦不斷。脈大。左關弦硬。用酒化阿膠一兩。冲童便服。是夜暈少減。而頭汗少出。腹痛有形。寒戰如瘧。戰已發熱更甚。投沒藥血竭奪命散一錢。酒調服。寒熱腹痛發暈頓除。惟通身汗出。此氣血已通。而現虛象。

也用黃耆五錢炒歸身一錢甘草一錢炒棗仁三錢炒小麥五錢大棗三個煎服汗止而安

雄按惡露雖少而胸腹無苦者不可亂投破瘀之藥今秋周鶴亭室新產眩暈自汗懶言目不能開脈虛弦浮大詢其惡露雖無而脘腹無患投以牡蠣石英鱉甲琥珀丹參甘草紅棗小麥之劑覆杯卽減數日霍然此蓋血虛有素既婉則榮陰下奪陽氣不潛設泥新產瘀衝之常例而不細參脈證則殺人之事矣

血虛

楊乘六治許氏婦，產後動怒，寒熱往來，腹痛口苦。

肝火病其狀如瘡，蓋

膽爲肝府。肝病則膽亦病矣。漸次發熱，晡熱尤甚。醫云風證，混加表散，腹左

忽增一塊，區大如掌，日夜作痛，或疑寒凝，或疑食滯，或疑

瘀畜，或疑痞積，謹治之，病益甚，食減肌瘦，脈之右關弦洪。

左關弦數，面色黑，數舌色淡黃而乾，症乃怒氣傷肝，經血

少而燥痛也。蓋肝居胃左，本藏血者也。血足則其葉軟而下垂，血虧則其葉硬而橫舉，內與胃相磨，外與肌相逼，能不隱而痛乎？凡性燥多怒者，往往患此，而婦女尤多。庸妄不知，誤用香燥削尅之劑，枉殺者不知凡幾，良可歎也。以滋水清肝飲四劑，塊消痛止，繼用歸脾湯去木香，加白芍

丹皮山梔間服十餘劑而痊

必用歸脾收場吾知其守而未化也。

溫能除癌

許氏婦產後發熱或時作寒頭痛體倦醫與疎邪降火煩渴不食揚診之其脈浮取似數重按則芤左手尤甚唇舌皆白面無血色用十全大補湯加炮薑或曰如此大熱而用薑桂何也曰陽在外爲陰之衛陰在內爲陽之守兩相依附者也今產後陰血大虛虛陽無附浮散于外而爲熱非引浮散之陽歸于柔陰其熱不退却不然故用溫補血氣之劑欲其補以收之也又曰薑桂味辛而散何云補以收之耶曰桂逢陽藥固能汗散若逢血藥卽爲溫行薑之爲用生則開肌發汗熟則溫中散寒至炮黑則入血且能引氣

藥以入血分而生新血。故以大補爲主。以之爲佐使。陰得陽生。則熱自除耳。四劑果熱退身涼。十餘劑諸症悉愈。是此說也。

○凡產後症多屬陰虛血少。第以二地二冬杞子。一切養營之劑無不立愈。若氣血兼補。襍以薑附剛劑。非擔延時日。卽貽病者後患。臨症者宜審之。雄按魏氏獨擅此長。至論產後卻是

最爲貼切

柴嶼青治錢嶼沙官侍御時。其夫人產後三日。惡露甚少。面白唇燥。口乾身熱。與前案唇舌皆白面無血色同擬用參。嶼沙以產後不宜用補爲疑。柴曰。果有外感。自別有治法。今症屬不足。舍此必致貽患。不可用參之說。此不知醫者及女流之說也。

遂投人參當歸散。加好桂一錢。次日口潤生津。調理半月而痊。

陸祖愚治聶巡司子婦產後百餘日。大腸燥結。虛火上衝。便血腸鳴。腹滿短氣。內外皆熱。半月不能進飲食。或與養血清火愈甚。診得兩脈浮洪而數。按之無神。脾腎兩脈更覺空虛。乃產後元氣耗散。真陰不足。而非實熱也。用八味丸清晨淡鹽湯送下三錢。用四君加歸芍。麥冬。知母。蓮肉。作煎劑。數服諸症少緩。後以補中益氣加白芍。麥冬。一月瘳。馬元儀治陸氏婦產未一月。因起居微觸。便血三日。遂徹夜不寐。此新產去血過多。虛而益虛也。凡有所觸必傷其脈。

肝傷而血溢則氣亦不守矣。氣虛血弱，心神無養，故目爲之不瞑。又與歸脾大劑用參至一兩，加鹿茸三錢，兩月而愈。論是而方未盡協

8

魏王橫曰：許竹溪室人產後數日發熱自汗，面赤頭痛，惡食不眠，惡露雖極少而微，腹時脹痛，脈則洪大而數。曰：此血虛也。腹脹者陰下陷也，陽上飛則陰下走勢所必然也。以熟地二兩，杞子棗仁各五錢，一劑。次日小腹之右，忽有一塊如槃且硬，按之痛甚。下是疑爲瘀而誤補，欲更張。幸病人素服子藥，姑再延診。曰：其塊驟起，卽大如盤，雖瘀滯亦無

言傳此

如是之甚也。此正肝脾失血燥而怒張得補猶然否則厥而崩矣。今脈大漸斂面赤漸退非藥之調乃藥之輕也。令前方加倍再入炒白芍五錢炙甘草一錢一服塊漸平。再服塊如失。前方減半數劑諸症全安。此症若作瘀治斷無幸矣。

肉線出

一婦產後水道中下肉線一條長三四尺動之則痛欲絕。先服失笑散數帖次以帶皮薑三斤研爛入清油二斤煎油乾爲度用絹兜起肉線屈曲於水道邊以前薑薰之冷則

熨之六日夜縮其大半。二六日卽盡。人再服失笑散。芎歸湯調理之。如肉線斷則不可治矣。

惡露多

產後惡露過多不止。用伏龍肝二兩。煎湯澄清。烊入阿膠一
兩服之。如不應加人參。方出沈堯封女科輯要。

感症

陸肖愚治吳敬之室年二十餘產前已有感冒分婉三日後
因責婢離牀時正冬月覺身上凜凜遂身熱頭痛或用參

蘇飲發其汗頭痛止而身熱不除遂以產後當大補氣血數劑而煩熱日甚又擬用補中益氣湯脈之兩手雖弱而左猶帶浮右已見數曰脈虛正產後之平脈但左手猶浮知表邪未散右手見數欲傳裏之候也宜急解其表微通其裏少緩便有承氣之患矣用柴葛桔梗黃芩花粉甘草山楂一劑而煩熱減二劑而身涼以清氣養榮湯調之按雄
左手帶浮是產後血虛右手數是爲客邪未解

馬元儀治陸氏婦產後惡寒雖重茵厚被不除屢補不效將行桂附矣診之兩手脈沉伏面赤口燥胸滿此非產後新虛乃胎前伏邪也屢用參朮則邪愈結而正愈阻肌表惡

寒者邪熱內鬱逼陰於外也。口乾面赤胸滿者邪氣挾火挾食上凌清道也。仍宜一表一裏治之用葛根防風蘇梗枳壳桔梗杏仁蘇子薄荷一服而表症已。右關尺轉見滑實隨用大黃五錢元明粉三錢甘草一錢一服下積穢甚多復發疹發頤此表裏兩和餘邪畢達之徵也再與辛涼解之透之劑而安此症邪伏於內久而不宣用清陽泄表苦寒達下兩泄之猶發疹發頤而乃妄行溫補將謂脈伏惡寒爲陽虛之候耶其亦不審病機甚矣。雄按在產後能知伏邪而用一蘇防葛桔可免後來發頤之患矣

王氏婦產後一月神氣昏倦上氣喘促曾滿中痛咳嗽發熱

百治無效。診之。兩脈沉濇兼結。此胎前已有伏邪。兼產後氣血兩虛。邪益內結。法宜表裏兩和。使邪從外達。氣從內泄。病自愈矣。以桂枝。柴胡。蘇梗。枳殼。半夏。麵蘿蔔子。杏仁。廣皮。透邪達滯之劑。頓安。脈已稍舒。或投參地歸芍。欵滯之品。遂徹夜靡寧。如喪神宗。此邪結於中。補之生變也。乃用桂枝。炮薑黃。連枳實。厚朴。廣皮等。一劑而胷滿中痛除。復用荳仁。柴胡。桂枝。半夏。枳殼。杏仁。蘇子。桔梗。再劑而表熱喘咳平。但大便不行。此久病津液失養也。加生首烏。一兩。便行餘邪盡去。然正氣大虧。再與滋補氣血之劑而安。

李季虬治魏季嘗令正產。後飲食不節。復感風寒。遂致發熱。

譫語、喘咳氣逆、惡露絕不至、勢甚急迫、謂症皆係外來客
邪。尙屬可救。設正氣虛脫、現諸症者必無幸矣。何以見之。
以脈氣浮大有力故也。用大劑疏風消食之劑。二劑便霍
然。先是有用白朮葛歸等補藥者。幾爲所誤。

廣筆記

○○○
張意田治一婦產後、患病已及半載、咸作勞損治、且云陰虧
已極、勢難痊愈。張連診五次、確知此症服小柴胡湯法必
當應。奈羣議紛紜、以參紫非治陰虧之藥、又言肺熱咳嗽。
大忌人參、因立案爭之。幸病家見信、一服而寒熱大作。三
服之後、寒熱退而咳嗽平。十服全愈。案云、診得六脈皆
數。右寸脈大而軟。關尺兩部沉候弦急。左寸洪數。關部三

候皆虛數。尺中空大。夫右寸軟大。肺氣虛也。關尺沉候弦急。關主中州。尺司火位。沉裏也。弦肝脈也。此因中氣虛而木邪犯位。木氣動而火從之也。左寸洪數。心經虛火也。關中虛數。肝無血養也。尺中空大。腎水虛也。是脈本屬陰虛而寒邪乘之。留連不已。以至於此。今所見症五更發熱者。寅卯木旺之時。肝火挾邪。隨時而動也。上午寒熱。得汗熱減者。邪稍泄而勢稍緩也。咳嗽之聲。結而不暢。此久嗽傷肺。肺氣虛而邪不得越也。曾腹時脹而微鳴。此肝木犯脾。肝主脹者也。合脈與症。是爲虛中挾實。不得樞轉外出之候也。大全曰。產後血氣虛弱。飲食未平。不滿百日。將養失

所風冷客於氣血。顏容憔悴。飲食難消。感於肺故咳嗽口乾。遂覺頭昏。百節疼痛。榮衛受邪。氣通於肝。流注臟腑。須臾頻發。咳嗽無汗。寒熱如瘧。暮勞之候往往如此。景岳云虛弱之人。外邪初感。不爲解散。而作內傷。或用清涼。或用滋補。以致寒邪鬱伏。久留不解。而寒熱往來。或爲咳嗽。其症全似勞損。欲辨之者。察其表裏病情。或身有疼痛。而微汗則熱退。無汗則復熱。或大聲咳嗽。脈雖弦緊而不甚數。即病至一兩月。而邪猶未解。此似損非損症。毋再誤也。今此症實類此。當用小柴胡湯。轉動樞機。藉少陽之生氣。由內而外。自下而上。則陰陽和。而伏邪解散矣。加半夏牛膝。

半夏能啟陰氣。產後陰虧而兼口燥。故去之。胃腹時脹。脾

陰多鬱。宜加牛膝以導之。藥病相當。自應如桴鼓也。

雄按今春

余荆人婉子頗艱。至三朝忽渾身麻冷。俄卽壯熱大渴。汗出不解。耳鳴目淚。舌絳無津。苔色黃燥。腹痛拒按。腕悶不饑。惡露仍行。小溲極熱。按脈弦滑。有甚是胎前吸受溫邪而痰熱素盛。氣機壅滯。血去陰傷。故見證如是之劇也。予元參丹參。白微知母。花粉竹茹。豆卷。旋覆桑葉等服之。熱即退而脈不減。且不饑。仍予是藥。越二日後麻冷而復熱。舌較潤。苔稍薄。知治已中。欬尙嫌力薄也。前方加石菖蒲枳實。挾實。婁仁投之。熱亦退。卽退。併吐膠痰數椀。略進稀糜。間一日又發寒熱。或疑爲癟。或云產時用力勞傷。或慮將成蓐損。議諭紛紛。予置若罔聞。仍主前藥。熱果漸短。渴亦甚減。踰日寒熱猶來。確守原方。至十一朝始解黑燥矢。而諸恙悉解。且漸進飴。計服此方已十大劑矣。繼惟粥食。調養竟不與藥。戚友聞之。莫不駭異。然非獨斷獨行。斷難奏績。設泥初產而用生化行瘀。或視爲癟。而以柴胡桂溫散。則必驟變。卽知爲陰虛熱感。而與四物等養血。亦必邪氣糾纏。延爲蓐損。季冬孫晝三仲媿。因兒女過多。不欲產

先胎前屢用下胎藥不應。婉後三朝亦發寒熱。兼以痛瀉無瀉瀉出皆黑色。醫視爲瘀。予同生丹等藥已漸愈。惟寒熱間作未已。至八朝延余診之。右寸關大而乏韻。且有諭申一躍之象。及視其神氣頗安。苔色薄黃。略思粥食。診視甫畢。前醫適來。余謂脈甚不佳。恐有猝變。彼診之云。較昨日太和矣。必無害也。余唯唯而退。主人似訝余之太無能也。勉強送余出門。余復謂曰。元氣太傷。不可再服峻藥也。聞夜間寒熱復來。腹痛又作。仍以同生丹下之。越日而殲。

來天培治潘氏婦。季夏產後二十餘日。患寒熱便血。惡露未淨。而喘與香薷飲四劑。服後反嘔吐頭眩。腹痛自汗惡心發熱。氣促發斑。色微紅。兩頰淡紅。診之左脈如絲。右脈沈細。此虛而兼感。嘔吐傷胃。肝木乘相火刑金。肺氣受傷。上下拒格之症也。治宜活血滋陰。行氣舒脾。散氣降逆。托

裏化班之劑。用牛膝。茯苓。杞子。當歸。紅花。黃芪。川芎。木香。

黃疸

化理化被湯

香附廣皮半夏麴生薑一劑諸症大減六脈和緩但微噦眩暉心跳胃膈不舒此邪去正虛所致也前方去川芎木香牛膝加茯神丹參杏仁貝母二劑前症盡除惟心跳頭暉改用歸脾湯去人參木香加防黨參杞子白芍調理而愈

感暑者

孫文垣治一婦人年十六初產女艱苦二日偶感暑邪繼食麵餅時師不察竟以參木投之卽大執譖語口渴汗出如洗暑症氣喘暑傷氣泄瀉協熱利皆黃水無屎下利日夜無度小多汗

水短少飲食不進症甚危惡時六月初旬女科見熱不退乃投黃蓮黃芩白芍之劑諸症更甚又以參术大劑肉果乾薑等止瀉一日計用參一兩四錢瀉益頻熱益勦喘汗轉加譖語不徹日醫各束手謝曰汗出如油喘而不休死症也又汗出而熱不退瀉而熱不止譖語神昏產後脈洪大法皆犯逆無生路矣惟附子理中湯庶微待萬一孫診之六脈亂而無緒七八至獨右關堅硬積食因思暑月汗出乃常事但暑邪麵食瘀血皆未銷鎔補劑太驟致畜血如見鬼若消瘀去積解暑猶可生也用益元散六錢解暑清

熱止瀉利水爲君糖毬子卽山楂三錢爲臣紅麵澤蘭各一

參木不吉

土木離子

參木不吉
土木離子

五因痘癰
及瘧蛇足

是蛇
足矣

錢五分消瘀安魂爲佐。橘紅半夏麴茯苓理脾爲使。三稜

五分消前參木。決其壅滯爲先鋒。飲下卽略睡。譖語竟止。

連進二劑。瀉半減。次日仍用前方。其下漸減。大便止二次。

有黃屎矣。惡露行黑血數枚。次日診之。脈始有緒。神亦收

斂。進粥一盞。前方去三稜。紅麴加扁豆。大便一次。所下皆

黑屎。執盡退。改用六君子加益元散。青蒿扁豆香附酒芍。

炮薑調理而安。三稜亦消瘀之品耳。略消參木之壅滯。則山楂已足矣。非三稜事也。

雄按炮姜

易思蘭治石城王福謙之妃。癸酉年六月受孕。偶患泄瀉。醫用淡滲之藥止之。自後每月瀉三五日。有作脾瀉者。用參

芩白朮散之類。二三服亦止。然每月必發五七次。至次年三月生產後。連瀉半月。日夜八九次。諸藥不效。驚惶無措。召易診之。兩寸尺俱平和。惟兩關洪大有力。曰此暑病也。以黃連香薷飲治之。一劑減半。再劑全愈。惟肝脈未退。又用通元二八丹。調理半月後平復。

陸祖愚治李丹山子室自來元氣不足。產後六七日。正當酷暑。而臥房在樓。忽頭疼。氣喘。昏悶。體若燔炭。沉沉昏去。或以為傷寒。合門窓盡閉。帳幔重圍。用一陳羌活防芎蘇一劑。口乾唇裂。喘急欲絕。診之。六脈浮洪。而散。乃冒暑。而非感寒。宜涼解而不宜溫散。合取井水灑地。鋪以蘆席。移病

劑而起

雄按論證甚超用藥可議何不用益元散西瓜汁等物

人臥其上飲以香薷飲遂微汗而甦再用清暑益元湯四
沈明生治劉舜泉孫媳夏月產後暈厥不知人事或謂惡露
上攻所致投去瘀清魂等劑瘀不行暈厥益甚又作瘀治
食治皆不效沈至回翔諦審笑曰吾得之矣此暑熱乘虛
而入急宜清暑非黃連不可或謂血得冷則凝今惡露未
去若投寒涼是遠其難也沈笑曰有不諱吾任之藥甫入
口厥甦暈止再進而惡露行蓋產時樓小人多炎敵之際
益助其熱乍虛之體觸之豈能不病經云暑傷心又云心
主血爲熱冒而暈厥此中暑而非惡露明矣或曰舍症從

時理固然矣。然血熱則行，冷則凝，亦古訓也。今用寒涼而惡露反去，何也？曰：熱行冷瘀，以血喻水，道其常耳。子獨不觀失血者，有用溫緩藥而得止？則瘀血者豈無用苦寒而得行？豈造化之微權，逆從之妙理也？安可執乎？雄按病雖露不行，必佐清瘀之品，斷非單以黃連治之也。讀者須默會之。

火熱

易思蘭治一婦，產後半月餘，胃中有清水作逆而吐，以爲胃寒，令煮雞倍用椒薑，初覺相宜。凡內熱虛火之人，初服辛熱之藥，亦有小效。至三五日，清水愈多，以薑椒煎湯，時時飲之，近一月，口氣漸

冷四肢發厥晝夜作逆腹中冷氣難堪有時戰慄用四君子湯人參一錢至二錢初服少安久則不應又加炮薑亦不效眾議用附子理中湯庸俗必趨之道易診之六脈俱無以食指復按尺部中指無名指之後妙診法脈來實數有力左石皆同發言壯厲一氣可說三五句唇焦頰赤大便五六日一次小便赤少此實熱症也詢之其俗產後以食胡椒炒雞爲補此婦日食三次半月後遂得此疾乃用三黃湯治之連進四盞六脈俱現薑椒湯不欲食矣又進四盞身不戰慄清水減半服四日口中熱氣上升滿口舌尖俱發黃小粟瘡大便八日不通以四苓合涼膈散空心一服至午

不動。又以甘草煎湯調元明粉五錢。熱服一時。許腹中微鳴。吐出酸水一二碗。大便連去二次。又復元明粉五錢。下燥矢十數枚。後以四分三黃山梔枳殼。調理全愈。主人曰。荆人之病。醫皆以爲虛而用薑附。先生一診而遂用大劑三黃湯。更加元明粉。寒涼之劑以通之。不以產爲掣肘。公何見也。易曰。脈症明顯。不詳察耳。脈法云。極大極微。最宜斟酌。凡診脈過極大無力者。須防陽氣浮散於外。若極微之脈。久久尋而得之。手指稍稍加力。按之至骨。愈堅牢者。不可認作虛寒。今脈左右三部。初按悉無。再以食指按其尺部中指。無名指。按其尺。後脈來實數有力。所謂伏歷脈。

是也。此乃陽匿於下亢之極矣。又大便秘結。小便赤少。唇
焦頰赤。氣壯言高。自脈與症視之。其爲實熱明矣。若果虛
寒。脈當浮大無力。何以實數有力。症當氣息微弱。何以言
貌壯強。其口氣冷。吐清水。四肢厥。時戰慄者。正熱極似水。
陽遏陰浮之義也。戰慄則熱入血室。熱極則生風矣。熱在
肝腎。不在心經。故言語眞誠而不妄也。其致病之由。本於
食椒雞過多。胡椒性味辛熱。能散寒逐敗。雞屬巽而入肝。
性溫能活滯血而養新血。雞可常食。椒性大熱有毒。不可
過多。多則熱毒積於腸胃。而諸怪症作矣。至於服薑椒而
反現寒症者。正古云。服黃連多而反熱者。服薑附多而反

寒之謂也。用三黃者，黃連味苦入心，苦能下泄，如天氣下降，自能引地氣上升。黃芩利大腸之熱毒，黃柏生腎水以制火。甘草稍解諸藥之毒。元明粉軟堅，四苓散合涼膈散清利大小便。此藥一服，故口舌生瘡，其毒自口而出，雖不補產後之虛，然內邪既去，則正氣自昌，而虛弱者充實矣。是不補之中，而有大補者在也。

按此爲火極似水，乃物極必反之候。凡患此爲燥熱溫補所殺者多矣。哀哉。

許學士云：記一婦人產後護密，閤內更生火，睡久及醒，則昏昏如醉，不省人事。其家驚惶，許用荆芥佐以爻解散，云服

之卽睡。睡之必以左手搔頭，覺必醒矣。蓋爲火所逼也。

蓋爲火所逼也。

魏玉橫曰沈協蘭室人善癥，自頗知醫，最重景岳全書。數年來所服多溫補之劑，約桂附幾各半斤，近以產後惡露淋漓赤白時下，咳嗽日甚，小便自遺，脈之右手鼓指兩關弦數右尺弱，面有紅光，舌當中無胎，智多冷氣，喜熱飲，稍涼則不快。所服乃壽脾煎加薑桂等，乃列案與之曰：病本三陰不足，久服溫補，則氣分偏勝，遂至棉延不已。其誤在便塘氣冷，又喜熱飲，認爲脾胃虛寒，不知火盛下迫，則作瀉，上沖則反冷，鬱於中則得辛熱而暫散，此理方書多未論及。今以產後去血，血益虛，則火益盛，面有紅光，火炎上也。

惡露赤白。肝脾熱也。咳嗽便遺。肺虛肝盛。腎不秘密也。辛溫燥烈。宜急遠之。方用生熟地。杞子。沙參。麥冬。釵斛。初猶畏麥冬之寒。以一錢太重。只用六分。數劑後。覺相宜。漸加至一錢五分。十餘劑。便不喜熱飲。症漸平。又加桂仁二十餘劑。每日大便下青黑雜物。而辛氣滿房戶。蓋桂薑之熱。久泊迴腸。因營氣漸充。乃勢不能容而下出也。若再投溫補。其害可勝言哉。書此以為偏服溫補者戒。

楊氏二婦。妯娌也。其姪新產發熱。頭暈不能起坐。坐則欲仆。惡露紅白。兩乳壅腫。子戶旁腫如雞卵。痛甚。勢將成癰。耑科與炮薑。白朮。荆芥。桂枝等。更嘔惡不寐。脈之弦數六至。

不可因熱
宜溫

有餘乃與生地杞子地丁麥冬當歸銀花甘草黃連薑仁六劑全愈其姊產彌月耳聾頭及乳腹常痛帶下棉棉每浴湯中搖漾如綫子戶亦腫痛醫與香燥轉甚亦用前方加減而愈又朱朗齋之妹產後赤白淋瀝口乾咽痛前方去地丁當歸加白芍四帖全安其初楊妙所生兒食乳卽吐自母服藥後亦不嘔矣凡此皆少厥二陰陰虛火盛之病若謂產後而用辛溫是殺之也

惡寒

吳詳治汪伯玉婦杜冬舉仲子會病瘡且痿四肢病溢而甚

惡寒。歷春夏滋深。挾續擁絮。酒慄慄。曰。物極則反。吾且極之。病由遲產而虛。勢重不可亟。反激而後反。其易爲力哉。於是補以參芪。欽以桂枝。固以龍骨牡蠣。經年寒猶故也。汪以爲言。詳曰。母謂徐徐。及瓜而後可治。又明年夏先期一月。而診之曰。藥力告盈。其可以已。則以盤水沃青巾者。二。以石水浮瓜者。三。謂汪曰。詳無戲言。通言語徹衣衾。其在今日。乃命女僕奉盤水。進杜難之手。語曰。吾病產後。宜不可水。詳曰。無害。第以兩手按青巾試之。病者曰。宜。然後乃沃兩巾。尋漱以盂水。已復飲之。既削瓜而使啖其半。於是汗止聲出。單衣如常。先是溪南吳千婦病與杜同。詳治。

以嚮法效

大涵

雄按此先救其表而後清其裏也然及

瓜而後可治雖

醫者有此眼力恐病者

無此耐

性何

山而

口

沈堯封曰。產後喘有閉脫二症。下血過多者是脫症。喉中氣促。命在須臾。方書雖有參蘇飲一方。恐不及待。惡露不快者是閉症。投奪命丹可定。如不應當作瘀治。此皆急症。更有一種緩者。婁全善所云。產後喘者多死。有產二月。洗浴卽氣喘。坐不得臥者五日。惡露得煖稍下。用丹皮桃仁桂枝茯苓乾薑枳實厚朴桑皮紫蘇五味瓜婁煎服。卽臥其

疾如失作汎血感寒治也。按此亦是瘀症。所以能持久。瘀滯陽經。所以惡寒。方中着力在瓜蔞。厚朴。枳實。桂枝。茯苓。乾薑。五味。數味。餘皆多贅。

8 親全善治一婦產後洗浴卽氣喘。但坐而不得臥已五日。惡風得暖稍寬。兩關脈動尺寸俱虛。百藥不效。用牡丹皮桃仁。桂枝。茯苓。乾薑。枳壳。桑白皮。紫蘇。五味子。蔓仁。服之卽寬。三服卽愈。其疾如失。蓋作汎出感寒治之也。治法

稟

○雄按寸脈旣虛。何以用枳札。尺脈旣虛。何以用丹皮桃仁。若謂惡露不行。案中胡不叙及。

薛立齋治一產婦喘促自汎。手足俱冷。常以手護腹。此陽氣虛脫也。用人參附子湯四劑愈。

繆仲淳曰已丑子婦產後五日食冷物怒傷脾作瀉乃微嗽

又三日泄不止手足冷發喘牀亦動搖神飛揚不安一醫

投以人參五錢附子五錢療之如故加參附又不效漸加

參至三兩附子三錢一劑霍然起

廣筆記

繆仲淳治于中甫夫人產後氣喘投以人參五錢蘇木麥冬各三錢一劑愈

按此年考而立於上汗故一利全

咳 嗽

少附子
比反熟
者深思之
此利中大利

少附子
桂枝保

薛立齋治一婦咳嗽見風則喘急惡寒頭痛自汗口禁痰盛薛謂肺脾氣虛腠理不密用補中益氣加肉桂數劑而安

○一產婦咳而腹滿不食。涕唾面腫氣逆。此病在胃而關於肺。用異功散而愈。

○孫文垣治費皇令堂產後左脇痛盛。此脇痛緣肺實而氣機不利。咳嗽痰不易出。內熱氣壅。不能伏抑。與以瓜蒌仁六錢。桑白皮蘇子杏仁半夏桔梗枳壳各一錢。水煎服之。氣定喘除。外與保和丸及七製化痰丸而知。

○繆仲淳治施靈修乃正產後發寒熱。咳嗽不止。因本元虛弱。誤用薑桂。勢甚劇。二句宜細玩之。用薑半。白芍。牛膝。生地。各四錢。山楂。麥冬。益母草。各五錢。橘紅。當歸。各二錢。青蒿。杜仲。各一二錢。五分。棗仁八錢。遠志五味。各一錢。茯神三錢。竹葉十

三片散劑 輒定

方亦
太複

聶久吾治一婦年四十餘因產過多身熱日夜不止午後益
盛。肌肉瘦削經水不行諸醫無效與花粉山藥百合香附
麥冬各八錢天冬五分地骨皮當歸二母各六分生地生
炒各四分白芍生炒三分前胡四分茯苓七分生甘草三
分薑一薄片龍眼三個服十餘劑而身熱已退又加桔梗
四分酒炒芩連各六分二十四劑而安。

口品 附霍亂

陳霞山治一婦產後傷食致胃虛不納穀四十餘日聞穀氣

藥氣俱嘔以參芩白朮炒麯各一錢陳皮霍香各五分炙甘草三分砂仁五分陳米一合用沸湯二碗泡伏龍肝未澄清汁前藥服而安。

薛立齋治一產婦患腹脹滿悶嘔吐因敗血散於脾胃不能運化所致或用抵當疑是抵聖湯敗血已下前症益甚小腹重墜似欲去後薛謂脾氣虛而下陷用補中益氣湯加炮薑

溫補脾氣重墜如矢又用六君子湯而安

△○一產婦停食霍亂用藿香正氣散之類已愈後曾腹膨脹飲食稍過即嘔吐或作泄瀉此脾胃虛極用六君子湯加木香治之漸愈後因飲食失調兼恚怒患霍亂曾腹大痛手

足逆冷用附子散又用八味丸以補土母而康設泥痛無
補法而用辛散或用平補之劑必致不起

泄瀉

陸養愚治臧舜田內人脾胃素常不實產後因怒大便泄瀉。
或以胃苓湯加歸芍投之勢日甚且汗出氣喘脈氣散大。
或謂此非產後泄瀉所宜宜勿藥陸曰脈雖大而按之不
甚空尚有一二分生意用人參理中湯加訶子肉果已前
矣忽傳人事已不省再診之浮按虛數沈按如絲手足厥
逆或謂今夜決不能廻乃辭去陸令前藥急以加附子一

8

四溫而改
湯本九種是
法

錢一劑汗止瀉減再劑病減七分去附子加歸芍數劑起
王愾如治一產婦彌月瀉年餘不愈六脈沉遲此元氣下陷
寒濕太甚症也然湯藥猶濕也以燥治濕可乎遂用參芪
芩木肉蔻升麻防風甘草用豬肚一枚入蓮肉一斤好酒
煮爛搗和爲丸日進而安

8

陳三農治一婦產後滑泄勺水粒米不容卽時瀉下半月餘
矣六脉濡而弱此產時勞力傷脾也若用湯藥恐滋胃濕
遂以參荳白朮散加肉桂生薑棗肉爲丸服愈雄按今秋
石北涯仲
東手余視其脈左弦數有大而不空口苦不饑小溲全無
○塊胎前患泄瀉娩後瀉如漏水不分偏數惡露不行專科
以白頭翁湯合伏龍肝丸
治之一劑而減三啜而瘳

薛立齋治一產婦大便不寬飲食少思。五更或清晨遺屎。此中氣虛寒脾腎不足用補中益氣送四神丸而痊。

○張子和治李德卿妻因產後病泄年餘四肢瘦乏皆斷爲死症。張曰兩手脈皆微小乃利病之生脈。况洞泄屬肝經。肝木克土而成此症亦是腸澼者腸中有積水也。先以舟車九十五粒。又以無憂散三四錢下四五行。又進導飲丸渴則調以五苓散再與胃風湯調之半月而能行。一月而安健。

小便不禁

薛立齋治一產婦人小便頻數時忽寒戰乃屬脾肺虛弱用補中益氣湯。加山藥爲主。佐以山桑螵蛸散而安。

一產婦患前症吐痰發熱日晡作渴此膀胱陰虛用補中益氣湯。佐以六味丸而愈。又患痢後小便頻數手足俱冷屬陽氣虛寒用前湯及八味丸而瘳。

一產婦小便不禁二年不愈或面色青赤或黃白此肝脾氣血虛熱用加味逍遙散爲主漸愈佐以六味丸而痊後因怒小便自遺大便不實左目頓緊面色頓赤仍用前散佐六君子湯以清肝火生肝血培土而瘳。

一產婦小水淋漓或時自出用分利降火之劑二年不愈以

爲肺腎氣虛用補中益氣及六味丸而痊。

大便秘結

8

薛立齋治一產婦大便秘結小腹脹痛用大黃等藥致吐瀉不食腹痛胸結瘤用六君子湯加木香炮薑治之而愈。

孫文垣治沈三石夫人產三日腹不暢女科爲下之大瀉五六次遂發熱惡心又用溫胆湯止吐小柴胡退熱數劑食吐不止粒米不進又用八珍湯加童便昏憒耳聾眼合口

渴腸鳴發熱惡心耳聾口渴多似感症然此實誤下虛之所致所謂變症疇起也

眼胞上下及

手足背皆浮腫診之六脈皆數曰脈數所主其邪爲熱其

症爲虛。與十全大補湯加炮薑。夜半稍清爽。進一盃始憊。開目言語。次日午以藥不接。且言語過多復昏。時不知人事。翌日以人參白朮各三錢。炮薑茯苓陳皮各一錢。甘草五分。服訖體微汗。遍身癰瘍。熱退神爽。下午藥又不接。且動怒。昏昧如前。六脈散亂無倫。狀如解索。癰瘍亦沒亟以人參白朮各五錢。炙甘草炮薑製附各一錢。連進二帖。是夜熟睡。唯呼吸之氣尚促。屢進背炎後之腫毒。自非實症也。次日脈轉數。下午發熱不退。環跳穴邊發一毒如枕。大紅腫微痛。女科復讚曰。向之發熱惡心。皆此所致。薑附溫補誤也。須急進寒涼解毒之劑。孫曰。此乃胃中虛火遊行無制。大虛之症。

非毒也。若用寒涼，速其死耳。經云：壯者氣行，則愈；怯者著而或病。惟大補庶可萬全。三石然之。仍與前劑，日夕二帖。參木皆用七錢。服後，瘧症卽起。毒散無蹤，熱亦退。再以參苓白术散調理而安。是症皆由誤下致變幻百出。可不慎哉。

8 按是症多由產後氣傷津血耗及平素多火內熱之人。當有之。雖日數過甚，亦無所害。卽欲通之，唯大劑二冬二地歸杞蕤葛，不過一二服卽行矣。彼桃杏麻柏及膽密之治，猶下乘也。若硝黃肆用，誠庸醫也。

薛立齋治一婦產後大小便不通，諸藥不應，將危矣。令飲牛

乳一日稍通三日而癒人乳尤善

人乳膩滯不如牛乳之無弊

瘧

陸肖恩治陳振宇女年二十七產後患間日瘧已月餘寒熱

雖不甚而身體倦怠飲食減少脈之左手平和右手弱而

無力與補中益氣湯二劑覺胸膈飽悶遂歸咎人參更醫

仍用青皮飲二陳湯等寒熱反甚用截藥或止數日復至

延至數月肉削骨立再診之其脉微弱已甚曰前日人參

兩許可愈今非至効不能奏效矣用十全大補湯二劑仍

覺悶疑之日直服至不腹悶愈矣更倍參投之遂飲食日

始生者服丸
確服年或

增服數十劑方起

下痢

卷之三
薛立齋

薛立齋治一產婦食雞子腹中作痛面色青黃服平胃二陳更下痢腹脹用流氣飲子又小腹一塊不時上攻飲食愈少此脾胃虛寒肝木尅侮所致用補中益氣加木香吳茱萸漸愈又用八珍湯兼服調理而安雄按塊既上攻無論虛實豈可再服升柴

龔子才治一產婦血痢小便不通臍腹疼痛以馬齒莧搗爛取汁三大合煎拂下蜜一合調勻頓服即愈

薛立齋治一產婦尿後下血諸藥不應飲食少思肢體怠倦

此中氣虛弱。用補中益氣湯加吳茱萸炒黃連五分四劑頓止。但怔忡少寐。盜汗。用歸脾湯治之而愈。

孫文垣治族女小產後二十日矣。患赤痢一日十餘次。怯寒惡食。小腹脹痛。診之右寸滑大。知其虛中有熱。蓋緣惡露未盡。故小腹脹痛。耑科泥丹溪產後大補氣血之語。遂概施之。因而作痢。乃翁曰。病尙怯寒。何云有熱。曰。惡寒非寒。反是熱症。蓋火極似水也。時師多味此旨。飲藥後當知之。以白芍當歸滑石爲君。桃仁酒連酒芩爲臣。木香桂枝、枳榔爲佐。

青皮爲使。服下果去黑瘀血甚多。小腹頓寬。惟口乾小水少。恶心。怕飲食。體倦。仍裏急後重。人參川芎白芍各一錢。

當歸一錢五分酒連陳皮各六分木香二分外與清甯丸
服下熱除病減十之八矣。但大便不實惡心虛弱以四君
子湯加酒芍陳皮木香內果酒連當歸養之而平。

陸養愚治李尙田乃正產後患病延及年餘肢肌羸瘦面色
黧黑咸以不可爲矣。脈之兩手皆微小而右關尺之間尙
覺有力如珠舌中常起黑胎曰微小乃久瘀生脈脈滑胎
黑必沉積在腸久而未去也若大下之病當愈李謂初病
亦常服通利今飲食不進者數月矣安得所積乎因檢前
方大都狃於產後大補氣血爲主卽用消導多雜參芪歸
芍補不成補消不成消致元氣日衰積滯日固至收斂溫

瀆宜其劇也。乃以潤字丸。兩分三服。令一日夜服盡。下紫黑如膏。數缶許。口渴甚。煎生脈散作茶飲之。胃漸開。又以潤字丸。每日下稠積。缶許。十日後。方用補養。一月而痊。

○○○
張路玉診大兵船上一婦胎前下痢。產後三日不止。惡露不行。發熱喘脹。法在不救。服藥一劑。反加呃逆。診之。其脈三至一代。欲辭不治。因前醫被留。不與排解。必致大傷體面。乃曰。此症雖危。尙有一綫生機。必從長計議。庶可圖治。彼聞言始放其醫。而求藥。遂與蓋一枚。錢數文。令買砂糖熬

桔白湯調服。既可治病。又能下痢。且不傷元氣。急與之服。

彼欣然而去。醫得脫而遁。至大兵去乃歸。雄按存心可敬。

薛立齋治一產婦病未至滿月。因食冷物及酒。冷熱與血攻擊。滯下純血。纏墜極痛。其脈大無力。口乾。用黃芩芍藥湯三服而安。

孕產痘

徐仲光曰。一孕婦正痘養漿時墜胎。血去多昏憊。乃伏陷而死。

一孕婦症同前。以黃芪一兩五錢。人參當歸各一兩。阿膠五錢。甘草艾、黑薑各三錢。附子一錢。治之而愈。

○一孕婦漿期正產痘順以保元湯加川芎、當歸、荆芥、山楂益母草而愈。

○一孕婦痘漿足不易癒面赤暗熱此脾虛血少也以安胎飲加參而愈。

○一孕婦痘勻朗灰白熱甚墜胎昏憊冷嘔此胃氣虛寒也以保丸湯加炮薑、白朮、肉桂而愈。

○一產婦痘不易透疲倦血去不止此氣血兩虧也治以芎歸參薑益母升麻血止痘起又以補中益氣而愈。

○一孕婦出痘以安胎飲調理而愈又有胎痛甚者以砂仁炒黑研末酒下一錢即愈。

一產婦出痘癧不足灰白身熱肢冷寒戰咬牙煩燥溏泄此
脾胃虛也以異功散治之而愈亦有去血不止藥不效者
倒臘而死

△○一婦產後痘順發盛清解之益甚此陰虛不能制陽也以六
味地黃丸料加當歸麥冬而愈

△一婦痘甫愈而強以房事痘變色成勞而死

○一產婦痘不易發煩躁譫狂此毒重壅遏以芎歸連紫升葛
甘芍蟬退治之而愈

台萬密齋治程氏女年二十出痘時娠五月矣診其脈其胎也
惟以清熱解毒和中安胎爲主用黃芩白朮爲君人參生

甘草、當歸、生地、白芍、紫蘇爲佐。自初出至成漿無他苦。乃聞家中被盜逃歸。醫與藥一服。胎墮果男也。再延診痘變灰白平塌。成倒陷矣。乃裏虛故也。詢所用方。乃獨聖散。曰山甲、射香。皆墮胎藥。胎虛氣血益虛。瘡毒內陷。不可爲矣。三日卒。

朱應我治一趙姓宦家孕婦。二十五歲。胎已五月。忽痘。朱視之。點尙未盛。至四五日。背上痘如蛇皮。畧無空地。乳以下至小腹。亦如蛇皮。其翁與夫。皆決不治。朱細察之。正額面。部併頸。至胸。堂皆粒粒圓。紅白分明。啟手臂脚腿。視之喜其如面與身。許以可治。至七八日。忽牙憂。不曰。神昏不

知人事。但被其羞。餘皆赤露。每日任其飲水一小桶。如黃連解毒湯。浩飲亦不計其數。時届五月。天氣譖妄不安。朱令以土壤地板上。鋪席在土上置之臥。而兩邊仍以桶盛水。逼之以涼氣。夜則昇之于牀。如此調理。至十八日而愈。此症治至九日。覺漿滯不行。知用涼劑多。更以獨一味麻黃。一兩加入。其漿既至妙哉。此法屢用。而屢奏神功者也。十八日別囑其夫曰。欲保胎。當服養氣血藥數劑。不信。後四十餘日。胎墮。婦亦無恙。遇此等症。後補斷不可少也。

一汪姓孕婦。方三月而痘。朱至已四日。不知他醫所用何藥。主人問曰。婦人何爲來桃紅血水。朱以主人堅信他醫。默

言不對越。一日血餅大至。主人始忙急叫朱。朱以痘點綯而即可以收功。與以安胎散。用阿膠珠三錢。黃芩三錢。砂仁。白朮。歸身。芍藥等藥。又因腹脹。加木香三分。以行滯氣。一服而血止胎安。主人歎以爲神。朱曰。必三四劑。胎始無恙。主人懼。越三日血又來。腹又脹。而胎墮矣。母痘則安全無恙。可見藥力之多少。所係不小也。

△○一少婦孕三月而痘。醫見面部稀少。而口許輕。朱視之。標雖少。而血氣尚混。頂不見起水珠。視舌則又紫赤色。曰。此痘必深難保無虞。主人與醫皆不解。朱曰。舌乃心苗。胎絡上係手少陰。舌紫黑則血分有毒。安得不墮。果三四日痘添。

而布滿六日血來而胎墮矣。急以黃芩白芍木阿膠等藥養血。痘微甚。稍有漿色。畢竟血氣受虧。雖服補血劑。四肢胸背尙起水泡。又急以補脾滲溼藥。山藥。榴皮。薏苡等。進三五劑。至十四五日方長膿水而收功。可見孕婦之痘。稍有疑難。極難保胎。不墮慎之。

類風

薛立齋治一產婦患虛極生風。或用諸補劑。四肢逆冷自汗。泄瀉腸鳴腹痛。薛以陽氣虛寒。用六君子薑附各加至五錢。不應。以參附各一兩。始應。良久不應。仍腸鳴腹痛。後炙。

卷之三
三
關元百餘壯及服十全大補湯方效。

一產婦患中風，盜汗自泄，發熱，瞞熱，面色黃白，四肢畏冷，此氣血俱虛。用八珍湯不應，更用十全大補加味歸脾二湯始應。後因勞怒，發厥昏憤，左目牽緊，兩唇抽動，小便自遺。薛謂肝火熾盛，用十全大補加鈎藤山梔而安。再用十全大補湯，辰砂遠志丸而愈。

一婦人產後睡久及醒，則昏昏如醉，不省人事，用荆芥穗微焙爲末，每服三錢，豆淋酒調服，或童便服，此華陀愈風散也。又名舉卿古拜散。醫用此及爻解散。當歸、荆芥穗等分，每服三錢，水酒煎云服後當睡，必以左手搔頭，用之果然。此病多因怒極傷

舉卿古拜散
金匱要略

肝或怒氣內鬱。或坐草受風而成急。宜服此便可立待。

本草

綱目

王肯堂治一婦產後七日爲將息失宜。腠理不密。偶因風寒所侵。身熱頭痛。兩眼反視。手足瘛瘲。名曰躉風。用前方其疾卽愈。古人珍此秘方。隱括其名曰。舉卿古拜散。蓋用韻之切語。舉卿爲荆。古拜爲芥。曾公談錄謂之再生丹。亦神之也。續醫說

薛氏謂前症如此。用不應者。急用大補氣血爲主。

吳文山治一婦產後因虛。牙關緊急。半身不遂。失音。以續命

湯煮飲數服而安。

醫宗粹言

薛立齋治一產婦中風不省人事。言語妄甚。惡風寒喜熱飲。形氣倦怠。脈虛浮無力。薛謂氣血虛寒。用十全大補湯。二十餘劑不應。又二十餘劑稍緩。乃漸加附子至一錢。服數劑。諸症減一二。又二十餘劑。十退三四。乃去附子五分。數劑。諸症頓退而安。後又發。仍用前藥加附子三五分而愈。一產婦不語。用七珍散而愈。後復不語。內熱晡熱。肢體倦怠。飲食不進。用加味歸脾湯爲主。佐以七珍散而愈。後因怒不語。口噤。腰背反張。手足發搐。或小便見血。面色或青或黃。或時兼赤白。面青。肝之本色也。黃者。脾氣虛也。赤者。心血虛也。用八珍湯加鈎藤茯苓遠志漸愈。又用加味歸脾

湯而瘡

一產婦狀如脚氣。發熱。督悶。搐掣驚悸。或用獨活寄生湯而瘡後復作。服之其汗如水。更加口噤吐痰。乃用十全大補湯培養血氣漸愈。後飲食日少。肌體日瘦。吐痰如涌。此命門火衰。脾土虛寒。用八味丸加歸脾湯。諸症漸退。肌肉漸生。

蕭萬如治陳昌之內首胎恃壯。當風濕體。卽病發熱如燎。口眼喝邪。喘嘔有沫。面目青黃。心腹膨脹。揚手舞足。脈見弦數不鼓。曰此肝虛自招風也。非表病也。急以薑附丸灌下。仍用當歸四逆湯。加人湯茱萸兩劑。諸症如失。

來天培治馬氏婦二十餘歲。產後九日。患腹痛。筋掣抽掣不可忍。惡露不絕。脈沈細而緊。視其面色青黃不澤。此肝經血少而兼寒也。與歸芍六君加炮薑。一劑腹痛雖未止。而筋掣稍緩。另延耑科以廣半鈎藤木香威靈仙等。腹痛益甚。且血崩不止。更加發熱神昏。再求治。以芪术歸地山藥芩草艾葉阿膠薑附芪术地俱至兩外。一劑而腹痛抽掣止。再劑而崩亦痊。用歸脾調理而愈。

瘡

薛立齋治一產婦。勤於女工。忽仆地。牙關緊急。痰喘氣粗。四

肢不遂此氣血弱虛而發瘡朝用補中益氣湯加茯苓半夏夕用八珍湯加半夏各二十餘劑不應此氣血之未復藥之未及也仍用前二湯又二十五劑尋愈

雄按藥不精切故不能收

捷效

一婦產後惡寒發熱他醫治以小柴胡致汗出譖語煩熱作渴四肢抽搐用十全大補湯益甚其脈洪大重按則無此藥力未及也遂加附子服四劑愈

一產婦筋攣臂軟肌肉掣動此氣血俱虛而自熱也用十全大補湯而安

一產婦因勞兩臂不能屈服蘇合香丸肢體軟痠汗出如水

薛謂前藥辛香耗散真氣。腠理虛而津液妄泄也。先用十全大補湯加五味子。補實腠理。收斂真氣。汗頓止。又佐以四君子。調補元氣漸愈。用逍遙散大補湯。調理而痊。

一產婦先胸脅乳內脹痛。後因怒口噤吐痰。臂不能伸。小伸自遺。左三部脈弦。此肝經血虛而風火所致。不能養肝。先用加味逍遙散治之。臂能屈伸。又以補肝散六味丸。而諸症悉愈。

一產婦患兒枕腹痛。或用驅逐之劑。昏憒口噤。手足發搐。此血氣極虛之變症也。用八珍湯加炮薑二錢。四劑未應。又以十全大補湯加炮薑一錢。二劑而甦。

沈堯封云丁丑三月練塘金瘦第四媳產後變症先是於上年十月生產甚健至十二月初旬面上浮腫驅風不應加麻黃三帖通身脹腫小便不利更用五皮雜治反加膿凸更用五桂五苓小便略通脹亦稍減續用桂附八味其腫漸消惟右手足不減忽一日口眼歪邪右手足不舉舌不能言因作血虛治變爲俯不得仰又吐黑血而定投以消瘀然後俯仰自如旬餘復不能仰又吐黑血盈盂吐然口閉目開如脫狀其母一夜煎人參三錢灌之得醒醒來索飯喫一小碗近日又厥灌人參不醒已三晝夜矣余遂往診右手無脈因腫極不以爲怪左脈浮取亦無重按

則如循刀刃。余曰。此是實證。停參可治。遂用膽星半夏石菖蒲橘紅天蠅地龍紫草。水煎入竹懸畫汁。一劑知。手足能舉。十三劑能出外房診脈。諸病悉退。惟舌音未清。仍用前方而愈。金問奇病之源。余曰。人身臟腑接壤。懷胎後腹中遂增一物。臟腑之機括爲之不靈。五液聚爲痰飲。故胎前病痰滯居半。千金半夏茯苓湯。所以神也。至產時痰涎與惡血齊出。方得無病。若血下而痰飲不下。則諸病叢生。故產後理血不應六神湯爲要藥。此證初起。不過痰飲阻滯氣道作腫。血本無病。用五苓腎氣腫減者。痰滯氣道。得熱暫開故也。久投不已。血分過熱致吐血兩次。至若

半身不遂口眼歪斜舌絡不靈俱是痰滯經絡之證卽厥亦是痰迷所致並非虛脫故消痰通絡病自漸愈何奇之有

又曰震澤一婦產後十餘日延我師金大文診視余從焉接述新產時症似虛脫服溫補藥數劑近日變一怪證左邊冷右邊熱一身四肢盡然前後中分冷則如冰熱則如炭鼻亦如之舌色左白右黑師問曰此是何症用何方治余曰書未會載不知應用何方師曰奇證當於無方之書求之經云左右者陰陽之道路也陰陽者水火之徵兆也敗血阻住陰陽升降道路不能旋轉陽盛處自熱陰盛處

自冷所以偏熱偏寒用澤蘭山楂肉蜀季奴蘇木桃仁琥珀等藥兩劑病減半繼服不應遂更醫雜以致不起。由今思之此證不但血阻必兼痰滯我師見及阻止陰陽升降道路已經識出病源但跳不出消瘀圈子耳倘通瘀不應卽兼化痰或者如前案金婦得起未可知也。

痛 痞

張三錫治一婦月中着憊素體厚多痰臂痛移走兩足且腫以爲虛治服參歸痛益甚惡心迷悶作鬱痰治一陳越鞠加秦艽丹皮一服稍減大便四五日不去矣投搜風丸後

用化痰舒氣。二陳一木酒芩酒柏木通澤瀉香附調理而
愈。

陸養愚治凌繹泉夫人妊將七月。忽兩足軟痺不能履地。分
娩後頓愈。一月後仍作。且胸脇痛。夜分發熱。或以四物入
牛膝木瓜虎骨鹿膠或作或止。後以脾主四肢與參术脹
痛悶絕。仍用養血之品。無進退。經年診之。諭其飲食如當。
肌肉如故。足脛浮腫。胸脇按則微痛。否則痞悶。其脉沉
緩而滑。此濕痰積於胸流於四肢。故痛而緩。宜乎滋陰不
減。補氣增劇也。用二陳湯加蒼朮威靈仙黃柏白芥子數
劑。痛定熱除。加苡仁十劑。步履如故。

薛立齋治一產婦身腹作痛發熱不食煩燥不寐盜汗脇痛
服解散祛血之藥不時昏憒六脈洪大無力用補中益氣
加炮薑半夏一劑頓退二三又劑飲食甘美但背強而痛
用八珍散十全大補湯調理而安

一產婦遍身頭項作痛發熱不食脈浮緊此風寒之症也用
五積散一劑汗出而愈但倦怠發熱此邪氣去而真氣虛
也用八珍湯調理而愈

周慎齋治一婦產後受濕遍身疼痛眾以風藥治之遂致臥
牀不起手足漸細此產後氣血虛而風藥愈損氣血故也
治宜大補氣血用參芪各錢半防已五分煎服愈

一產婦遍身痛。坐不得臥。已經兩月。痰多食減。眾治不效。以參歸各一兩。木香一錢爲末。酒煎分爲九次服之愈。

馬元儀治卜氏妾。產後胸中作痛。痛甚則迫切不能支。至欲求死。諸治不效。延至五月。病轉危急。診其脈。兩手弦濶少神。不能轉側。不得言語。曰。胸中者陽氣所治之部。今爲陰邪所入。陰與陽搏。所以作痛。前醫破氣不應。轉而和血。又轉而溫補。又轉而鎮逆。不知陰陽相結。補之則無益。攻之則愈結。若鎮墜之。益足以抑遏生陽。而阻滯邪氣。惟交通一法。足盡開陽入陰。通上徹下之妙。使陰治於下。陽治於上。太虛之府曠然。何胸痛之有哉。用人參三錢。肉桂一錢。

合仲景黃連湯一劑痛減。二三劑頓釋。次進加桂理中湯數劑全愈。

按是症卽胸脾是也。故入痛癉門。

繆仲淳治王善長夫人產後腿痛不能行立。久之飲食不進。因憊之極。診之曰。此脾陰不足之候。脾主四肢。陰不足故病下體。向所飲藥雖多。皆燥苦之劑。不能益陰。用石斛木瓜牛膝白芍棗仁爲主。生地枸杞。茯苓黃柏爲臣。甘草車前爲使。一劑輒效。四劑而起。

來天培治潘履端。內年約四旬。患頭身手足麻木疼痛。產後感風。不能節勞。致風入經絡。而成痛風之症也。詢之果以

前歲產後而起，以歸身。紅花養血，鈎藤、鈎秦艽通經絡，黃芩銀花清火。羌活走百節，川芎理頭痛。菖蒲利腸消滿，甘草緩痛。姜皮達肌膚，通腠理。服二劑而頭痛愈，腹脹減。惟發熱身疼未除，更心神恍惚不寐，脈稍和。此表症稍退，裏熱未清，改用生地歸芍、柴胡、地骨皮續斷、鈎藤半夏、麵枳壳、棗仁建蓮。二劑而諸症痊。惟兩膝內腫痛，扶杖而行。此風入三陰，而將愈矣。前方減柴胡、地骨皮半夏，麵枳壳加丹皮赤芍、紅花威靈仙、清風膝防已牛膝五加皮生甘草。

又三四劑全愈。

薛立齋治人產婦，六月多汙人倦，不敢袒被，故汙出被裏，冷

則浸漬得風溼身疼痛，遂以羌活續斷湯數服愈。未選

頭痛

薛立齋治一產婦頭痛，日用補中益氣湯不缺，已三年矣。稍勞則惡寒發熱，爲陽氣虛。以前湯加附子一錢，數劑遂不發。

一婦人產後頭疼面青，二年矣。日服四物等藥，薛謂腎水不能生肝木而血虛。用六味丸加五味子，兩月而痊。

○繆仲淳治黃桂峯乃正產後頭痛，大便秘，用生料五積散一劑不效。令加歸身一兩，一服大便通，頭疾立止。

薛立齋治一膏粱之婦，產後月經不調，唇烈內熱，每煥作服寒涼之劑。後不時出水，薛用加味清胃散而愈。後值春令兼怒，唇口腫脹，寒熱作嘔，痰盛少食，用小柴胡加山梔茯苓桔梗諸症頓退。但內熱仍作，乃以加味逍遙散調理而安。

瘡

沈明生治袁令默女，素羸不足，分娩後體倦發熱，醫者以其弱齡瘦質，且遵丹溪產後當大補之法，遂以參芪進之。病益甚，診之脈浮而濶，此不惟有瘀血，且有風寒在內。夫瘀

血未盡。外邪初感。均有用參之誠。是以補之無功耳。遂用解表散瘀之劑。三四服後。熱除胸爽。然倦怠如故。日參芪之用。此其時矣。而袁憲嘔廢食。因循勿與。越至四五日。忽舌瘡不語。或用茯神棗仁。或用南半姜橘。或用芩連。皆不效。復延治。察其神情。雖不能語。然每對食物。輒注目以視。得食則神稍旺。更衣則神卽疲。且脈空而大。經云脾之脈連舌本。散下。心之別脈系舌本。今火土兩虛。醫藥雜亂。經又云言而微。終日乃復言者。此奪氣也。况經月不語乎。惟用參。且應用附矣。服五六日。諸症悉愈。夫病機者。間不容髮。有昨宜用攻。而今宜用補。日宜用熱。而夕宜用涼。惟

二容。有容髮。有昨宜用攻。而今宜用補。日宜用熱。而夕宜用涼。惟

視其機之所在以治合病耳故是症也不用補之害與驟
補之害同失其機甚矣機之難也

病乳

薛立齋治一婦產後勞役忽乳汁如涌昏昧吐痰此陽氣虛而厥也灌以獨參湯而甦更以十全大補湯數劑而安若婦人氣血方盛乳房作脹或無兒飲脹痛增寒發熱用麥芽二三兩炒熟水煎服立消其耗散氣血如此何脾胃虛弱飲食不消方中多用之邪

○張隱菴治一婦產後乳上發癰腫脹將半月周身如針刺飲

食不進。診之六脈沈緊。有九左乳則腫連胸脇。用麻黃葛根、荆芥、防風、杏仁、甘草、石膏。溫服取汗。遂愈。金匱云。產後婦人喜中風。經云開闔不得。寒氣從之。榮氣不從。逆於內理。乃生癰腫。此係風寒內壅。火熱內閉。榮衛不調所致。眾以涼藥治熱。不知開闔之故。今毛竅一開。氣機旋轉。榮衛流行。而腫痛解矣。經云食氣入胃。散精於肝。病屬陽明厥陰二經。是以飲食不進。今經氣疎通。自能食矣。孰謂瘍醫可不知經乎。

薛立齋治一婦人。產次子。而無乳。服下乳藥。但作脹。曰。人乳氣血所化。今脹而無乳。是氣血竭而津液亡也。當補其氣。

血自然有乳乃與八珍湯倍參术少加肉桂二十餘劑乳
遂生後因勞役復竭夫其初產有乳再產而無其氣血祇
給一產耳其衰可知

王肯堂治一娠婦患乳腫不散八月用火針取膿用十全大
補湯外敷鐵箍散不效反加喘悶九月產一女潰勢愈大
兩乳旁爛盡延及胸腋膿水稠粘出膿六七升畧無斂勢
十一月乃用解毒和中平劑外滲生肌散龍骨寒水石等
膿出不止流濺所及卽腫泡潰膿兩旁紫黑瘡口十數胸
前脇下皆腫痛不可動側其勢可畏此產後毒氣乘虛而
熾令服黃芪解毒歸參和血生血爲臣升麻葛根漏蘆爲

足陽明本經藥。連翹防風。散結疏經。蕷仁。旁子。解毒去腫。
角刺引膿。白芷排膿長肌。川芎。桂炒黃柏爲引。每劑入酒
一杯。送白玉霜丸。疏膿解毒。時膿水稠粘。不可遽用收濇
之劑。理宜追之。乃制青霞散外。明日膿水頓稀。痛定穢
減。始有向安之勢。至正月皆生新肉。有紫腫處。俱用葱熨
法。隨手消散。但近脇足少陽分。尙未歛。乃加柴胡一錢。青
皮三分。及倍川芎。膿水將淨。卽用搜膿散。繆之。元宵後遂
全安。凡治癰疽。須審經絡部分。今所患正在足陽明之分。
少侵足少陽經分。俗醫不復省別。一概用藥。藥無向導。終
歸罔功。甚可嘆也。是症得生全在膿水稠粘其人必能食故可治也。

瑤案乳病全是肝火上逆。入胃大滯不降而成。卽肝木侮胃之病。近治鮑綠飲夫人素有血虛肝病。忽一日憎寒壯熱。頭痛口苦。乳腫痛不堪。熨吮俱無效。予用生地杞子當歸各五錢。麥冬。蘿蔴仁各二錢。丹皮赤芍各一錢。五分。地丁銀花各三錢。二劑卽愈。見凡用此方最效者。不可枚舉矣。

○朱丹溪治一婦人產後患乳癰。用香白芷、連翹、甘草結、當歸、赤芍、青皮、荆芥穗各半兩。貝母、花粉、桔梗各一錢。瓜蔞半個。作一帖。水煎半飢半飽服。細細呷之。有熱加柴胡黃芩。忌酒肉椒料。敷藥用南星寒水石。皂角、貝母、白芷草烏、大

黃七味爲膏。醋調鴛翎掃敷。腫痛效治。

法

赤豆粥通乳

陳良甫曰余荆布因產前食素得痰瘦弱。產後乳脈不行已七十日服諸藥無效。嬰兒甚苦。偶有人送赤豆一斗。遂如常養。赤豆粥食之。當夜乳脈通行。因閱本草。赤小豆能通

妙乳。謾載之。

△○

王洪緒曰。產後兩乳伸長形勢如雞腸垂過小腹。痛難刻忍。此名乳懸。急用芎歸各一觔。內取各四兩。水煎時服。以所餘斤半。於產婦面前放一棹。下放火爐。將芎歸入爐慢燒。令婦伏於棹上。口鼻及乳皆吸烟氣。便可縮上。如未愈。取草麻子一粒。冰水磨塗。一縮即洗去。但用此藥。恐異日再

乳懸症

產必復發不救故膏藥不可以草麻煎入倘貼孕婢下身
瘡癩卽致小產再貼卽致命巴豆草麻之害如此不可輕

用也

何廉訪郡伯云此症以女人臭裹脚布紫傳卽收上曾用有效亦古方也

腰肋功用

薛立齋治一產婦腰痛腹脹善噫諸藥皆嘔薛以爲脾虛弱
用白术一味炒黃每劑一兩米泔浸時飲匙許四劑後漸
安服百餘劑而愈。

一產婦因怒兩脇脹痛吐血甚多發熱惡寒胸脇脹痛此氣
血俱虛用八珍湯加柴胡丹皮炮薑而血頓止又用十全

大補湯而寒熱退。此病非用薑辛溫助脾肺以行藥勢。不惟無以施其功。而反補其脹耳。雄按亦須參之以脹始可用也

王時亨室產後腰間腫痛。兩脇尤甚。此由瘀血滯於經絡。而然也不早治。必作骨疽。遂與桃仁湯二劑稍愈。更用沒藥丸數劑而痊。亦有惡血未盡。臍腹刺痛。或流注於四肢。或注股內。疼如錐刺。或兩股腫痛。此由冷熱不調。或思慮動作。氣所壅遏。血蓄經絡而然。宜沒藥丸治之。亦有經血不行而腫痛者。宜當歸丸治之。凡惡血停滯爲患。匪輕。治之稍緩。則流注以爲骨疽。多致不救。

腹痛

衍義治一婦人產當寒月臍腹脹滿痛不可按百治不效或作瘀血將用抵當湯曰非其治也此脾虛寒邪客於子門也。以羊肉四兩當歸川芎陳皮各五錢薑一兩煎服二三次而安。

周慎齋治一產婦腹脹痛服敗血去瘀之藥致小腹脹痛硬入大腹用姜桂吳茱萸薑撥數劑而愈。同上

一產婦患小腹痛或作嘔或昏憒此脾氣虛寒用人參理中湯漸愈又以補中益氣湯加茯苓半夏全愈後復作痛而

兼喘仍用補中益氣湯。培補脾胃而遂瘥。良方

一產婦小腹作痛，小便不利，內熱晡熱，形體倦怠，用加味逍遙散以清肝火，生肝血。用補中益氣湯，補脾胃，升陽氣而

痊。同上

朱丹溪治馮宅婦產後發熱，腹中痛有塊，自汗惡寒，曾服黑神散，用白朮、白芍各三錢，滑石五錢，黃芩、丹皮各二錢，五分，人參、川芎、歸尾、陳皮、荆芥、乾薑各一錢，甘草些須。

薛立齋治一婦產後小腹作痛，有塊，脈芤而濶，以四物加元胡、紅花、桃仁、牛膝、木香治之而愈。

周子文母產後月餘，腹中作痛不已，甚至惡心不食，惡寒發

熱服藥不效。有人敘用荔枝四兩。連核殼燒灰存性秤准。四兩。好酒煎服。或作幾次服下。亦無不可。按此係平陽事也。其地產後每食老薑湯。或服薑醋。以其山水寒冷故也。如少飲。則爲患不小。雄按此不獨東甌爲然。而廣東尤盛。亦習俗使然耳。貧苦之家。或無大害。庸豐履厚者。多傷損而至死不悟也。

浮腫

薛立齋治一產婦。飲食少。思服消導之劑。四肢浮腫。薛謂中氣不足。朝用補中益氣湯。夕用六君子湯。而愈。後因怒腹脹。誤服沉香化氣丸。吐寫不止。飲食不進。小便不利。肚腹

四肢浮腫用金匱加減腎氣丸而愈。

一產婦泄瀉四肢面目浮腫喘促惡寒此脾氣虛寒用六君子加姜而泄瀉愈又用補中益氣而脾胃健。

杜王治一婦產後忽患浮腫眾作水氣治不效曰水氣必咳嗽小便不利今便利而不作嗽獨手足寒乃血臟虛寒氣塞不通故生浮腫也治宜益和血氣後服丹皮散愈。

張子和治曹典吏妻產後憂恚抱氣渾身腫繞陰器皆腫經絡大小便如常其脈浮而大此風水腫也先以壅水療其肝痰以火助之發汗次以舟車丸濬川散瀉數行後四五日

方用苦劑涌訖用舟車丸通經散行十餘行又六日舟車

濬川復下之。末後用水煮桃紅丸四十餘丸。不一月如故。
前後涌者二瀉。凡四約百餘行。當時議者以爲倒布袋法。
耳病再來則必死。不知此乃內經治鬱之玄旨。但愈後慎。
房室等事。況風水不同。水無復來之理。

虛汗

薛立齋治一產婦。畧聞音響。其汗如水而昏憒。諸藥到口卽
嘔。薛以爲脾氣虛敗。用參附末爲細丸。時噙二五粒。隨液
嚥下。乃漸加至錢許。却服參附湯而安。

一產婦盜汗不止。遂至廢寐。神思疲甚。口乾引飲。薛謂血虛。

有熱用當歸補血湯以代茶。又以當歸六黃湯內黃芩連柏炒黑倍加人參五味子二劑而愈。

△○ 繆仲濬治于中甫夫人產後氣喘。投以人參蘇木麥冬各五

錢一劑愈。五日後忽自汗無間晝夜畏聞響聲飲熱茶湯

卽汗遍體。投以人參黃芪各五錢加歸身生地二劑不效。

卽令停藥。金壇俗忌未彌月不得診視。乃遍檢方書至證

治要訣治汗門內有凡服固表藥不效者法當補心汗者

心之液也。酒然曰是矣。病人素稟有火氣非不足也。產後

陰血暴亡故心無所養。而病汗亟以棗仁一兩炒爲君。生

地白芍麥冬五味枸杞牛膝杜仲歸身阿膠牡蠣龍眼肉

大劑與之。至三十二劑同效。于懼曰。得無不起乎。曰。非也。
前投參芪不應。而遽止之者。以參芪爲氣分藥劑。且大其
不應者。必與症不合也。茲得其症復何惑乎。蓋陰血也。難
成易虧者也。不可責效。旦夕仍投前劑。至四十二帖。忽得
睡。汗漸收。睡愈熟。至四日夜醒而霍然。顏色逾常。血足則
色華也。

琇謂能於方中加炒焦黃連三五分。則數劑可愈。

雄按還須

去歸身
效始速

馮楚瞻治一產婦。因頭汗甚多。延診餘無他苦。脈之雖洪而
緩。曰頭汗過多。諸症謂之亡陽。然產後陰氣太虛。正喜其

亡陽與陰齊等。此薛氏之謂可勿藥而愈也。病家疑之。別延一醫。峻用參芪溫補。遂暴注下瀉。完穀不化。益認陽虛重用參附炮薑。其瀉愈甚不數日。其肉盡削。精神困頓。復延診六脈洪弦甚數。此真陰竭矣。何能挽救。蓋產後頭汗乃陰虛虛火上蒸。孤陽上迫。津液不能閉藏。誤作陽虛。重加溫補燥熱之氣。暴注下趨而爲完穀不化。乃火性急速。不及變化而出也。重以溫熱焚灼。勢必窮極。尙何藥之可救哉。雄按薛氏此言不通已極。魏氏謂其不能養陰。余謂良由泥于產後宜溫補故不敢用壯水養陰之法也。

案中正喜亡陽與陰齊等。薛氏謂可勿藥而愈。此正薛氏生平不能峻用養陰之缺處也。予嘗遇此症以重劑

生熟地白芍杞子麥冬棗仁察其有火則少加芩連不過二三劑愈矣馮君論此症雖了了而不與藥致病家

屬之庸手而敗亦守而未化之過也。

何嘗了了不過習於溫補遇此等症

便茫然無所措手耳

雄按此證最多何

虛損

以僅采溫補數案

薛立齋治大尹俞君之內產後發熱、晡熱、吐血、便血兼盜汗、小便頻、胸脇脹痛、肚腹痞悶。此諸臟虛損也。症當固本爲善。自恃知醫。用降火之劑。更加瀉利腸鳴。嘔吐不食。腹痛。足冷。始信薛言。診其脈。或浮洪或沉細或如無。大虛之脈類多如此

其面或青黃。或赤白。此虛寒假熱之狀。時雖仲夏。當捨時從症。先用六君子加炮薑肉桂。數劑胃氣漸復。諸症漸退。更佐以十全大補湯。半載全愈。

儒者楊敬之內人。患症同前。但唾痰涎。或用溫補化痰之劑。不應。面色黧黑。兩尺浮大。按之微細。此因命門火衰。不能生脾土。脾土不能生諸臟而爲患也。用八味九補土之母。而痊。

一婦人產後血竭。朝寒暮熱。肚腹作脹而痛。按之不痛。以爲血氣俱虛。用八珍之類。治更加發熱煩躁。仍用當歸補血湯。熱躁漸止。用八珍麥冬五味子。氣血漸復。

一產婦朝寒多熱或不時寒熱久不愈用六君補中益氣兼
服百餘帖而安

沈堯封治鄒氏婦產後便泄用參附溫補未效新城吳敬一
診云虛寒而兼下陷用補中益氣加熟地茯苓桂附應手
取效以是觀之方論內言下虛而不可升提不盡然也

陸氏婦產後發疹細而成粒不稀不密用荆芥蟬退鼠粘等
藥一劑頭面俱透越一日漸有回意忽大便溏泄數次覺
神氣不甯問其所苦曰熱曰渴語言皆如抖出脈虛細數
有七至沈師金大文診之曰此陽脫症也屬少陰用生附
子三錢水洗略浸切片焙水炒米色炮乾薑八分炒甘草

一錢炒白芍一錢五分水煎冲人屎一調羹青魚膽汁四

小茶匙

因無猪膽故以此代之

服畢卽睡覺來熱渴俱除續用黃耆

建中湯加丹參蘇木二劑而安

產後惡血不行餘血滲入大腸洞泄不禁或下青黑物的奇

散極驗荆芥大者四五穗於蓋內燃火燒成灰不得犯油

火入麝香少許研勻沸湯一兩呷調下此藥雖微能愈大

病慎勿忽視又千金膠蠟湯治產後秘黃蠟二棋子大阿

膠二錢當歸二錢半黃連三錢黃柏一錢陳米半升煎湯

煎藥服

裴兆期治一婦難產後發熱不止汗多語錯六脈洪大而虛

寒熱大陽

六晝夜不合眼。一合眼則飄飄如入雲中。投以參者歸尤雜欲嘔不嘔。裴翻然曰。此非氣血大虧。乃痰涎壅盛也。更方用半夏三錢。天麻二錢。茯苓橘紅白蔻仁。厚朴黃連枳實各一錢。竹茹三錢。鐵繡水煎服。二劑氣爽神清。身涼脈靜。繼以人參大補脾丸。日進二服。以培胃中元氣。月餘全愈。

產後虛弱。豆腐漿一碗。沖入打散雞子一枚。再加豆腐皮一張。龍眼肉十四枚。白沙糖一兩。同滾透。五更空心服。產後失調。往往延成勞損。而貧戶醫藥無貲。富家又每爲藥誤。

此方甘平和緩。補血滋陰。貧富皆宜。允爲妙劑。

敬馬悸

薛立齋治一產婦驚悸。一度服琥珀地黃丸。局方地香散隨效。再患服之。其症益甚。而脈浮大。按之如無。發熱惡寒。此血氣俱虛。薛用十全大補加味歸脾二湯。各百餘劑而愈。後遇驚恐勞怒復作。仍用前藥而安。

吳罕先治王氏婦。產數日惡露已盡。身體虛弱。遇回祿昇出。神驚散亂。身翩翩如在雲端。耑科用元胡紅花等味。反增煩劇。汗瀉交作。六脈虛弱如無。用六君子加黃芪炮薑製。

附棗仁鈎藤龍骨川斷五味始服症減繼則神清每日參
一兩或二兩二十劑而安。

七

高鼓峯治用晦室人患產後驚悸初起時見筐中棉絮念將
所生兒入棉絮中不幾悶死遂作驚恐憂患之狀後凡有
所觸意中以爲不耐卽憂患不止或一端執想數日纔已
飲食不進面少精采服諸補心養血藥無一效高脈之曰
孩時得母因齒病致大驚否用晦向室人問之曰十歲時
果曾病齒治齒者用刀鉗之幾受驚而死子何能識之也
解曰脈法當如是耳不精於象數鈴法之學者不能也此語
不少時以驚受損傷其君火心包氣散瘀得留之今產後

火虛痰因虛動。疾端見矣。夫心爲君主。主明則下安。國乃大昌。故凡七情皆由心起。今心虛甚。痰邪侵擾。思慮亦因之多變。况喜樂氣之陽也。憂患驚恐氣之陰也。陽虛則陰得乘之。又兒爲其所愛。氣虛痰入。則愛不得正。因愛而過爲防護之。惟恐不至。遂因而生憂矣。今先用歸脾養榮八味等類。五十大劑。待其氣血完備。然後攻之。病可得而去。而病不再發矣。先補後攻法如言治之果愈。

張路玉治汪督學媳產後病虛無氣。洒洒然如驚。時咳青黑結痰。欲咳則心中憺憺大動。渾身麻木。心神不知所之。偶聞聲響。則頭面鬱熱微汗。神魂如飛越狀。屢用補養之藥。

固效。虛羸轉劇。診之脈浮微弦而芤。獨左寸厥厥動搖。此必胎前先傷風熱。坐草時併力過甚。痰血隨氣上逆。衝過膜膈而流入心包也。朝用異功散加童便。煅碎蛤粉以清理痰氣。夕用大劑獨參湯下來復丹。以菟滌痰積。蓋痰在膈膜之上。非礞硝無以透之。血在膈膜之上。非五靈脂無以瀦之。然非藉人參相反之性。不能激之使出也。服數日神識漸寧。形神漸旺。改用歸脾湯。加龍齒。沉香。調理而安。薛立齋治一產婦惡露淋瀝。體倦面黃。食少。惡寒。朝夜不寐。驚悸。汗出。此脾經虛熱。用加味歸脾湯而痊。後因怒脇脹作嘔。食少。用六君加柴胡治之而痊。

續仲濬治王六媳乃正產後驚悸，間聲輒死。非用力抱持，則虛煩欲絕。如是累月。日此心脾肝三經俱虛也。用人參棗仁茯神遠志白芍石斛甘草麥冬五味丹砂爲丸。以龍眼湯吞。滿月而愈。

顛狂

薛立齋治一產婦患顛狂。或用大澤蘭湯而愈後。又怔忡妄言。其痰甚多。用茯苓散補其心虛。頓愈。又用八珍散加遠志。茯神養其氣。遂瘥。

一產婦亦患此。用化痰安神等藥。病益甚。神思消鑠。薛以爲

心脾氣血不足用大劑參朮芎歸茯神棗仁四斤餘而安
乃以歸脾湯五十帖而愈。

一產婦形體甚倦時發譖語用柏子仁散稍愈又用加味歸
脾湯而愈。又因怒狂言脇痛小便下血用加味逍遙散以
清肝火養肝血頓瘥又佐以加味歸脾湯而安。

魏玉橫治一婦產後數日目晡壯熱大汗狂言妄語不可禁
制晨則了了診之六脈弦長不便不食此臨盆去血過多。
肝失其養燥而生火遂入胃之大絡非如敗血上衝之候
也。若屬敗血則晝夜熱狂矣與生熟地甘杞子各一兩麥冬五錢一劑
減二劑瘥。

丁潤兄室素有吞酸症。孕八九月心腹大痛時時眩暈欲絕。與大益氣湯十餘帖全愈。臨盆胞水先去三日而復產。自汗譖妄。耑科與炮薑附子數帖遂發狂耳聾。更醫以茯苓車前半夏浮麥等多帖無效。診時已滿月脈弦急如蛇。行此精血皆奪之候。亟與地黃杞子麥冬沙參一帖。脈稍和。症稍減。仍召前醫謂不必服湯劑矣。與丸子令服二三日。發厥而終。此與前症大同一生一死。謂非誤治可乎。

繆仲淳治張璇浦乃正產六朝發狂持刀殺人陰血暴崩肝火炎故也。令先飲童便一甌少止。再服龍齒澤蘭生地歸身半夏牛膝茯神遠志棗仁大劑。仍加童便頓服而止。

施笠澤治庠友唐仲宣乃正產後驚悸恍惚語言錯亂此產後心虛敗血停積上干包絡致病若此先用佛手散加石菖蒲五靈脂劉寄奴海黃等藥以除敗血後以歸脾調理而愈至明年五月復產復病前症遍延諸醫施仍書前方一醫訝曰寄奴蒲黃等藥從何來邪仲宣疑不復用至是冬施偶同李士材過大洪橋忽遇仲宣喜而迎曰內人自乳子後或歌曲嗔笑狂妄不常向服安神清心之劑不效夜來幾自縊矣今偶值二子豈天賜邪幸爲診之遂偕往診之六脈沉濶曰瘀血挾痰久且益堅非前藥所能療用歸尾桃仁煎湯下滾痰丸二服每服三錢下去惡物復用

卷之二十三
三
鎮驚鎮肝調理而愈

馮楚瞻治一產婦後兩月忽患癲疾久不愈或連日不食或一食倍進或數日不寐或間宿不寤脈乍洪乍小左寸兩尺常弱消痰鎮心俱不效夫諸燥狂擾火之病也。二陰一陽火之原也。主智閉藏。腎之用也。產後未久少陰虛也。以八味加牛膝五味大劑冷服。其所食鴨肉豬肘入肉桂同煮。調治數日乃一日稍輕。一日如故。此心脾亦不足。脾主信而爲病也。朝服加味八珍湯。夕服歸脾湯去黃芪木香加白芍麥冬。五味肉桂。服後漸安。月餘全愈。

見鬼

薛立齋治一產婦乍見鬼神或用調經散益甚痰涎上涌朝寒暮熱乃朝用八珍散夕用加味歸脾湯各五十餘劑而愈。

盛用敬治金棠妻半產病數月日厥者數次見鬼自頂而出自口而入或曰脈濶而弦血少有痰鬼自頂門出此元神出也出而不進者死出而復入可活也藥之去痰椀許尋

愈。吳江縣志
用敬卽啟東之孫

琇案半產亦多氣血兩虧與正產同治

陳良甫治五羊洪運使天錫子舍孺人產後語言顛倒言語
不已如有神靈服諸藥無效召診之六脈和平以奪命散
兩服而愈。

沈堯封曰產後發狂譫語惡露不來者是血瘀宜無極丸惡
露仍通者是痰迷宜六神湯半夏麴橘紅膽星石菖蒲茯
神旋覆花各一錢水煎服一成衣婦產後半月餘發狂打
罵不休其夫鎖之磨上余附無極丸六錢分兩服酒下服
畢卽愈越四五日後發又與六服後不復發一丁姓婦產
後神昏譫語如狂惡露仍通亦不過多醫者議攻議補不
一金尙陶前輩後至診畢曰侍我用一平淡藥喫下去看

遂疏六神湯方一劑。神氣清，四劑霍然。甲戌春，錢番梅如君產後，微熱痞悶，時時譫語，亞露不斷。用理血藥不應。改用六神湯四劑，病去如失。

△產後喜笑不休。一老嫗云：乃產後被侍者挾落腰子使然。用烏梅肉二個，煎湯服立效。嘉興錢鄰哉曾目覩之。

續名醫類案卷二十五終

(640)

續名醫類案卷二十六

錢塘魏之琇編集

海昌王士雄孟英
定州楊照藜素園同校

諸家痘瘡方論

讀前人之書。當知其立言之意。苟讀其書。而不知其意。求通於用。不可得也。痘瘡之論。錢氏爲詳。歷舉源流。經絡分明。表裡虛實。開陳其施治之法。而又証以論辨之言。深得著書垂敎之體。學者讀而用之。如求方圓於規矩。較平直於準繩。引而伸之。觸類而長之。可爲無窮之應用也。今人不

知致病之因。不求立方之意。倉猝之際。據症檢方。漫爾一試。設有不應。并其書而廢之。不思之甚也。近因局方之教。久行素問之學不講。抱疾談醫者類皆喜熱惡寒。喜補而惡解利。忽得陳氏方論。皆燥熱補劑。其辭確文簡。歡然用之。翕然信之。遂以爲錢氏不及陳氏遠矣。或曰。子以爲陳氏方不足歟。曰。陳氏方誠一偏之論。然亦可謂善求病情者矣。其意大率歸重太陰一經。蓋以手太陰屬肺。主皮毛。足太陰屬脾。主肌肉。肺金惡寒。而易於感。脾土惡濕。而無物不受。觀其用丁香官桂。所以治肺之寒也。用附北半夏。所以治脾之濕也。使其肺果有寒。脾果有濕。而兼有虛量。

而與之中病卽止何傷之有哉。今也不然徒見其瘡之出
遲者身熱者泄瀉者驚悸者氣急者渴而思飲者不問寒
熱虛實率投木香異功等散間有偶中隨手獲效設或誤
投禍不旋踵何者古人用藥製方有向導有監制有輔佐
有因用前氏方因未嘗廢細辛丁香白朮參芪率有監制
輔佐之藥不專務於溫補也然其用寒冷者多而於輔助
一法畧開端緒未曾深及凝人之前不可說夢錢氏之慮
至矣亦將以候達者擴充廣而用之雖渴者用溫藥痒塌
者用補藥自陳氏發之迥出前輩然其多用桂附丁香等
燥熱恐未爲適中也何者桂附丁香輩當有寒而虛者固

是的當虛而未必寒者。其爲害當何如。陳氏立方之時必有夾寒而痘瘡者。其用燥熱補之。固其宜也。今未夾寒而用一偏之方。甯不過於熱乎。予嘗會諸家之粹。求其意而用之實未敢據其成方也。

王節齋曰。近時小兒痘瘡多用陳文中木香異功散。殊不知彼時立方時爲運氣在寒水司天時。合又值嚴冬大寒。爲因寒鬱遏。痘瘡不紅綻。故用辛熱之劑發之。今人不分時令寒熱。一概施治。誤人多矣。

又曰。丹溪痘瘡治法最爲明備。近世通用陳文中異功等方。乃一偏之術。若痘瘡虛怯淡白庠塲。此屬虛寒。宜用陳文

中方若發熱壯盛齷涌紫色燥痒此屬熱毒宜涼血解毒。自陳文中方盛行後屬虛寒者率得生屬熱毒者悉不救。痘是胎毒古人治法只是解毒然氣血虛則毒氣不出反不能成漿故陳文中之法亦千載妙訣補前人之所未備者但溫補之法旣行而解毒之旨遂隱故救得一邊又害了一邊今必詳究丹溪二法通用斯無弊也。

魏直曰痘漿數日隔頂漿滯不行或風寒所阻者宜用水楊葉無葉用枝五斤流水一大盆煎湯溫浴之如冷添湯良久照見纍起有暈絲者漿行也如不滿再浴之力弱者只洗頭面手足如屢浴不起者氣血敗矣不可再浴始出及

痙瘚者。皆不可浴。痘不行漿。乃氣滯血滯。腠理固密。或風寒外阻而然。浴令暖氣透達。和暢。鬱蒸氣血通徹。漿自貫滿。功非淺也。若內服助血氣藥。藉此發之。其効尤速。直見一姪。用此有驗。卽得其方。行之百發百中。慎毋忽也。古無此法。故詳註之。水楊乃草也。非楊柳之楊。人家有小兒出痘者。宜先收取。否則一時難覓。

安慶張氏傳種痘法。云已三世。其法先收稀痘漿。貯小磁瓶。遇欲種者。錄小兒生辰。焚香致几上。隨將黃豆一粒。傅以藥。按方位埋土中。取所貯漿染衣。衣小兒。黃豆三日萌芽。小兒頭發熱。五日豆長。兒豆亦發。十日而萎。兒病隨愈。自言必驗。

福山戊卒遇一醉虎縛獻王大將軍轅門將軍剖肉分贈郡

紳云小兒食之可以稀痘。

李捷用頭生雞子三五枚浸廁坑內五七日取出煮熟與食數日再食一枚永不出痘徐都司得於浙人之方。

朱丹溪治一叟發熱而昏倦其脈大而似數與參芪歸朮陳皮大料貳拾劑而痘出又二十劑而膿泡成身無完膚又六十劑而安。

痘症有二一曰血熱毒盛一曰氣虛毒盛氣虛者可以徐補血熱毒盛者勢必亟一發熱便口渴面赤氣喘狂躁譫語此其證也一見點即宜涼血解毒急磨犀角汁多飲之十

可療四五。稍遲難救矣。又有血熱兼氣虛者。初發先服涼血解毒之劑。五六朝後。可以併力補氣助漿。若初時不早涼血。則毒不解。延至六七朝。勢必以參耆助漿。漿必不來。反流毒火。又有血熱毒盛似氣虛者。初熱放點。神思昏亂。足冷。痘色自如水窠。惟有唇腫口渴。辨其火症。醫者反以氣虛治之。十無一生。

廣筆記

葉天士曰。論痘首推錢仲陽。陳文中二家。錢用寒涼。陳用溫熱。確乎相左。丹磧祖錢非陳。分解毒和中安表爲要。以犀角地黃湯爲主方。舉世宗之莫敢異議。後之萬氏以脾胃爲主。魏氏以保元爲主。皆從一家脫化。費建中救偏悉以

石膏大黃

徐靈胎曰
最不通

胡氏輒投汙下松江東地多宗秦鏡

明京口江甯咸推管檉保赤吾蘇悉遵翁仲仁金鏡錄可謂家喻戶曉者其所長在乎看不在乎治看法精確有可以前知之巧妙後之翟氏聶氏深以氣血盈虧解毒化毒分晰闡揚錢陳底蘊超出諸家因分別太多讀者目眩心憤不若翁仲仁薦蕘悅口也然眼目之功須宗翁氏而彙治講究參之諸家可矣徐靈胎曰痘症因時而變不但歷陽時所說痘症痘形與今大不相同其方亦迥別神而明之必合脉代之言而參觀之也

大凡發熱三日而後見點是其常卽以熱勢參詳見症定其吉凶翁仲仁金鏡錄甚明茲不復贅

傷寒邪由外入痘子熱從內起但時邪引動而出與傷寒兩途

週歲小兒初熱卽現驚搐昏迷之狀最多世俗謂驚痘最好此言未必盡然方書云先驚後痘者生先痘後驚者死頻頻驚厥最多悶痘益痘由腎至肝至心脾及肺自裏至外自深至淺未發之前痘熱先已內動目現水晶光芒腎熱也水生木而入肝木生火而入心火生土而入脾土生金而入肺其先天痘毒從至陰以達陽金籍身中元氣領載充長以化毒爲漿徐靈胎曰豈可先用惡藥傷元漿必膿厚蒼老而始結痂毒已外洩元氣內返斯無變症週歲以內身小元弱常

有熱一日卽止亦有順痘但須看神氣靜躁執勢輕重見點徐徐而出旣出卽長熱緩安乳便是好症若神氣雖安熱亦不盛痘點雖不多形呆色鈍或作頭突足弱脈懈不束筋骨隱隱歎息或短氣如喘或嘔或瀉徐靈胎曰皆由不能外發之故最多悶症徐靈胎曰句句真傳若二三日間痘苗已長色亦頗好竟夜終日煩躁不止最妨隱處發疔及發斑夾疹等症。

一發熱煩躁標點雖見熱躁愈加細詢無忽再參兼症爲六氣鬱遏者從時氣治爲內傷停滯者從裏症治亦有表裏兩解者亦有下奪者但下發寒涼之中必須活血理氣防

其凝濁冰伏。徐靈胎曰此乃痘中兼症
非明於內外科者不能

初起必三次而出熱止卽齊。其增點亦有陸續發出者。須看顏色靈活生氣。頃刻轉機變化爲要。察形辨症。治法用藥。表藥活血疏肌。次則涼血解毒。實熱便閉者微下之。虛弱氣怯者忌進疏解寒涼。間有虛寒。弱穉初發身不大熱。四肢皆冷。吐乳瀉乳。痘點不長。聞聲悠悠欲絕。望色慘淡。無形恰在一二朝間。余見程氏女年甫半齡。佈痘極多。痘形稟色淡白。前痘迭見。近地幼科僉用荆防蒡蟬紅花。查肉木通。胡荽。筍尖之屬方。雖寫而示以凶危。延余診視。余曰毒重氣虛。法在不治。但身無熱。見症虛寒。不因厲氣表

邪焉用表藥考萬氏始終以脾胃爲主以理中湯加丁桂
與服。徐靈胎曰前症皆虛寒之體此等藥其效如神一劑肢暖嘔止再服利暖痘

起再用參歸鹿茸二服以錢氏異功散而愈。

凡看痘先論兒體強弱辨肌色如色白多氣虛色蒼多血熱
形象尪羸有宿病或渴乳肌柔白嫩者痘必鮮明蒼黑皮
粗者色必暗晦羸瘦病質色躁形枯必須辨明依期長養
內症安和。

病軀出痘卽平順無逆亦難調理歌訣云形體羸瘦骨如柴
肌肉枯焦神思衰遍體鋪排如此痘縱能漿足亦堪嗟
一初見腰痛足弱不能起立者死此毒伏於腎。

一初見腰腹脹胸高續增喘瞞者死。

一初見目睛呆瞪或暗無光或黑白高低皆屬緊悶症。

一初見痘煩躁不止卽妨疔斑疔必現於隱處多死。

一初見痘痘不續發斑色深紫漸變藍黑亦六日內死。

一初見痘紫斑漸起痘反隱伏此名紫斑白悶。

一初見痘痘斑閒雜若似洒珠點墨必死。

已上皆論初見看法以定凶危。發齊熱退後皆無諸惡症。翁

仲仁云三日四日痘出當齊點至足心勢方安靜若論幼

小之兒氣血易週常有未及三日而發齊者年長之體四日以外猶有增發者痘子稀少數不盈百不必點至足心。

仲仁大意謂發齊安靜無膚變症然復辨明痘形痘色是何等呈色身體強壯痘屬上中方可許其無慮。倘幼小弱質或病後或帶別病而後佈痘未可見痘好浪許再以冬夏氣候審詳可以百千無誤。今世用方

初見宜解肌疎表通套法。

荆芥

四日不用

防風

三日不用

前胡

四日不用

牛蒡子

四日不用

紫草

二三日便滑忌

木通

紅花

甘草

赤芍

天蠅

查肉

川芎

連翹

桔梗

廣皮

蟬退

三四日不宜用

方書中夫見點用升麻葛根湯

徐靄胎曰此是開宗第一方

今人不用伍

氏方法見點忌升麻後人謂葛根表疏亦忌此輕揚升表
通套藥若裏症急須兩解

伍氏方一二日用羌防透肌湯今人不用惡其辛溫氣雄也。
一二日壯熱氣促煩渴便秘痘粒不發仲仁云若非風寒
壅遏定是氣虛不振愚謂近世佈痘每盛發於君相風木
燥金司令蓋非火不發也火鬱發之升陽散火是已但前
症若裏熱甚重煎灼脂液徐靈胎曰必有此二句後方可苟非苦寒
下奪佐以升表不能治也費建中方頗爲中的

石膏 大黃 連翹 赤芍 青皮 腸瘍查肉 紫草

木通 丹皮 涼血 犀角 通血 發齊後用黃連凡涼寒清火解

毒必佐活血疏暢。恐凝滯氣血也。

實熱便秘通用涼

膈散 防風通聖散 前胡枳殼湯 四順清涼飲

痘四日發足。伍氏遵古方用牛蒡子熟末三分。用荸薺汁酒釀。燉熱調勻。臨服刺入生雞冠血十餘滴與服。毒輕者卽起光潤之色。世皆宗之。

發齊已四五日。用涼血解毒湯藥。伍氏名四聖飲。非扁鵲原方。徐靈胎曰方極平穩。

生地 連翹 銀花 紅花 甘草 天蠷 桔梗

紫草 徐靈胎曰純是涼血之品

血熱加丹皮犀角。火盛加黃連石膏羚羊角。有斑加

金汁元參。頭面不起加川芎。雞冠血。咽喉痛加射干
玄參山豆根。

狂亂躁擾加地龍汁。毒重血凝加猪尾血冰片。近世涼
血解毒。多用地丁銀花湯煎藥。

凡看痘初起要根盤。其痘易長綻。倘光瘦不肥多險。成漿之
後務要根盤卽花。一線圈紅緊附。頂滿滾圓。是爲毒化。若
頂陷頂皺。根盤黯殭。其毒與氣血交凝。實宜攻。虛宜補。實
火宜清。攻不宜早。看來火色大赤。痘形色濕潤方可攻托。
否則搔擦立至乾剝。毒陷不治。

虛有氣虛血虛之分。血虛爲熱。氣虛爲寒。但虛熱與實熱不

同虛熱用滋清方藥痘頂屬氣根盤屬血氣領血載毒得
煨煉化漿。凡體強質實者多火以清涼之劑火解漿成誤
補則癰癰者壅也其氣虛血弱色必淡白形不雄偉或頂
陷或皮皺內症則惡心少食便溏年少未進穀食者腸胃
薄劣最多虛症七日以來元氣用事不能勝毒使之外出
多有內陷致變者余最究心是症調之應手取效魏氏保
元湯聶氏參歸鹿茸湯陳氏木香異功散腸滑不禁用七
味豆蔻丸白朮散理中湯多獲奇效甚者必用三服徐靈胎曰
用補之方盡於此矣

大凡兒肌白嫩者多虛症蒼黑者多實火雖爲大概亦屬至

要白嫩發痘色必鮮艷勿謂便是善症。蒼黑發痘色必暗晦勿便許爲凶。總以神氣安靜顏色日換形象漸長便吉。六七日伍氏內托散。

生黃芪 甘草 陳皮 川芎 當歸 防風

白糯米 天蟲 角刺 銀花

血熱者不用芪芎歸 表虛者去天蟲角刺

血熱仍用丹皮地黃紫草連翹羚羊

猪尾雞冠雞鳴散。達表之藥。

猪尾膏通裏之藥

保元湯

人參 黃芪 炙草加川芎當歸名芎歸保元虛寒加

肉桂 升頂加鹿茸 氣滯正氣加廣皮厚朴 瀉加

木香肉果 賴弱加坎炁河車 嘔逆加丁香厚朴。

參歸鹿茸湯

人參 當歸 鹿茸 黃芪 龍眼肉 炙草

木香散

人參 木香 丁香 桂心 大腹皮 青皮 詞子

半夏 甘草 前胡 赤芩

異功散

人參 木香 官桂 廣皮 當歸 茯苓 丁香

附子 肉果 厚朴 半夏 白朮

豆蔻丸

肉果 枯礬 詞子 龍骨 赤石脂 木香 砂仁
白朮散 四君加藿香木香。

七八九日頻用清涼痘火色既退漿不能透或有半漿頂有
箬笠之形不克充灌今人多用桑虫漿生用雞冠血生用
同酒漿和服倘攻起少頃後呆滯者須用補托

伍氏攻發藥用老人牙煅研極細加射香少許每服二

三分名黑靈丹

右天蠅乃疎表風藥。山甲乃攻經隧風藥。

一味爲末酒漿服曰獨勝散

凡蟲蟻皆攻無血者走氣有血者走血飛者升地行者降。凡
漿足聲音啞者不妨驟喘痰升者大忌。徐靈胎曰喉中
痘足聲亦啞翁仲仁云挫喉聲啞漿行飽滿亦無妨蓋痘漿因熱氣以煉
成必升騰以達頭面肺位最高熱上蒸迫肺先受損是以
聲出不揚倘喘急扶肚擡胸乃火毒歸肺必不治矣。

火毒歸肺幼科每用珠子牛黃膏連三服多不效余遵孫真人第經湯或仲景葶藶大棗湯間有效者肺氣壅遏苦寒直下已過病所故無效。徐靈胎曰真屬妙談須參之

方書以六七日以前寒戰屬氣虛六七日以前咬牙屬胃熱。

六七日以後咬牙屬血虛亦屬定論。

八九日癢瘍咬牙痘不起漿或灰白或涸或癟危險極矣速
速溫補亦可望生翁仲仁云瘍陷咬牙便實聲清猶可治
聲清則上無熱壅痰聚便實則腑陽未至盡洩所以溫補
得效耳 木香散異功散。

八九日順痘漿色蒼黃毒氣悉化亦云垂成須謹防護持搔
損流膿裂血倘正氣大泄毒從虛陷常有不治之患斯時
預囑伴母勿懈使痂靨乾結肌肉完固便是全功若痘已
破碎聲不啞者毒不陷也無妨徐靈胎曰秘訣

伍氏方用芍藥湯。

炒白芍 蕙仁 茯苓 地骨皮 銀花 百合

山藥 建蓮

一二日漸次成癰之際。極好之症必有咳嗽或夜暮身熱。世俗幼科僉云毒氣未盡。概投苦寒。多有胃減廢食。釀成痘勞童怯者。吾嘗論痘自腎臟骨髓之中由肝主筋心主血脉。脾主肌肉。肺主皮毛。從內之外。毒乃湧釋。收疤之時。真氣歸裏。肺合皮毛。是爲未傳處位高體清肅。從前灌脹成癰。蒸迫之氣受虧已極。氣泄爲咳矣。况投利濕下注藥而結癰其上焦已經轉燥。若毒仍留伏焉能收曆。此斷斷然。再論幼穉陽常有餘陰未充長。佈痘至於結癰。一身脂

液大損其陰氣告匱可知故暮夜屬陰時爲煩爲熱者正內經云陰虛生內熱也西郊吳氏女年甫四歲痘係順症幼科調治至漿滿成痂之日忽發煩躁夜熱不寐晨起安然醫用保元及錢氏五味異功散加芍藥與服熱燥益加又更一醫曰毒氣未盡乃誤補之故用桑蠅漿暨涼解藥服後躁甚而添泄瀉邀余診視覩漿痂形色詢平素起居時日當午卽用六味地黃湯徐靈胎曰所謂養陰之法一服而安此二條人多忽而不究故辨及之旬朝後嗽大法以甘寒生津胃藥

蔗漿 麥冬 沙參 綠豆皮 地骨皮 地骨皮 甘草

玉竹 甜杏仁

解餘毒藥全以不傷胃氣爲主。若用芩連必須酒製。翟聶二氏辨之詳矣。平和無奇斷不敗事。徐靈胎曰名言如三豆飲之屬若金銀一味本草清解毒不寒。余見脾胃虛弱者多服卽瀉。伍氏用速翹飲子亦取平和。

痘毒癰瘍熱症十有七八。虛寒十有二三。甚至骨出腐敗亦有愈者。但外科大忌用火煉升藥。其診看之法亦如瘍毒須分陰陽耳。

痘瘡濕盛生熱強者用苦寒清降。以苦能去濕也。若阻咽廢食。以及穿腮破頰者難治。

年長出痘。男女慾已動其初卽視膠痛腰痠。咽喉窒痛欲閉。若辛寒藥必不效。驗宜甘鹹寒滋水制火。佐以解毒。六七日來。痛勢日緩。聶氏有參麥清補方。余每用錢氏六味加龜膠元參秋石。獲效者甚多。

若漿不肯起。頻吐粘涎者凶。

凡惡痘凶危瞬刻。如諸悶症。不過三五日已發而縮。其危最速。總在七日內。再若蒙頭鎖喉懸鏡纏腰蜘蛛窠。種等爲十惡症。其袁氏十八惡症。今人未嘗齒及。如此等痘治之無益。徒招忌尤。更有塘沙夾斑。十朝危期。又根枝雖好。佈於歲內幼小之兒。必八九風波不治。半漿毒陷之變。必斃。

於十一二四之期。若能食者十救一二。痘至八九旬日外。
無漿則裏毒不化。必嗰啞搔癢。痰潮不食。眼開條欵難以
盡言。危期速矣。常有忽然速串片片之痘。裂水形如松脂。
桃膠外露。轉眼堆聚。內症漸安。變凶轉吉。更有旬朝內外。
乾板涸如焦鍋巴狀。毫無生氣。忽從地角承漿諸處。裂縫
流臭水。漸升頭額。堆腫高厚。若糊臉。名曰發臭。毒泄卽當
補托。遲則氣脫。徐靈胎日秘訣

小兒痘

痘之爲症。嬰兒之大刲也。自漢以前無有。元朔中武帝使使

至回鶻。因傳染入中國。其氣腥穢難近。惟大貴而賢者。則間出墨痘。此絕無而僅有者也。崑山朱恭靖公名希周。幼時出痘。顆顆皆黑。若束一帶於腰間者。諸醫皆謂不治。有一醫能識之。謂朱翁曰。令嗣之症無妨也。然願與公約。我有弱女。痘痊後欲得令嗣入贅。翁許之後。遂贅焉。醫固富。凡膏火之費。悉以資之後。公中弘治丙辰狀元官至禮部尙書。爲禮樂名臣。卒年九十四。謚恭靖。

張達泉治顏銓。部爲兒時。中痘已死。達泉視之曰。未死也。急掘地作坑。置兒其中。取新水數桶。用紙蘸之。重貼其身上。少頃有細烟起。兒手微動。達泉喜曰。王矣。復以水沃之。氣

蓬蓬上蒸大喘數聲取起再進以藥不數日愈

王敏治千戶申志年二十忽瞑眩譫語體熱而咳嗽醫以傷寒治敏曰痘也與升均湯而瘡出

葛茂林診汪比部子年二十五矣忽患痘汪故知醫以爲無恙也葛視怫然迨五日而足七日而膚亦怫然至十四日而痂落汪信其無虞葛曰灾其在彌月乎至期而其子晏然汪置酒高會若以謂葛者葛視其子之足底有泡結瘢膚內曰迂其殆哉迨是日而晏沒汪以爲神問其故葛曰夫痘構形之餘穢也苟有纖芒未盡亦無生理是疾初發自腎而我知其不能暢是以必死旣而流注於足底焉以

故發之緩而必至是日也。汪歎服。

沈好問治沈勤雲義女年十歲幼子痘女抱兒出診沈曰兒無傷女卽出惡痘矣若呼頭及骨痛宜服糞清如其言而愈。

唐守元治園花祝氏兒患痘症遍身血逆無罅唐搗藥塗其身移藥菌蓐上捲起倒監床前合家啼駭唐叱曰若輩勿驚此名蛇殼痘必用逆乃得脫已而皮膚解裂如蛇蛻然遂愈

關家女阿觀年八歲出痘甚多惡沈曰諸醫云何對曰死症不必藥矣沈曰兒一身死痘然有一生痘尙可生令取五

年抱雛母雞用藥入雞腹外以襦蒸雞令食盡視之右手
關脈痘二粒。明艷如珠。女果生。

江魯陶子一歲痘止三顆見額上耳後唇傍沈曰兒痘部位
心腎脾三經逆傳土尅水水剋火宜攻不宜補攻則毒散。
補則臟腑相戕治至十四日病明潤將成矣。沈曰以石膏
治之恐胃土傷腎水也俗醫隣兒小謬投以參沈見之驚
曰服參耶不過二十一矣兒卒死

許季明幼子痘沈曰順症也不必補。小兒純陽陽盛必剋陰。
許不從痘愈譏沈爲妄。沈曰兒且死許益不悅至十二日。
兒熟睡視之絕矣。

潘氏云一女病發熱腰痛手足厥逆目如昏悶形症極惡疑是痘候時暑月急取屠家猪血倍用龍惱。水片和服得睡也須臾一身瘡出而安。若非此方則橫天矣。

本草綱目

括蒼陳坡雲分教三山曰其孫方三歲發熱七日痘出而倒曆色黑唇白水冷一土教以用狗蠅七枚搗細和醋酒少許調服移時紅潤如常又其次女痘後毒上攻遂成內障一醫者用蛇蛻一具洗淨焙燥天花粉等分細末之入羊肝內麻皮縛定用米泔熟煮切食之旬日而愈。

居易錄 狗蠅夏月

極多易得冬月則藏於耳中

扶溝趙神仙傳起死回生散治痘瘡至七八日忽然變色黑

收入腹內。偏身孤破。吭喘死在須臾。服此從新另發出立可回生。方用四物湯加升麻紅花。上陷加白芷。下陷加牛膝。遍身黑陷。加麻黃。象糞微炒如一歲用二錢大則用至三五錢。右剉一劑半水半酒煎服。從新發出。脚下有黑疔。至七八日用針挑去。以太乙膏貼之。卽拔去毒。連進二三服。

朱丹溪治一子七歲痘將出未出之際。腹泄數行。其泄色黑。不發根窠。三日後痒孤出卽黑水口渴。其根窠如水疥狀。不紅澤。不起發食。少脈浮數有力。按之虛。遂用參芪歸朮陳皮肉豆蔻爲君。炙甘草柯子桂爲使。水煎熟好酒些少。

咽下痒立止。食立進根窠紅澤而起發二服全愈。

龔子才治一女痘出至脹滿將貫膿時忽紫黑抓破流血此屬熱毒大盛乃用皮硝不拘多少入花椒一撮煎水用青布蘸搽患處頻頻良久即起脹如舊。

孫文垣治鄭都諫長君四歲患痘稠密煩燥醫皆謂熱盛不退形枯色紫頂有焦勢症逆不可爲孫至細審之見兩太陽圓淨神氣蒼厚在此謂當急爲涼血解毒用赤芍生地各三錢紫草二錢連翹黃芩貝母山楂木通各一錢蟬退

甘草各五分藥成劑而眾止之曰麻要清涼痘要溫今乃獨主寒涼保元之謂何孫曰用藥貴對症保元湯溫矣必

血活熱清而後可用今血熱毒盛而用溫劑是火熾添油也衆曰若慮毒未解吾若醉法甚佳用桑蟲雞血酒調服之痘卽立起孫曰此法亦可用於清解後火未退而用是以毒攻毒其勢愈熾鄭遂命煎服其減去山楂貝母從眾議也次日痘色明潤焦頂盡退血亦漸活惟嘔噦搶喉眾謂藥所致孫曰此火毒未盡也宜進竹茹湯乃大諱鄭弟檢痘疹全書用竹茹以証乃已藥進而噦止至八日泄瀉發瘡乃以保元湯加白芍朮大加首烏一帖瀉瘡止至十四日天庭兩顴皆回漿作膿惟兩頤未回洩瀉不止逾半日口開頂軟四肢盡瘡腹又脹已成內攻舉家啼泣孫亦

茫然不遑爲計。太息出門。鄭弟把袂相送。揖別頃。聞衣間
痘臭語之曰。君聞臭乎。曰。聞。孫曰。似有生意急。還起之。因
思顧乃腎經部位。獨不回樂者。腎元虛也。峻補乃可使活。
先以子河車一錢用酒調服。服後卽睡。繼以人參一兩。黃
芪。免絲各三錢作大劑服之。一日夜服人參一兩八錢。再
視之其結膿之下。復灌一錢黃漿。蓋贈痘也。遂調理而愈。
此症如不收功。則向之指斥寒涼及戒用竹茹者。皆可籍
口矣。
此氣虛血熱而胃氣不暢也。於涼血劑中少用葛根。以暢胃氣。則焦頂立化。更參用參芪。以補氣。則其痘立長。此予友趙功甫法也。目覩其用藥。輒應手見效。孫君尙未達此旨。故不
免多費周折耳。

喻嘉言診顧誕明子種痘。卽請視其痘。苗淡紅磊落。中含水

色明潤可愛日一顆粒稀疏他醫已先誇爲狀元痘昌未知
也躊躇良久明告曰此痘熱尙未退頭重頸軟神躁心煩
便泄青白全是一團時氣外感兼帶內虛若用痘門通套
藥必危之道也必得一二劑先退其外感則痘不治自痊
若遲二三日緩無及矣彼不聽而以蝦魚雞筍發痘之物
襍投誤上加誤適所以速其亡耳纔至六日而壞正應感
症壞期若痘旣美旣有意外變症亦在一月半月矣越二
日次男卽發熱布痘仍挾時氣外感仍用前醫仍六日而
壞

馮楚瞻治蔣總憲之孫痘不甚密但先天甚弱壯熱潰汗不

止四五日來痘反退縮平陷昏睡驚惕馮曰壯熱者陽在外也潰汙者陰外洩陽不歛也宜滋陰養陽補中則痘不發而自起矣以熟地八錢乳炒白朮三錢牛膝八錢麥冬二錢五味四分上肉桂六分煎服不逾時熟睡身涼汙收神爽痘起思食而愈

胡氏子患痘初起甚危一老醫斷其必死延馮同治見其方寒涼大甚所以伏而不出有喘急腹脹諸症也先以酒釀雞冠血調下獨勝散一服解其氷伏之勢喘熱俱減痘有出勢其醫以必不救爲爭馮曰毋若是以重主人之憂望

爲同事吉則君之功凶則某之事彼猶不然其父惟日夜

痛哭，勉留調治十愈八九。主人仍不樂，蓋渠每日診視，諱諱斷以不起時日。直至結痂全愈，主人乃喜迎於色，悔聽
蠱惑，幾至敗事。

馮楚瞻五兒，稟賦素弱。年四歲出痘，發熱一二日，便神氣困倦，汗出如雨。已見痘因，汗多陽虛，一切疎解屏不用。三日外汗出不止，清利甚頻。所見之痘，反隱隱退縮，未出者則冒姐也。以人參炒曰朮，各三錢。炙甘草八分，固中爲君。天蠶三錢，角刺一錢，炒甲片六分，攻托爲臣。以川芎八分，升提而兼辛發，肉桂六分，溫經而兼外達爲佐。四日汗瀉小減，出見少長。未出者見形，仍用前方。加當歸大棗煎服。五

日起脹者。少有膿色後出者。亦有起脹之勢。但面上之痘。
淡紅無光彩。身背之痘。紫陷不潤澤。知由氣血兩虛兼血
滯而然。只以溫補氣血爲主。前方加黃芪山藥黏米圓肉
煎服。六日痘色紅活。但皮薄而亮。膿色青稀。四肢水泡知
氣血弱而脾土更虛也。乃用保元湯加桂人參五錢。滋補
元氣爲君。生芪二錢。充補衛氣爲臣。炙甘草六分。緩中補
土。黏米一撮。內壯胃氣。外釀膿漿爲佐。肉桂宣通血脉。補
托爲使。七日膿色大長。以和平養長之劑而瘳。

吳孚先治一兒患痘。至出齊後忽變灰白。七八日毫無漿路。
更兼便溏。不思飲食。勢極危。用人參鹿茸製附肉桂木香。

柔蟲人牙穿山甲角刺防風桔梗糯米以黃芪二兩煎湯
煮藥一帖有漿脚二帖起脹三帖漿足矣

一兒十三歲痘出稠密至八九日將貫膿時粒粒陷入成窠
或與木香異功散陷伏愈甚視其痘色紅紫而體氣不弱
曰此血氣欲行漿爲毒氣壅遏故痘頂陷伏宜速清毒血
氣自行緩則有變用當歸生地白芍紫草牛蒡連翹桔梗
甘草山楂黃芪加酒炒芩連人參三分一劑而陷立起再
劑而漿充滿矣

一兒年十四痘出身熱三四日後出纔隱隱數點忽發譖狂
或以涼藥解毒診之六脈緩弱痘色淡白曰此至虛似實

也緣氣血虛弱，送毒不出，故發譫狂與實熱發狂者迥別。
投以溫中補氣之藥，痘出遍身，譫狂頓止。

王履素曰：余孫孟淳出痘起發，貪漿俱如法，惟回漿太早，九朝左臂發一痘毒。醫通用清熱解毒之藥，不四劑而寒戰咬牙之症作矣。皆泥於痘毒，不敢用參朮止用歸芪，而兼解毒。余謂痘後氣血俱虛，復以寒藥敗脾，故見斯症。陽氣已虛甚，卽有歸芪，亦何能濟？況尙兼清解乎？必無幸矣。保嬰撮要：寒戰咬牙門，用十全大補湯，卽痘毒門初發時，只用仙方活命飲一二劑，旋用托裡散助其元氣，則未成可消，已成可潰。設使氣血不充，則不膿不潰，難以收拾。于是

斷以已意。服十全湯三劑而寒戰止。再敷劑而咬牙定。及延瘍醫妙手外治其毒。內服參芪歸芍不輟。凡匝月而愈。當寒戰症作。臂腫方焮。用藥頗多疑慮。人參且不敢多用。而况白朮至於桂。更無敢用至三分者。余歎曰。立齋斷不誤。遂決用大劑參朮加桂至五六分。而諸症皆瘳矣。立齋之誤
亦多矣。未可
以此爲據也。

周懷第四兒生四十餘日。卽出痘。其初頭上并身上。不過三四點。身不甚熱。飲乳如常。醫謂痘極少。當不滿百粒。周末然之。卽令禁風調理。再二日。遂多甚。頭上胸腹腰背手足俱稠密。至額上面上。及陰囊俱一片純紅。不分顆粒。臍內

甚多因腫大突出舌上亦多形如白粟膿漿布滿醫又謂
兒小痘多且有不順諸症此必不可爲矣因視其痘色紅
活頗能飲乳宜可調治第慮其氣血不支以參芪炙草煎
濃汁時與乳相間飲之五六日後頭上多有膿漿間有水
泡身上及手足則水泡大半膿泡僅小半耳謂其氣血有
限理所宜然所慮額上面上一片純紅者忽有一二次變
黑因大驚以爲逆候也然察兒精神及飲乳畧無困憊至
三更陰囊下亦轉黑結痴因悟其非惡候乃兒小血氣易
於周浹七日後卽收醫耳至八日寅卯時自上至下俱結
痴至時結完九日自上至下俱痴落至晚落完旣而遍身

發大熱此每未盡發是以速收速落將發癰也急宜解毒
以大連翹飲濃煎汁每用半酒杯以茶匙緩緩挑服一日
夜服三酒杯而熱退可無癰患矣其鼻上有痂封固以密
密潤之用銀耳挖挑開以出其氣純紅處膿水未乾以黃
柏黃連甘草地骨皮五倍子爲細末繆之陰囊流清水用
棉繭散繆之皆愈此氣至而血不至也欠此養血
一著故毒不盡解留爲後患

周次女六歲出痘發熱甚緩至二日面與手微有痘影數點
熱至第四日其點仍舊且帶白色困倦嗜卧不思飲食醫
視之謂痘輕少不滿百粒周心甚疑謂痘既少兒當精神
清爽飲食如常今困倦嗜卧不思飲食痘影淡自此必氣

卷之三十一
血虛弱送痘不出故也乃以溫中益氣湯托之一帖而皮下隱隱欲出者甚多二劑而痘出大半一日夜盡四劑而遍身出齊稠密特甚緣數日前曾患發熱嘔吐稍傷胃氣故必待溫中托裡而痘方出故也若不察其虛不逐毒外出必致內攻之患矣

周妹年二十三妊三四月偶受驚恐時歸甯不數日而半產又不數日而發熱二日而痘出頗多至四五日出齊甚稠密色淡白而嘔吐醫見稟氣怯弱半產後痘出又多皆不敢施治周日豈有坐而待斃者乎遂以參木陳皮等安和胃氣止其吐嘔而痘色亦稍紅活因喜曰此可溫補而愈

也以參芪歸芍炙草丁桂木香等大劑投之。覺痘色轉紅活。若半日不藥則又轉淡白。於是一日夜必盡兩大劑至貫膿時。惡露尙未盡乃曰。此注漏厄也。卽於前方中去官桂木香入炒黑乾薑密炒升。麻柴胡各一錢二分。阿膠艾葉各八分二劑而惡露止。前方除此五味頻與之。膿漿充滿。至二十餘日乃收。計服藥四十餘帖。每劑用參芪各三錢。丁桂各一錢。他藥稱是。豈區區常格之所能盡哉。痘後又患眼腫翳頗盛。服清毒撥翳湯數十劑而愈。

周表姪孫十歲出痘極稠密頸項尤多俗名鎖頸又有暴脹賊痘數粒在各處其痘初出帶紫黑色醫謂斷不可治。周

視之已六日餘矣。尙無些少膿漿。或者猶欲解毒。周曰。此但膿漿充滿便可生。且至此時。尙何毒之可解也。兒素嬌不肯服藥而喜飲酒。尙能飲酒非逆症可知周曰。此時正宜飲酒。遂

與參歸鹿茸湯一大劑。令濃煎汁。以好酒相半。和勻。頻飲之。自申至辰。服完一劑。其頭面各處。已膿漿大半矣。至午刻。忽溏泄二次。知其內虛脾弱也。以參朮散投之。稀粥。內服二三錢。泄止再服。參歸鹿茸湯一帖。遂充滿矣。瘡後。餘毒頗盛。大便秘滯。用大連翹飲加酒炒大黃一錢。二分數劑而安。

一幼兒三歲。出痘將盡。時泄不止。諸藥不效。周以七味豆蔻

丸數十粒與之亦不能止其大便而出知其虛滑甚也仍以前方教以米飲浸軟研如泥和粥少許食之泄止

痘癰而安。

服法
精妙

一幼女年六歲出痘其症虛弱先服補藥已多結痂後忽泄不止服異功散加河莞不效醫將以七味豆蔻丸與之周謂此女一向服補藥何一旦虛滑若是因審其大便時多努力且所下又少而色黃此必毒氣流注而然也遂以加味四苓散與之一服泄止後因大便燥結復入檳榔青皮炒枳壳等味數劑而安

徐靈胎曰今天下之醫法失傳者莫如痘疹痘之源藏於臟

腑骨脉而發於天時。所謂本於臟腑骨脉者。凡人生受生之初陰陽二氣交感成形。其始因火而動。則必有渣滓未融之處。伏於臟腑骨脉之中。此痘之本源也。然外無感召。則伏而不出。及天地寒暑陰陽之氣。沴戾日積。與人身之臟腑氣血相應。則其毒隨之而越。此發於天時者也。而天時有五運六氣之殊。標本勝復之異。氣體既稟受不同。感發又隨時各別。則治法必能通乎造化之理。而補救之。此至精至微之術也。奈何以寒涼發之。毒藥劫之哉。夫痘之源。不外乎氣血也。然內經云火鬱則發之。其遇天時炎熱。火甚易發者。清解固宜。若冬春之際。氣爲寒粟。則不起發。

發而精血不充則無漿漿而精血不繼卽不醫則溫散
補養之法缺一不可。豈得概用寒涼。至其用蚯蚓桑蟲。
全蝎等毒藥爲禍尤烈。夫以毒攻毒者。謂毒氣內陷。一時
不能打出。則借其力以透發之。此皆危篤之症。千百中不
得一者。乃視爲常用之藥。則無毒者。反益其毒矣。病家因
其能知此死期。故死而不怨。孰知服彼之藥。無有不死。非
其識見之高。何能用藥之靈也。故症之生死。全賴氣血。當
清火解毒者。則清火解毒。當培養氣血者。則溫托滋補。斯
不失一矣。嗚呼。謬說流傳。起於明季。至今尤甚。惟以寒藥
數品。按日定方。不效則繼以毒藥如此而已。夫以至變至

微之病而立至定至粗之法故世俗以爲痘科最易不知殺人亦最多也又曰種痘之法乃仙傳也有九善焉凡物欲其聚惟痘不欲其聚痘未出而强之使出其毒不聚一也凡物欲其多痘欲其少強之出必少二也凡物欲其大痘欲其小強之出必小三也不感時痘之戾氣四也擇天地溫和之日五也擇小兒無他病之時六也其痘苗皆取種出無毒之善種七也又痘必漿成十分而後毒不陷種痘之漿五分以上卽無害八也凡痘必十二朝成膿并有延至一月者種痘則九朝已回九也其有種而死者深用悔恨不知種而死者則自出斷無不死之理不必悔也至

於種出危險之痘。或生痘毒。此則醫家不能用藥之故。種痘之人更能略知治痘之法。則尤爲十全矣。

朱應我治一兒六歲。熱二日。初報點頭。卽傾倒。視之點無大形影。其父母皆以爲此子決不得生。朱許以七日可愈。爲其面色清淡無神。的是氣虛不振。故不出。也用麻黃重劑一服。隨卽用薑葱酒搗胡荽擦之。此二月天時也。被覆而坐之火上。至黃昏。卽用人參補之夜半視之。已朗朗然。報出矣。更成尖圓之點。計服人參兩餘而愈。

小兒痘後開眼內有星翳。用杭州胭脂泡水復以底鋪水上。用新筆在紙上蘸水。一日拂三次。三日卽愈。

痘

一趙中書郎二十歲痘出四日內視之面部油光喉凹下至胸下鳩尾如小兒涎衣狀一片紅丹潤至兩腋前頸上腹上則朗綻朱曰油光症元陽大洩。胸膛之丹居華蓋之地此險中帶逆症也藥之至五日後面部油光者有漿勢也胸前丹俱起粟珠帶紫色獨背上紫色未退舌有微胎他執定天下朱曰此症元陽已泄於面只可重用潤藥不可用硝黃攻之用當歸五七錢一劑佐以枳殼諸涼血藥於五六日小灌之期一醫用人參黃芪肉桂鹿膠下午則神

昏譖妄。兩齒相鬪聲聞徹耳。七八日皆然。仍用大清涼四
劑。九日漿似大行而鬪齒諸症亦少靜。覺眼眶稍陷。神稍
倦。於清涼中略用人參五分。以助元氣。眼不蛤。而有淚。皇
不封而有涕。面部漸成蒼老之色。而胸前丹地。則漿水成
袋。兩臂兩腿亦有漿袋。至十一日夜忽大渴。連飲茶十三
四碗。此引水自救之意也。微用清補。延至十二朝。症漸平。
後卽去參單以養血。清火藥扶至十七八朝而愈。此人新
娶。元氣未免削薄。故清涼中略帶補耳。此症至八九日陰
囊根上忽失血。盃許。朱曰。此血一出。可當發毒。後果如所
言。若壞症。則此血又大泄腎元矣。何以能生。

朱應我治其堂弟年四十歲患痘。二日視之面浮白點如痞成片遍身紫細點如麻成片。朱曰此症死生在定標時開則生不開則危。急用犀角飲併破氣血藥大料飲之。每日三劑。至四日天庭地角忽開朗如星散。惟兩額仍不開。啟身視之亦開朗特紫色太甚。腰下更平塌如瘡。生意雖有尙瀕死地。急以大黃下之。犀角照原劑不少減所下僅溏尚不大通。以其原有吐紅之疾。秉體虛弱不堪大剝削。只得用酒熟大黃薄滌之。第五日下泄多且如粟塊。六日早視之兩額忽星散而朗。身痘亦朗綻。面部大有放白起水之勢。七日勢充而漿至矣。止大黃犀角。只用涼血清火之。

劑。奈胸背兩臂仍枯滯紫焦而不動。又急用犀角四五錢飲之。忽胸前及兩臂手腕痘有起頂放水白之光。根脚如石榴樣紅豔可愛。朱曰：届九日漿水必至矣。仍用犀角藥下午漿。至十日遍身水漿充滿而來。無何十二朝收臘。遍身無一硬殼。止見破裂漿水不流者起泡已破者見赤肉病者大懼。朱曰：漿有七八分紅根盡化此醒漿收也。延至十六七朝頭額復瘧疤而漿起。胸前亦起原破裂者皆有疣殼頭額所瘡於六日出蛆并卵袋破處亦蛆漿水臭爛是微有生氣可醫。但脾胃不強口舌生瘡。此餘毒尚未清也。十九朝前全以清涼扶之而已。此症初決爲血熱異常。

到底不可補益。病者平素虛弱，恐不其然。至後節次用清涼則安。一停犀角等藥，卽發大熱。第三日發狂，用牛黃琥珀等而安。六日停犀角不安，七八日重用犀角又安。十七八日少進芪朮，又不安。況腰以下自腿至脰，十七八日猶然紫黯，而灌漿皮且有縐紋摺數。此症難治。一至於此，夫大陰症未有眼不蛤，鼻不封，而可以灌八分之漿者。此症九日前眼止蛤一日，鼻則不封，何以能灌八分之漿？畢竟不結膿而醒漿破潰，眼復微蛤，鼻反大封。十八夜因嗔怒，十九日少見鼻血。此不善調攝之過也。晝夜泄六七次，神氣不爽，飲食減少。小小一夕七八次，不得已進補中益氣湯，人參用。

至數錢以回生意此清後用補乃正法也此乃二十日期
越一日稍思食辰後大便仍條軟午後食畧增急去補中
益氣中之升柴配之以八物料仍不減黃連參止用三四
分爲其養血以令氣之不發越而爲火此陰陽調燮之妙
理也又因七八日來腰背倦卧而不能伸脚膝屈軟而不
能步未扶之起頓覺能坐能移亦見引導藥力之妙又二
十四日夜半先寒戰隨發熱宛如瘧狀如此者四夜或止
或發此是痘作於六月時未免夾瘧暑之寒熱至五日下
午汗流至腹朱曰暑氣解矣此夜必不發熱果然其實數
日內小柴胡加人參天冬知母五味間加香薷故得愈也。

按此痘六月初二日見至七月半予南行囑曰原痘甚危此時股肉脫飲食少元氣未復必保養年餘方可安枕別去五十日九月初至家一見驚曰弟何脫形至此急離卧內調藥餌或可延也詎予又遠行病者家移不放閒書史不放手忽於夜半時竟死矣大都痘犯大危後來不善調攝未有能保全者此症痊後房中過百日安得不就枕席之事所以一百二十日之關不能逃也。

原評

朱應我治一鄭姓婦見點面部不甚稠止頸下有紅色一小片至四日面部軟萎遍身夾丹丹中微微細點朱曰此丹

不能退。後必大灌清水定然外剥醫雖用參芪面部不放白顏下至身通行皮捲破裂九日而逝此丹症之最酷者也。

一戚室庠友子三十餘歲患痘一醫視標以爲極順可勿藥其宗有醫以爲險甚主人信先醫不信宗醫治五日延朱決之至則視其面部根頂不分痘地不分淡白一色且有油光。况口張不闔唇不蓋齒此危症也。所取者面粒疏朗可數兼之胸前甚少而頸亦稀耳。啟四肢視之則挨簇中夾丹。兩臂陽面之丹自曲骨上下約長三四寸濶寸許兩股陽面之丹自臀橫紋起直至脚肚下約長二尺許且背

如通紅之毡條。幸兩臂陰面兩股陰面。尙有子粒。而不甚稠。論顏色則面淡白。頸胸粒白。而根不紅。丹內瑣細。如堆粟。丹外紫地一片。卽陰面之痘。皆點粒下有紫暉一圈。細看如此形色。卽欲謝歸。奈主母乃朱同宗女。強留之。爲其二三日前。舌有小血泡。吮之始平。詢大便數日不行。遍身皆紫色。權以大黃下二三度。繼以犀角地黃湯。兼芩連投之。隨手輒效。九日面部頸胸漿皆至背及四肢。亦見漿色而丹處有似水白。主人益信爲順症。十一日丹處漿水成袋。忽忽破流。而皮脫去矣。面部及胸結厚殼可觀。是日粥入而嘔痰與水。不多食且艱阻。朱與宗醫商扶脾方進之。

痘者自計飲乳雇乳母及內人似小兒吮法主人以爲妙
術日落時忽譖語一二句夜半更甚小便尿血數點十二
日早視之唇譖尙知人事叩之則應但精神疲弱不支因
數日便閉冀便通或可止譖用密導法不應於補脾藥內
重用當歸僅少溏泄而大便亦有血主人始懼時未有他
行然不知小便之血胡爲而來細詢之知痘者平日極好
色此時原有契友伴卧言未吮乳先痘者言好却好恐洩
精又主母來看令婢坐榻前服事友另坐從壁隙窺之見
主母偶離痘者矇矓問何人婢者應卽推去被而以兩手
搜婢如是則前少婦吮乳時未必不動念精變血而來固

如是平細思粥入而嘔逆食入幾何密導而不通藥潤而無益此痘中關格之症氣血已不流通安望成功夫血熱故成丹丹艷故成剝此丹甚剝甚之不多見者也又面腫退而眼開者其常也此痘洗眼以令其開猶然上胞不支而緊蛤視其黑珠則似明似昧此亦神將脫之症也又痘者每日飲兩煎細茶不已禁之不聽後竟粥入而嘔逆未必非茶飲之過別後聞舌短者已兩日危甚後忽漸轉能飲食宗醫仍調以清劑延至十八日而食大進可漸生矣細思此痘面頸胸點少可數卽脣內膿內皆有子粒至背如紅楂臂外股外皆夾丹無縫從未有陰陽分界有如此

稀密之不同者也。內症則嘔逆在上，阻滯失血在下，神昏舌短，外剝甚酷。此死多生少之症，得生可爲萬幸。又細思此症之生，畢竟面部稀疏有漿，卽四肢及背如此酷烈，猶有保全於瀕死之時。古云痘全以正面爲主，信哉！至十九日聞其左眼流膿，珠子凸出，右眼障滿，則壞矣。從來外剝不至內攻，內攻者甚罕。此症得生亦千百之一二云。

朱應我治一人，二十三歲，痘出六日，延朱視之，舌上黑色罩滿，黑疔在舌尖之裏，如圓眼核大，面部有子粒而朗身亦布匀，而脚色尙不紫黯，急磨生犀角二三錢，入黃連解毒湯內，加石膏、竹葉、燈心。日大料三劑，舌黑色盡退，疔盡消。

平紅潤如常飲食亦進。至第八日正面漿五六分而胸背
漿亦來。朱以戚痘促歸。遂付之他醫。至十二朝夜煩躁呢
喃。延至十三朝而失尿遺屎之症頓生。十四朝始復迎朱。
至視之。則已倒臘碎鋪似爐灰色。挺卧如尸。口自言。手自
撒。胸背漿水清。兩手腕至臂皆軟鼈無神。痘粒比前似加
稠密。蓋腫退臂瘦而痘落。下故見密也。朱辭不治。後聞他
醫見其遺屎。卽進人參三錢。又見其譖妄。卽進犀角三錢。
此醫者手忙腳亂。而主人不知也。延至十六朝而逝。此雖
醫者之無法。然實疔之痘。從來未有如此之酷烈者。故伏
毒甚深。醫治一錯。豈不關人性命哉。

朱丹溪治一叟發熱而昏倦其脈大而似數與參芪歸朮陳皮大料二十劑而痘出又二十劑而膿泡成身無完膚又

六十劑而安

痘

徐仲光一兒痘出二三點于左右目胞下至五朝復煩燥發熱睡卧不寧其痘頂平濶大根紅有神乃感受痘之癟氣先發於外也若是正痘既少必尖突而無前症矣用升麻葛根湯二帖痘果復出勻朗紅綃前症悉平

一兒未熱先敷一點於唇上又一兒未熱先敷一點於左頰

一點於右額項平濶大俱五日身熱而復出痘勻朗而順
漿足收痂但報痘潰而不斂延至十四日而愈

一女先先敷一點於承漿項平濶大四日發熱痘復出稀朗
紅綻而順但報痘種連刻下膿成毒化而愈

兒先見一點於眉心至六日漸平塌如圍碁子大灰白無
神痒破煩熱痘復出勻朗紅綻爲順但眉心屬命門相火
毒先發于此相火受傷諸處雖順恐爲獨陰不化也漿

倒醫肢冷喘脹搐搦九日死

一兒未熟先標點於腰間又一兒未熟熱先見點於頸項又
有先見點於心窩或先見點於喉中者俱五六日而復出

痘勻朗紅綻惟母痘平塌灰白無神痘癰雖滿忽倒鴈嘴

脹而卒

一兒初標於山根形粗肥咸謂稀疎可必至三朝壯熱狂亂
母痘塌陷頤額隱隱徐謂山根屬脾雖粗肥形似饅頭乃
毒乘脾胃以人牙散入差活散鬱湯治之痘齊出稠密塌
痘復起用補中益氣湯。漿足結痂痘色乾紅少潤唇口裂
血腹脹便秘溺濇用滋養清解之劑便通安枕又口齦發
疳用清胃解毒湯加連翹。

萬密齊治朱大尹公子九歲發熱嘔吐曰痘也謂已出過痘
迹故在曰此水痘癰非正痘癰也又謂爲傷食曰痘疹發

熱與傷寒傷食相似。傷寒發熱，則面紅手足微溫。傷食發熱，則面黃手足壯熱。痘癰發熱，男則面黃體涼，女則面赤腮燥，其足俱涼。今公子身熱面黃足涼，乃痘也。經云：痘乃胎毒，五臟各具一症。發熱呵欠驚悸心也，項急煩悶肝也，咳嗽噴嚏肺也，吐瀉昏睡脾也，耳涼體涼足涼腎也。今脾胃素弱，毒乘虛，故發在脾。今但見嘔吐一症，熱纔三日，姑俟明日再議。次日以燈視之，皮下隱隱紅點，而唇邊已報痘矣。然順症也，問服何藥？曰：痘無病，不宜服藥，但適其寒溫，調其飲食。期十三日安後，果然。

雄渾金玉之言也

索希文子年十三發熱，腹痛煩渴，或作傷食治轉盛。曰：此痘

也腹痛者痘氣內攻也。煩渴者神不得安。津液耗散也。泄者解毒托裡不可緩也。不信五日後痘齊涌出未及起發乾枯內陷而卒。

雄按幼科每以發表爲家常便飯因而僨事者多矣

胡元溪子未痘問萬萬曰兒五嶽端正三關明潤骨堅肉實神俊氣清出痘必疎驗小兒痘瘡法後發熱作搐曰此佳兆也以辰砂散投之。搐止痘出曰凡痘瘡起脹未有頭面不腫者此症顆粒緊小必不大腫期十二日而安果然。

萬子邦孝四歲發熱卒驚而絕其母大哭曰此痘疹也乃摺合谷得甦與遵赤散瀉青散一服搐止痘出甚密幸無他病十三日而曆後又出疹而愈。

李氏子痘三四粒未起發而隱身亦無熱氣色昏黯精神倦怠謂此症必重日已出二三粒收矣曰不然痘出雖有輕重未有不成膿結痂者前者試痘其症爲逆身無熱伏在內也數日作大熱痘齊涌出身無空膚用參芪芎歸甘草節以養氣血荆防木通青皮牛蒡連翹銀花酒芩山梔桔梗以解毒作大劑日一服至十三日後遍身潰爛不卽收瘡改用十全大補去桂加白芷防風外用敗草散貼襯前後十餘日而安

王氏子二歲發熱出紅點一二粒額紋青氣面上赤光此險痘也先出者名試痘中氣不足毒氣隱伏故出不快也以

調元湯加防風木香服之後其痘旋出喜無他症十三日而安。

陳文中云淮東趙制幹子年十五歲身壯熱哽氣醫謂傷食與感應丸一服瀉二行仍壯熱又一醫言傷寒與小柴胡湯加枳壳其身不壯熱口乾足冷予曰始初身壯熱哽氣便是痘瘡之症口乾足冷者感應丸瀉致裡虛也身不熱者柴胡解得表熱也若加喘渴則脾肺虛而不救矣以木香散加丁香官桂各半錢二日進五服第三日瘡出第四日成膿疱口微渴人參白朮散一服又木香散一服十三日癰落而愈

費建中治韓太史孫周歲忽身熱而如焰昏迷不醒似驚非
驚而有痘象却屬火裡苗症非輕緩之所能治者以大黃
錢許石膏黃連佐以清透達表之劑連二服痘見勢亦減
半至三日頗稀明自起至終無甚風波而愈向非早爲之
計有不可知之變也

李捷用頭生雞子三五枚浸廁坑內五七日取出煮熟與食
數日再食一枚永不出痘徐都司得於浙人之方

順流丹治痘症陰逆當歸川芎升麻甘草各六兩剉粗末於
臘月八日取東流清水七大碗去渣將藥汁盛新砂鍋內
再選明淨辰砂四兩盛細絹袋內以線紮口懸繫藥汁中

約離鍋底一指以桑柴慢火煮至汁盡取出研細末瓷瓶收貯好用糯米半斤淘淨控乾水氣再以鹽滷和淨黃上乾溼得所包米爲團放炭火內煅合通紅速卽取出冷定劈開揀米粒色黃者研細末別盛磁瓶收藏凡小兒一歲足者用辰砂米末各一分分數依歲遞加不可舛錯白密一茶匙米湯半杯醑酒三匙共二末調匀以茶匙徐徐喂服未出者免出已見點者必稀陷下者片時卽起合藥一料可救數百人惟合時須靜室中焚香勿令雞犬陰宦孝服殘病疾穢病人見珍之慎之。

黑痘

房玄齡痘俱黑色如龍眼大一老僧見之驚歎曰萬龍含珠今得見矣

邱瓊山七歲痘亦遍身俱黑父憂哭一漁父燭之躍然曰紫垣中輔弼宿落於此田舍翁家取筆書輔弼二字於子背上而去

昔有一兒痘形俱黑色在日中視之則黑以燈照之真紅映內偶遇一僧不服藥以保元湯浴之卽轉紅活後至台輔一黑痘圓目光澤至漿時色如紫葡萄根圍血暈微黃色名

爲紫袍金帶

萬密齊治王氏子出痘起發時漸變黑已蔓延一身矣或謂痘變黑歸腎不治曰黑痘有二症一則乾枯變黑者此名倒陷乃邪火大熾真水已竭故曰歸腎不治一則痘色變黑不至乾場此疫毒之氣所謂火發而熏昧者也今此正類乃用當歸梢生地赤芍紅花以涼血黃芪人參甘草以瀉火補元氣酒炒芩連牛蒡連翹升麻以解毒荆防以疎表每劑入燒人糞一錢連進十三劑色轉紅膿成而癧李氏子痘起發時變黑而乾自發熱至今未大便曰此熱甚於內宜急解之制一方麻黃酒密拌炒黑紅花子柴草人

中黃連翹酒蒸大黃燒人糞煎服外用膽導法取下燥矢。
痘轉紅活后以四物湯去川芎加紫草木通枳壳生甘草
調理而愈。

黑痘多由疔毒今入此門者恐人誤認也。

徐氏子十三歲痘成膿漿將靨或謂變黑歸腎不可治視其
痘磊落膿漿飽滿神識清爽言語清亮惟大便五日未通
此裏實熱蒸故潰爛其色蒼黑亦正色也但解裡卽靨矣。
與四順清涼飲一帖下燥矢二十餘枚隨靨而安。

白痘

徐仲光治一小兒初標於右太陽乍涼乍熱色白脚癟瑣碎
細密初時發表卽用桂枝白芍以斂之其根脚平塌不起。
用震蟄丹酒漿桑蟲以發之五朝吐尙不止用藿香薑炒
黃連以安之六朝吐嘔雖止猶然乾枯少潤白芷黃芪山
甲以醉之七朝痘漿不行仍用前藥加入參八分別飲蓼
薺汁酒漿連用二日痘漿始灌正面而胸四肢猶是生痘。
咳嗽聲啞時值八朝勢急矣幸飲食肯進大便不瀉用人
參黃芪麥冬陳皮甘草川芎當歸紅花白芍前胡桔梗兼
調燒人屎催蟄丹三四分顛作良久而漿行遍身矣彼時
頭面俱已平乾至此復根生紅暈旁發贈痘瘍者疎而枯

者潤矣後因痰嗽特甚聲啞未開改用山豆根知母貝母
麥冬黃芩牛蒡連翹陳皮歸芍甘草日用柳條纏綿攬口
去盡喉中白繆別用燒人屎山豆根硼砂牙硝硃砂冰片
膽星青黛爲末與服三四日嗽止聲出而愈

萬密齋治汪氏子痘將膿灰白潰爛神昏不醒曰無傷但守
三日收瘡矣問不藥何以能痊曰瘡白者乃熱太過而白
如果熟潰爛之狀非虛也神昏者乃邪盡正回否極泰來
之兆非昏瞀也再俟三日則正氣復而痊矣果然

矯紅痘

徐仲光治一兒患痘五朝勻朗綻突但嬌紅嫩艷乃脾胃氣弱也至漿滿而不蒼老猶防泄瀉痒塲之患治以黃土水煎保元湯下參芩白朮散扶脾土固可免下陷奈俗醫因期在發漿之始恐參芩滲濕但以保元調理至八朝漿瀉四五次繼而倒曆煩躁二六而逝常驗此痘多至十二日而卒亦有於十四日而卒者

一兒痘症類前按法治之九朝漿清而曆結如麩幸能食便調發癰毒而愈

一兒患痘五朝嬌紅嫩艷或謂晃痘不能蒼老結痂視之見其肌色白嫩則皮薄嬌紅可謂無虞以保元湯加官桂白

尤調理而愈

一女周歲患痘，嬌紅初時，嘔吐溏瀉，身體諸處，勻朗天艷，惟
繞口四角，稠密一片。初朝用前胡桔梗僵蚕陳皮甘草川
芎木通山楂羌活二朝用前方去薑活陳皮加防風紅花
連翹乾葛三朝用桔梗川芎僵蚕當歸陳皮甘草山楂前
胡紅花丹皮連翹生地四朝用山藥茯苓歸身川芎甘草
白芷蜂房僵蚕桔梗陳皮人參四分五朝如前方只加參
六分六朝黃芪當歸茯苓白芷川芎蜂房桔梗甘草
人參六分夜服桑蠶酒漿七朝人參九分黃芪白芷當歸
川芎甘草山甲官桂二分至夜作瀉眼開倉嘔先吐白沫。

續名醫類案卷二十七

錢塘魏之琇編集

海昌王士雄孟英
定州楊照藜素園 同校

順症

萬密齋治羅野松年十六出痘或曰凡出痘者春夏爲順秋冬爲逆今冬出時逆也痘起發頭面要腫今被寒氣遏抑毒不得出故頭面不腫症逆也曰不然春夏爲順秋冬爲逆非以時言以症言也蓋春夏者發生長養之令也秋冬者收斂閉藏之令也痘本陽毒自出現而起發自起發而

成膿如苗而秀秀而實故曰春夏爲順如應出不出應發不發謂之陷伏故曰秋冬爲逆頭面不腫順症也頭浮腫者險症也頭面預腫者逆痘也今痘本磊落尖圓堅實其毒輕微故不腫若頂平根潤肌肉鮮紅此爲毒盛不待起發而頭面先腫矣或又曰起發太遲宜服溫補曰痘無病不須服藥此症紅潤鮮明表氣足也大小便調裏氣充也無熱無渴無他病也若補之謂之實實此症不十數日必收齷矣果不藥而安

雄案此乃千古名言

吳氏子五歲出痘起發時頂平而陷曰順症也凡出痘以氣血和平爲主尖圓堅實者氣也紅活明潤者血也紅活平

陷者血至而氣不足也圓實而色白者氣至而血不足也平塌灰白者氣血俱不足也掀腫紅綻者氣血俱有熱也今痘出卽密時日未到氣血未週以漸起發得其常也故曰順症不須服藥已而果然看痘之法盡此數語

氣虛

徐仲光治一兒痘初標於下頰、腎部也形平陷氣不足也少神血不足也六脈沈弱五朝尙暗色不起兩腿作痛便溏有氣凝血滯之象此乃氣虛脾弱之症宜大補中氣以補中益氣湯加蟬蛻肉桂薑活二劑而起脹繼以保元湯加

內桂陳皮調理八朝溏泄不已加木香調子肉蔻治之而愈

一兒痘起脹頂平而色淡白渴瀉肢冷喜熱飲經曰陰甚者飲沸湯而不知熱又曰大寒而盛熱之不熱是無火也治之宜益火之源以消陰翳用陳皮散異功散又八味丸治之而愈

一兒痘六日稠密形平塌色黑滯有擬雲掩天庭者有擬鎖項鎖胸者然形色雖逆而四肢紅活綻奕唇口紅潤起止安甯飲食如常二便調適雖毒盛氣血不足幸脾胃尚強宜補養而兼保固以補中益氣加紫草蟬蠅牛蒡等劑其

逆痘俱平漿破漏結痂發疔癰數處而愈之此亦氣虛血熱證用藥甚合

法

費養恆治一兒因內傷而吐。次日見痘甚密。一日絕無起勢。
鬆肌透表二劑不應。次日以保元湯加薑桂少許二劑亦
不應。三日加參芪至三錢四五日畧起。終頂陷囊薄七日。
加參芪五錢。鹿茸膏半盃。仍無沛然之勢。或謂邪得補而
愈盛曰果爾。則煩熱燥渴色蒼老磬紅安。今皮簿色白頭
溫足冷症可知也。乃以參芪各一兩。鹿茸膏大半盞。一劑
即綻突如珠。根紅頂白。不一日漿卽肥膿。其後收功不假
餘力是以補爲瀉之一驗也。今無是症矣。二句乃建中之言

卷之三

泉門

費建申治故友孫貞老子四歲庚寅暮春痘甚勻朗稀疎而
縱突其熱宜和其神宜爽乃躁亂乾熱頭汗如雨蓋氣熱
內擾邪火外爍也頭爲諸陽之首先賢謂毒參陽位者死
幸初見勢雖騰涌而毒尙未有定位耳大黃二錢黃連六
分石膏生地各三錢佐以地丁青皮荆芥蟬蛻木通山楂
三劑頭汗收熱勢減減石膏黃連加丹皮滑石牛蒡四劑
五朝仍壯熱紅暈如珠此痘起齊毒火盡外發也躁亂如
前而更渴大便日三四次前方復用石膏黃連倍加生地

至九朝漿甚老而乏滋潤。紅暈未淡。胃氣不開。熱亦未減。
寐亦未安。再服十二朝漸愈。救偏
瑣言

氏子一周痘稀朗且紅潤。乃身熱如焰。愁楚不堪。兼顆粒
不鬆。此內有伏毒也。以大黃六分。石膏生地各一錢半。荆
芥丹皮。山楂。蟬蛻葛根。青皮二劑。大便三四次。又二劑。熱
和神定。根窠亦鬆。宛然順症矣。有阻之者。遂勿藥。至八朝
仍熱。叫哭失音。頭面擦破。身上紫滯。幸未焦隱。前方倍大
黃。生地。黃連。減葛根。入大桑蟲。日二劑。以化毒丹調油。胭
脂如膏。藥貼之。次日痒止。紅活。又二劑。漿足。熱和。十二朝
用紅花。地丁。生地。牛蒡。荆芥。木通。甘草。連翹。山楂。漸愈矣。

痘初似順一有伏毒便至如此餘可知矣

臧氏子八歲患瘡僅存皮骨庚寅仲春見痘羸憊如此似宜
培補矣乃身熱如烙目紅如火燥渴不已溺血如膏椒紅
黯滯此裏毒挾烈火發卽內攻若不通變七日卽內潰也
以大黃四錢石膏七錢生地兩許佐以桃仁赤芍荆芥牛
蒡木通臨服和猪尾血一盞日二劑或三劑六日加黃連
自始至終一方而已約用大黃斤餘生地石膏二十餘兩
猪尾十餘碗良以毒火猛熾苟不滌除淨盡功虧一簣矣
痘後精神煥發飲食大進肌肉生長是以瀉爲補之一驗
也

張仲文子癸未仲冬忽身熱如火神卽昏憒舌刺如煤唇口
焦黑血斑無數溺色紅鮮內瞞筋惕有如驚悸宛然悶痘
斷非輕劑可挽卽用石膏一兩大黃五錢黃連三錢生地
一兩佐以青皮荆芥地丁丹皮天寒稍配蜜炒麻黃三分
薑一片以行之灌下卽嘔費曰毒火上衝水火搏激兩不
相下故耳十餘劑見痘及見則以數記唇猶黑溺血依然
至九日後黑退津生神氣漸省十二日溺血始淡胃氣日
開十六日全愈服過大黃十餘兩石膏生地約二斤是早
圖之一驗也

毒壅

附穢觸

徐仲光治一兒痘。紫色而不起脹。乃毒盛壅遏也。以紫草。紅花。蟬蛻。煎酒調獨聖散服之。又以犀角地黃治之。紅潤起脹而愈。

一見痘。六日稠密紫滯。平陷而不起脹。煩躁悶亂。亦毒盛壅遏也。但分珠脚歟可治。以人中黃。每服三分。酒調連二服。色漸紅活。又以犀角地黃湯加牛蒡。蟬蛻。痘綻突起。脹而愈。

一兒痘血熱重。初時純與涼血解毒犀角服過二兩。石膏五

錢一劑者服過五劑至十朝略用參三分托漿十二朝外
漿清癥薄用助托藥加棉蠶帶蛾者七枚糯米一合渴時
卽以麥冬糯米棉繭煎湯飲之又發水泡數箇漿疮暗長
灌爛遍身復用茯苓苡仁白芍黃連銀花甘草生地骨皮
山楂蓮肉木通連翹牛蒡荆芥而愈清熱過重故元氣不能充漿所以善治者
於清熱之時卽預爲異日催漿之地庶不至打成兩橛也

萬世用云庚申春家有頑童僅十歲患痘瘡症適僕寓鄉之
故廬聞報急歸視其疾不爲不急且傍有煎炒油膩欲避
莫能荷育溪曾世榮也療之恰七日瘡脹而光澤偶因舍下有
動廁穢觸覺色黯而神昏大爲驚懼育溪曰毋慮恐有除

穢藥投之必安、不數日果如其言、遂拜更生、用扣其所用、何劑、曰中和湯卽十奇散、如沈檀等劑而已、餘無他巧、幼心書

血熱

施季泉治臧玉涵次郎年十六、因新婚兼酒食、忽感痘、咸以爲不可治、至八日、漿清寒戰、咬牙譫語、神思恍惚、咸欲造保元湯大補之、施季泉以爲不然、改用犀角地黃湯得愈、脫痂後、嘔吐大便燥結、淹延一年、繆仲淳視其舌有烈文、曰必當時未曾解陽明之毒、故有是症、以石膏一兩、人參

一兩麥冬五錢。枇杷葉橘紅竹茹童便爲佐。一劑卽安。再劑膈中如冷物隔定。只以人參投之。服兩許。卽索粥食。晚得大便。夙疾頓愈。

孫生東治鄭黃門子痘血熱大盛。初起卽以犀角地黃湯治之不效。至用白芍八錢。一泄毒解。徐補收功。同上

家弟元著一發熱卽譖語唇腫齒黑。痘欲出不出。醫者以爲發班傷寒也。延仲淳季泉不至。予曰事急矣。以生地八錢。白芍五錢。芩連各二錢。稍加發藥。日三劑。勢稍定。痘漸次而出。又減地黃白芍之半。復於助漿藥中兼清涼之劑。九十朝漿始足。卒傷一目。醫後方大便。此真血熱也。若重用

解毒輕於補劑則目亦可以不眇矣同上

黃綺雲治一兒初痘血熱甚用生地三兩煎濃汁頻飲其痘

紫立轉紅色

同上

一兒痘毒盛又遇火令用白花地丁汁和淡白酒少許服之

立解

一兒痘稠密綻突但色紫暗壯熱煩渴譫語目赤便祕乃毒火亢極也以四順清涼飲加大黃六錢微利二度其勢稍減再劑服之又利二次病去其半再以前方加人參三錢前症悉平色見淡白精神疲倦邪雖去而正氣不足宜大

補之又以保元湯加芎歸芍尤而愈

一兒痘出夏月起脹而乾紅壯熱煩渴舌燥不眠溺赤此內外熱極也以黃連解毒湯合化班湯而愈

一兒痘值六月六朝痘痛煩渴氣急便祕乃心肺實熱也恣與涼水梨汁飲之前症悉平

一兒痘出，勻朗綻突，但枯燥而不肥澤，皮膚皺揭，皆屬於燥。經曰：燥勝則乾，治以養血清金潤燥之劑，又保元合四物加麥冬治之而愈。

萬密齋治鄒氏之子，五歲出痘，或以保元湯熱益甚，或以爲險，曰：此順症也，期十八日安，不須服藥，蓋痘不可以日期算，出已盡，發已透，膿已滿，而后收齧可期也。今痘出而熱

轉盛者出未盡也。由服保元湯犯實實之戒，故令出遲醫亦遲也。夫善攻不如善守，無他症，何以藥爲已而果愈？萬子婦患痘，大熱大渴，眼紅唇裂，自利清水，妄見妄語，循衣摸牀，遍身紅班如蚊迹，皆逆症也。此毒在三焦，表裏俱熱，非大發大下之劑不可救也。乃以通聖散全料大劑與之，一服而前症悉去，痘出甚密，復用十全大補湯去桂加防風、連翹銀花、桔梗調理而愈。其痘自下收起，亦奇事也。

一小兒痘後發熱，大小便難，瘡癩帶赤，或言虛，欲用保元湯，曰不可。此實熱也。因食辛熱之物得之，果因食雞而得以。

三黃丸而愈。

諸熱

徐仲光治一兒痘後千餘發熱臉赤色譫妄狂顛乃火從虛發也以保元湯加歸芍川連而愈

一兒痘後身熱減食面黃肌瘦右脈沉滑雖係內傷而脾胃則虛宜先調而後消之六君子加山楂青皮而愈

一兒痘癬後能食便祕身熱口渴乃胃有蘊熱也遲則變生三黃丸清胃湯利之而愈

一兒痘後夏令痞滿燥熱用巴豆下之心痞少解燥腸腹痛利下如爛魚腦強食卽嘔痞噦不已足肘痛舌赤濶濶此

乃傷元氣熱藥又傷之陰亡而陽獨存也

一痘後傷食過用剋伐致而黃少食午後潮熱用清熱劑更加泄瀉此中氣不足用六君補中益氣即愈

一痘後身熱煩燥面紅唇赤驚掣此熱傷風也由於衣被太暖或近火積溫成熱熱極生風以犀角地黃湯合導赤散而愈

萬密齋治徐氏子痘後發熱或用小柴胡湯竹葉湯黃連解毒湯皆不效乃與保元湯加當歸炒黑乾薑一服熱去

費建中治沈氏女周歲身熱如焚汗出如雨兩目傍徨如畏刀鋸以大黃四分黃連三分石膏二錢佐以青皮木通山

澄丹皮蟬蛻連二劑次日神色定放標數點磊落分明又
二劑熱和神爽稀疎頗潤更以中和之劑八日愈

吳橋治汪一龍幼而患痘方七日痘多而不起四肢皆涼痘
色如浮萍乾紅枯紫渴甚啜茶水日數十升水瀉不禁諸
醫皆以爲寒也遞以木通異功散獨參湯補之旣而下結
血數枚諸醫辭去橋至則以爲火症衆皆不然皆曰身涼
飲水多且水瀉不止卽有熱無傷也橋曰水瀉者挾熱也
身涼者熱厥也視其口則舌有紅班一黑班三語衆曰此
非熱而何遂大寒涼之劑投之一服得寐而渴止詰朝四
服痘色微紅活有神九日而起

太函

汗

徐仲光治一兒痘漿足盜汗此陰虛也用保元湯加浮小麥
治之而愈

一痘後盜汗肌瘦煩躁此陽虛也補中益氣湯倍芪加麥冬
而愈

中暑

曾世榮治衡陽侯自牧次子五歲盛夏泄瀉面垢煩渴耳尻
冷驚悸診其心肝脈浮而洪大肺脾脈虛而細數日面垢

渴瀉脈虛細數者此中暑也驚悸發熱耳尻俱冷用心脈洪大者此痘瘡欲出也先服黃連香薷散解利暑毒續投陳氏異攻散再加附子與之實脾二日瀉止三日瘡見不旬餘而全功此隆暑用附子之效也

幼幼心書

費建中治鍾氏小女痘值炎天受暑煩擾非常壯熱如焚痘色乾紅累日不起渴思井水僅與碗許便覺爽朗求之不止竟飲及二斗通身微汗神怡始快痘頓起色亦紅活終以清火解毒收功

渴

徐仲光治一痘漿足漸蒼老宜靜以養之。有謂脾主結痂，用異攻散加山藥白芍，喘渴身熱此實症而用補劑，內外皆熱也。治以寬中湯，又口齦發疳以清火解毒湯而愈。

一痘八朝漿滿，身熱而渴，咳有痰涎，火盛津液涸也。用白虎湯而愈。

一痘起脹煩渴不已，寒之不寒，是無水也。宜壯水之主，以制陽光。六味地黃丸料加麥冬、五味多服而愈。

一人十九歲痘六朝，勻朗綻突，淡白少神，渴甚不已，此虛弱而津液竭，以人參二兩、麥冬五錢水煎漸服，又以補中益氣湯加枸杞二劑，保元湯加冬芍歸杞九朝，漿足渴止，用

人參一斤而愈

一痘起脹乾紅焦紫根窠堅實便結煩渴用黃連解毒湯而
愈

一痘六日起脹形色順不食引飲此胃弱也調脾內托散治
之卽愈亦有毒壅而不食引飲者不可不辨

徐仲光治一痘八日漿半足熱甚引飲有用保元湯而煩渴
益甚余當倍加人參用人參二兩麥冬兩半煎成頻飲而
渴止此渴甚藥輕不能生津以自救也

一痘九日空殼無漿根血乾紅壯熱口渴與保元湯而渴愈
甚此腎水枯涸不能生火宜壯水之主六味地黃丸料加

人參當歸知母麥冬枸杞子菟絲子而愈

一新婚後出痘燥熱而渴與冷飲卽睡醒則復索飲不已時大冷大寒此亦腎水涸不能制火乃孤陽絕陰後雖行漿二三日而衆無陰則陽無以化正謂此也

雄案何以不投甘寒壯水之劑

一新婚後出痘燥熱引飲亦宜壯水制火用八味地黃丸料加人參麥冬五味子又用補中益氣湯而渴止熱減

一痘七朝潮熱口渴自利下臭穢陳積此脾胃熱蒸而下也雖虛而無寒以保元湯固中之劑而愈若用燥熱之劑如木香散禍不旋踵

一痘漿期壯熱煩渴舌乾口燥或疑津液不足與保元湯加

麥冬而熱渴愈甚。痘色焦紫。此症本熱而衣被火爐過暖。用補反助其熱。宜清涼以黃連解毒湯加牛蒡而愈。

一痘後熱渴能食。便祕溺赤。咽乾口燥。此心胃二經受邪也。

用白虎湯而愈。

一痘後口乾舌燥。咽乾食少。便調。此脾胃虛。津液不足也。用參苓白朮散。及參冬甘朮升葛。麥冬花粉。五味粳米而愈。一痘後口渴食少。小便數。此食傷胃氣。津液不生。故渴而溺數也。用補中益氣湯。加麥冬、五味而愈。

一痘黑陷黃色。不食。性好飲酒。順其性與飲紅綻而愈。

一冬月出痘。頂陷紫黑。飲食藥餌俱不用。以當歸浸酒與之。

而痘起脹收功

一痘火毒閉而形若死移乘外庭遇暴雨而甦此以水制其火也

一險痘熱壅索飲不已連與井水數升渴止而痘起

萬密齋治鄒氏子痘養膿時大渴不止議用人參麥冬散彼卽依本方修合曰瘡太甚津液不足之症白朮燥津液茯苓滲津液皆所禁也乃以本方去茯苓白朮加升麻生地花粉知母淡竹葉一服瀉止

萬氏子痘養膿時大渴不止卽用前加減方作大劑代湯飲之一貼而止

痛

一痘半出遍身作痛乃熱毒壅滯未盡外出故也。活命飲加蟬蛻而愈。

一痘漿足而痛不止此諸痛爲實也。用白芷、陳皮、甘草、牛蒡連翹山楂而愈。

一痘六七日痛不止此毒未化鬱而作痛也。非虛非實不須治之俟毒從膿化其痛自止。

癢

徐仲光治一痘初起作癧風寒外滯也升麻葛根湯焙荆芥穗熨而愈

一痘起脹淡白神少泄瀉口渴而癧此脾胃氣虛也補中益氣湯去歸加桂附糯米而愈

一痘成漿癧破是衛氣暴瀉津液不榮幸能食便潤四君子湯加菖芍橘復腫灌成痂而愈

一痘成漿癧破潰爛乃濕火并至也調脾滲濕而愈

一痘九日漿清作癧大補氣血而愈

一痘見七日至十三日癧塌木香散加丁桂回表裏而愈

萬密齋治鄭氏子痘將見形作癧不能禁日起發時作癧者

逆也。貫膿時作癢者，逆也。將醫時作癢者，險也。險者可治。
逆者不可治。纔見便癢，書無此症，因思仲景傷寒正理論
云：病身癢此邪在表，欲出而不得出也。桂枝麻黃各半湯。
陽明經病皮中如蟲行者，此肌肉虛也。建中湯今此身癢
正是痘欲出，不得出與太陽症同，非陽明肌肉虛也。乃以
各半湯去桂杏加升麻葛根牛蒡，一服癢止，痘出甚密，調
治半月而安。

雄案真善讀
古人書者

屠家子出痘，貫膿時請一巫誦咒噀水解厭後忽加瘡癢。痘
形平塌，其色青白而氣腥臭曰犯房室穢氣也。急令買膠
棗一斤燒烟熏之，痘轉紅活而癢亦止。問其故老巫他往。

而子代之有房事

胡氏女七歲痘初發熱兩手如燃物狀曰此肝病也經云其爲病也握宜平其肝以瀉青丸去大黃加甘草柴胡青皮一貼而握手欲再進一貼不聽曰凡肝病者多水泡而作癰宜止之未發之前旣不信七日後再議至六日盡抓破矣乃用保元湯加防風白芷二貼癰止再服著痂而安

施季泉治臧玉箇幼兒甫半周身熱一日卽見痘耑門云樹少花多頂平脚塌根窠薄百死一生之症也五朝固辭去藥以保元湯爲主擬六朝多用人參加附子疑慮間施至日此陰症且戒云必發癰異常須看守嚴密藥用涼劑與

前治大別七朝大發癢作瀉一日夜二十餘行或藥水或
乳或湯飲俱傾注不變色或謂必無幸矣施怡然自若因
強之用參必不許乃加炒黑黃連渴止十三朝復發癢口
渴唇燥舌生白胎又加炒黃連白胎去到底不用參十九
朝而別又戒曰慎防痘疔口疳疔之發也必在腦後枕骨
間當以收口膏貼之禁用滲藥口疳惟君家人中白散爲
妙不數日發疳如其言治之輒效廣筆記

疥癬

一痘感暑毒醫後頭發珠子因用香薷飲合犀角地黃湯加

荆勞服而愈

一痘後遍身生瘡忽自愈而喘脹搐搦此同倒陷論先用升
發使再作後用犀角解毒湯加人參而愈亦有用百解散
發爲丹腫者

一痘遍身膿瘍久而肌瘦潮熱此毒已外泄宜固正氣爲主
補中益氣湯加苡芍茯防銀花石斛外治水銀膏

一女十七痘後膿疥逢時卽發苦參四兩歸芍芍防荆芥白
芷牛蒡枸杞連翹蔓荆薄荷蕷丹胡麻首烏各一兩黃米
糊丸盡劑而愈

一女痘順十二朝成膿疥身熱煩躁此毒壅失解也幸正不

容邪以歸芍喬蒡芷防苡銀花治愈若失於解散多有損其肢目者矣

疔

徐仲光治一痘清漿結死四肢發疔數處能食便調見其脾胃強以內托解毒散治之潰出疔根用生肌散敷愈一痘清漿結疤便泄減食疔發二十餘處因脾胃虛弱正不勝邪毒反內攻解毒無效十四日頂陷而死

愚按解毒中兼補托藥未必無效

一痘漿足發疔數處壯熱煩渴便秘能食此有餘之毒未盡

以四順清涼飲治之而愈

萬密齋治朱大尹子痘至起發時頃後手背有二痘變黑者摸之則痛此痘疔也急取胭脂數帖水浸取汁塗之盡汁而止次日紅潤起發

汪氏子痘起發時有變黑者以朱公子事語之教取胭脂汁塗之不聽後一身盡成黑痘而塌復出一層又塌如此者三而卒

汪氏子八歲痘起發時有黑枯者此痘疔也用四聖散胭脂汁調銀針撥開瘡頭塗之卽轉紅活亦不蔓延數日後應收不收問之不便七日矣知其腸內燥結取豬肉爛煮和

汗與食腸潤便通旋收醫鄭氏子症同以前法治之而愈此病皮內不活根脚不腫者死若起發有水頂平而黑內服涼血解毒加燒人矢外用胭脂塗法若便祕得之裏熱內服四物湯三黃湯外用胆導若泄瀉此寒虛也用保元湯加木香桂如盡乾枯煩燥悶亂者不治

水泡

附膿

萬密齋治李氏子一歲出痘起發時都似水痘曰痘乃胎毒五臟各具一症肝爲水泡肺爲膿泡心爲班脾爲疹腎爲黑陷此乃肝臟之症喜皮內厚堅而色蒼蠟若皮薄色嬌。

不可治也。乃以四君子湯加黃芪、防風、牛蒡，母子同服十
三日安。

梁大尹公子出痘，起發時多成膿泡。曰此險症也。治晚矣。越
二日癢作而殞。

鄭氏子九歲出痘，起發時額上兩頰皆成膿泡。曰逆痘不可
治也。痘症自有次序。初出一點血化爲水，水化爲膿，成而
毒解矣。如苗而秀，秀而實，今方苗而秀，恐早發還先萎也。
七日後更論，未及期大癢而死。

火斑

一兒發斑身熱口燥舌乾化班湯及小柴胡湯加黃連而愈
兒發班狂煩面赤咽痛梔子仁湯治愈

一痘後發班紫色身熱便祕退於溫補也四順清涼飲及解
毒化班之劑而愈

一夏月發班咽痛升麻葛根元參甘草桔梗牛蒡子治愈

一發班因以胎毒治以犀角地黃湯砭去惡血而愈有用犀
角大青犀角解毒湯

一發班紫色煩躁便祕渴赤此毒盛也用黑奴丸而愈

一發班赤色腹脹便祕此內傷也調胃承氣湯下之反肢厥
脈沉附子理中湯六君子湯治愈

一夏月發班由於暑毒用化班湯合香薷飲而愈

一夏月發班勢盛狂煩此瘟毒也用五瘟丹黃連陳皮湯治之而愈

一發班身熱頭疼咳嗽由於風熱芩蘇散葛根湯而愈

一痘出班如錦紋而間有顆粒色赤壯熱煩燥舌胎便祕此班疹並出調胃承氣湯又用白虎湯合葛根湯而愈

萬密齋治羅氏婦年二十七歲出痘遍身紅班如蚊迹咸謂

不治視其神識精明語言清亮診其六脈調匀問其飲食

如常大小便調不煩不渴但遍身紅班稠密無縫色且艷

曰此夾班痘也解去其班則痘自見以荆防敗毒散加元

參升麻作大劑一服次早班退痘顯再一服痘起發調理半月而愈

本邑各衙出痘先二衙二子一女長子後發熱見紅班疑是
交班症三四日後其班盡收熱退身涼痘不出又四衙眾
出痘一子發熱亦出紅班亦亡恙乃信人言有不出痘者
或發班或發疹或發水痘皆可折過也必在正出痘時方
論以上皆徐仲光所治而言之者

夾疹

一疹後報痘不易長大乾咳連聲不續此過於發散也保元

湯加貝味甘桔橘紅而愈

一疹後出痘失於解散咽喉腫痛聲啞水滯飲食不進倒嚼而死

一疹後痘出三日痰咳嗽急亦失於解散甘桔蓼膏陳枳壳蟬蛻蘇子疎邪解毒清金而愈

一兒身熱咳嗽疹出隱隱以藥發之而不見不沒此風寒鬱而不散此癰疹也非正疹論芩蘇散治愈

一兒痘出數顆而夾疹遍身圓朗紅活兩日盡沒有識者曰虛沒者必悶亂煩躁此却安靜且正痘宛在乃疹沒非痘伏也以劑調之而愈

一痘報點粗肥有紅盤間有細密隱隱者此水痘夾疹也內
症安甯但表邪宜散葛根湯加荆防翹芷二劑而愈
一水痘不膿而乾枯身熱煩燥此失解同於倒陷也治以葛
根湯加荆芥防風連翹牛蒡子木通蟬蛻遍身發紅點此
餘毒散也又用荆防解毒湯而愈

萬密齋治一女二歲出痘遍身紅點大小相雜無空處此夾
疹夾班痘也以升麻葛根湯加荆防元參翹蒡淡竹葉木
通一服減再服再減三服痘顯而愈

夾丹 夾瘡

徐仲光治一痘，匀朗容易肥大，淡白少神，煩燥不甯，因頭上素患肥瘡，太甚耗洩真氣故也。先用白芨膏紙封頭瘡後，用保元湯而愈。

一痘正面匀朗綻突，少神，身肢平塌，色暗，因手足膿疥，踵痛洩氣故也。恐漿雖滿，不能收功。用保元湯加菖、蓼、葛、芍、歸甘陳防桂丸調理而愈。此症雖補而不保脾，則必致泄瀉而不能收功。

一痘醫後，手陷瘡瘍，遂發血風瘡，用苦參梔、翹、防風、獨活、苡仁、黃芩、蜜丸服，并灸風池三里二穴，各五七壯愈。

一痘出膿疥後，見其疤痕黑大，有似痘疔，須審頭面痘，顆明

曰初起疎散涼血七八日後根窠紅黑不消亦宜涼血解
毒一二日根窠淡紅宜生血補劑愈

一兒痘三日耳前紅腫如桃用葛根湯加荆芥防風桔梗牛
蒡而愈

一痘勻朗紅潤左腮腫塊青紫熱甚煩燥此痘先塊后名鬼
捏真惡候也急與紫金救焚散而愈若此症治遲必毒攻
於心發驚竄而死

失 血

徐仲光治一痘發熱時衄血宜發之用升麻葛根湯加荆茅

而愈

一痘四朝吐血痘陷淡白煩躁譫語妄言肢冷身涼此血熱毒壅未盡卽服涼藥攻伐之故今血脫毒解而虛矣宜先益氣保元湯加薑附芎歸蟬芍糯米而愈

一痘正起發而便血怠惰減食作渴肢冷此皆脾虛也四君子湯加升橘炮薑而愈

一痘八日根窠赤腫脹滿痛煩渴飲冷便下黑血此熱毒內蘊也犀角地黃湯治愈

一痘收癰便下紫血此脾弱而熱傷陰絡也歸芍六君子湯加炒黑荆芎又獨參湯治愈

一痘收癰身熱咳嗽血痰聲啞鼻衄此火刑肺金黃連解毒
湯加麥冬犀角丹皮知母牛蒡而愈

一痘癰後咳嗽不已此毒鬱於肺清金開鬱解毒而愈

一痘癰後便下紫血此毒鬱滯下鬱金五錢牛蒡一錢每服

五分燈心湯下

一痘後溏泄屎後下血此脾弱也用異攻散加升麻地榆黃
連小柴胡湯而愈

一痘後血淋乃熱結下焦也柏知通地小薊根藕節歸滑甘
草稍竹葉服愈

一女六歲標點吐紫黑血甚多然而唇舌滋潤形色俱順神

續香齋醫案卷三
甯氣旺，竟無恙。因女之父素有血症，乃遺稟非毒也，故不解毒不補脾而收功。症雖險而症與神自順也。未可以見點吐血紫黑爲死也。

萬密齋曰：里中林霄年二十餘染痘初發熱小便下血。予聞之曰：不可爲矣。或問故曰：乙未春祁水桃村劫徐氏出痘死者十八人皆小便血也。霄越三月殞。

傷食

萬密齋治李氏女痘膿成將膿忽腹脹且痛氣喘呻吟曰瘡既胖壯膿又飽滿其脈弦滑此非痘毒乃傷食也。詢之因

食雞肉糯米飯曰宜急下之或謂痘瘡首尾不可下恐虛其裏不醫也曰病不執方藥貴對症有是病則有是藥下之無妨遂以原物作湯吞丁香脾積丸得利而安

金氏子痘成膿時忽腹脹作痛氣喘煩悶其痘光壯飽滿非毒也必會傷食果因麵食過飽亦用前方法得利病稍定再用錢氏異攻散加青皮山楂一服愈

費建中治嚴孝廉子六歲丙戌仲夏見痘乾紅色溫頂陷不鬆身熱如烙煩躁不甯按其腹膈愁痛口喫腐氣此毒火內伏中宮停滯也以大黃二錢青皮錢許蟬蛻荆芥赤芍紅花地丁用山楂一兩煎湯代水連二劑下宿物甚多痘

頰起色焮赤，前方加黃連，生地漸放白成漿，第熱未和，前方服至十二朝始收功。

費建中子二歲，孟夏見痘，壯熱昏迷，乾紅稠密，然得分珠，亦不脚塌，至三日絕無起勢，氣粗煩悶，轉矢氣極臭，因痘前食一芋頭圓子，重以枳實、山楂、桔梗、前胡、廣皮、麥芽、赤芍、蟬蛻、牛蒡去結屎甚多，卽起發紅潤，後雖甚密，幸獲收功。施氏子痘始事者，極其升發，四日不起，狂煩叫喊至啞。目時上竄，視其根窠尚在，但稠密攀紅，頂陷乾滯，身及涼按其胸膈手足皆起，診其右手寸關洪滑而實，此內積重而閉塞也。以枳實五錢青皮前胡各三錢桔梗五分佐以荆芥，

蟬蛻用山楂二兩煎湯代水連夜進兩頭汗次午又進一
劑下午去宿垢極多猶有雞肉未化者將晚又行一次卽
頓然起發神安身大熱色未轉以得通達火毒發見於外
也改用涼血清解色漸紅活漿漸肥膿而收功

寒戰咬牙

徐仲光所治痘症甚多

下皆其神效者也載之

一痘六日不起脹寒戰咬牙腹脹氣急用奇攻散補中益氣
湯而愈

一痘初發熱時惡寒身振動此邪正交爭欲出不出也用升
麻葛根湯加人參防風桂枝山甲及補中益氣湯調理而

愈

一痘未出齊而手足搖動以異攻散投之而更甚此假寒實熱木氣太過而兼火化也宜平肝制火升麻葛根湯加川芎柴胡防風而愈

一痘發熱時咬牙兼鼠視乃心熱甚也用升麻葛根湯合導赤散服之而愈

一痘發熱時悶脅咬牙此肝熱症也薑活湯加葛芍服之而愈

萬密齋長孫二歲染痘發熱三日內寒戰似瘧其父泣曰死矣萬笑曰爾爲醫救人病如篙工然忽遇風浪手足自亂

何以濟人此兒元氣充盛毒氣微少邪不勝正作寒戰而退試觀其痘必少也果止五七粒七日愈

一兒初發熱便咬牙憂憂有聲精神昏憒此逆痘也乃腎虛症蓋腎主骨齒者骨之餘腎水不足則毒火無制火氣煽動故上下相憂有聲陳氏所謂槁者是也果卒

一兒痘甚密曰此兒脾胃素弱當用補胃之劑使血氣旺而痘易成就也不聽至成膿後過期不癧遍身潰爛坐卧艱難不能自任非牙失音悉具曰此戰乃遍身潰爛坐卧艱難不能自任非鼓頷寒戰也咬牙者齦瘡瘻相憂而鳴非神昏鬪齒也失音者欲得肉食不與之日夜啼哭得之非咽喉爛瘻也用

調元湯加白芷防風暗入熟附一片三劑而安

寒折

徐仲光治一痘五日形色少神腹脹喘急腸鳴肢冷或擬內傷者或擬陷伏者殊不知內傷者按必痛陷伏者必煩悶今便利安甯而虛鳴者乃陰陽二氣不和傷冷之症或服涼藥也經曰中虛不足則腹滿腸鳴以理中湯加木香陳皮官桂等疏逐冷氣諸症悉平又以補中益氣湯調理而愈

一痘因春夏久雨爲寒濕之氣所侵不能起者五苓散加蒼朮

尤防風多服之佳或平胃快班湯

松江黃綺雲療徐氏兒痘兒幼遇冬月痘不起熾炭圍爐抱

兒火邊以酒漿搘火火氣熏兒痘立起發

廣筆記

費建中治朱氏子痘稠密乾紅或以色滯便用清火兼升發累日不起見其鼻流清涕身涼且靜時在春初寒風凜凜此熱毒輕而感寒重毒火爲外邪所閉也以溫肌透毒散陳皮枳殼荆芥連二劑身漸暖頓起發次日鼻塞眼封而痘發煌身漸熱清解治毒調理收功

一兒痘稠密不鬆眉愁腹痛不寐毒盛也蒼白乾滯涕吐稠黏頭溫足冷邪閉也急疏風攻毒四朝體漸熱痘漸起色

續名醫錄卷三十一
三
漸紅活但筋脈時惕以活血驅毒而愈

一兒痘三日目紅鼻塞歎涕甚濃氣粗熱壯痘甚稀色滯乾紅無甚內症。以荆芥穗葛根前胡黃芩牛蒡木通丹皮蟬蛻青皮赤芍三劑起發沛然六日肥綻順紋收功。

厥逆

徐仲光治一兒痘四日溏泄無度四肢厥冷痘點隱隱其瀉已旬日此脾虛也以附子理中湯數劑瀉減肢溫又以補中益氣湯加肉果官桂瀉止後竟用補中益氣湯調理而愈。

愈

一兒痘九日色灰白溏泄厥逆氣憊陰陽不相順接四肢爲之厥冷也用陳氏異攻散而愈

一兒痘過期不歛便溏安靜四肢少溫但脾氣不足用參附芩陳甘芍山藥木香肉果治之破損不成痂而愈

一兒痘七日肢厥減食乃血熱而過服涼劑以致冰伏也保元湯加丁桂炮薑而愈

一兒痘六朝綻突焦紫煩躁悶亂喘促厥逆乃陽毒陷伏厥深熱亦深也以四順飲行二次諸症悉平又清解之而愈一兒痘四五日毒已盡形色無神二便自利四肢厥冷腹脹發噦裏氣虛弱也稍遲則胃氣脫矣急以理中湯連進二

服內氣一暖痘卽發光紅活四肢溫暖又以補中益氣湯
加丁香嚥止而愈

一兒痘癧後自言手足冷及按之而熱夜卧不安經曰外熱
而內冷者脾弱也內熱而外冷者胃弱也夜卧不甯脾陰
不足也用歸脾湯而愈

一兒痘後手足厥冷乃脾弱不能旁達四肢用保元湯加當
歸白芍附子炮薑而愈

目三

萬密齋治汪氏子痘癧後忽然悶絕目閉口合令作調元湯

加麥冬濃煎灌之又與粥湯遂愈此正氣素弱邪氣方盛壯火食氣氣益弱矣今邪氣既退正氣將生乃否極泰來之兆所以戒勿擾亂待其自蘇人不知此卒見悶絕或呼喚抱持神氣一散不救者多矣或謂恐有餘毒曰餘毒有三一曰瘡二曰癰三曰目赤未聞有昏瞀也凡痘瘡或出不盡發不透或空壳無水或清水非膿則有餘毒今起發胖壯膿聚飽滿何餘毒之有哉

驚搐

徐仲光治一兒卒仆驚搐甦而復作此風寒壅毒也紅棉散

治愈一兒驚搐誤以驚藥涼其心痘不得出而死

一兒初發驚搐以升麻葛根湯加天麻鈎藤木通蟬脫枳壳
痘出而愈

一兒見點發搐此心血虛而客邪以四物湯加茯苓遠志石
菖蒲棗仁蟬蛻而愈

一痘初點驚搐不止此心脾虛而血少失治十朝而卒

一痘出二三日驚搐此毒不透心經有邪導赤散加蟬蛻黃
連紅花天麻鈎藤石菖蒲而愈

一痘出未盡驚搐且溏泄肢冷異攻散四劑而愈

一痘癰期驚搐不止安神養血丸而愈

一痘後驚搐吐瀉肢厥目直痰鳴此中氣不足補中益氣湯爲主兼醒脾散附子理中湯下至聖保命丹而愈

一痘後驚搐氣促痰喘口開目直一便閉濇此類急驚乃風邪有餘症宜清涼解散瀉氣以天麻抱龍瀉青丸治愈
一痘後過食白果驚搐痰壅目直腹脹喘急此氣滯生痰甘草湯薑湯漸與服得吐瀉而愈不可以風治之也

煩躁

仲光所治

一痘未出齊色赤壯熱煩躁清解之而益重此反承其毒也宜升解之升麻葛根湯加桂枝牛蒡紫草而愈

一四朝順痘煩躁不食毒未盡也升根葛根湯補中益氣湯而愈

一順痘日夜啼哭不止此不勝火熾刑金也瀉青散導赤散加黃連而愈

一痘少淡白不易肥而煩躁真氣弱也棉紙搓軟白芨膏封痘眼保元湯而愈

一痘後夜卧不甯此胃不和而衛氣不得入於陰也四物湯加遠志棗仁龍眼肉及歸脾湯而愈

一痘後身熱午時煩躁解毒清熱而愈

一痘六朝不起乾紅煩躁此毒壅也過用保元湯而反悶亂

焦紫乃以枳壳湯先解參芪之滯犀角地黃湯加蟬旁紫草清其壅滯之熱七朝痘色正後以保元湯調理而愈
萬密齋治邱氏子痘正作膿瘡癰煩哭其面磊落紅綻膿漿未熟兩頰先紅乾皮肉硬曰左頰屬木肝也肝主血藏魂左頰屬金肺也肺主氣藏魄兩頰木硬氣血不榮魂魄不靖所以煩哭也請藥曰欲解其毒則中氣反傷欲補其中則邪火正盛不可爲也是夕加煩而死

譖妄

徐仲光治一痘起脹色焦枯譖語此火亢極也以退火回生

丹無比散治之而愈

一痘密聚其色白昏睡譫語此血虛也保元湯加歸地芩冬
茯苓棗仁

一痘後午餘發睡面赤譫語此火從虛發也保元湯加歸芍
川連

萬密齋治胡三溪子痘時常以手自掩其面身下縮頻呼曰
我怕若有所見者曰逆痘也經曰腎敗者失志目中見鬼
死不治錢氏曰腎病則下竄此痘發於腎不可爲也果然
一婦年二十餘發熱五日痘不出常起摸牀壁昏不知人口
喃喃不休曰死症也果然

周璜子年十三染痘發熱五日痘不出發狂譫語已進保元湯三劑矣曰誤矣犯實實之戒也凡痘發熱之初驚者平之渴者潤之吐利者和之便祕者利之熱盛者解之如無他症不須服藥今此子元氣素厚飲食夙強乃以保元湯助火爲邪毒氣鬱遏至於狂妄熱已劇矣宜急下之與三黃湯得利而狂止痘出至十七日屬治痘之法
蓋此數語

汪少溪媳染痘發熱顛狂曰熱極矣當速解之乃作三黃湯與服得利熱減神清痘出而安

徐氏子年十七出痘至膿將醫忽發狂妄語起舞或毆人罵人皆平日仇恨者一身之瘡盡迸破所禳不效乃用安神

丸百粒作二次服良久始省問其所爲殊夢夢也

喘而急

下亦徐仲

光所言

一痘稀數少神起脹時泄瀉而喘此氣虛也。補中益氣湯加肉果而愈。

一痘漿足痰喘便實此肺熱過於補也。枳殼湯加連翹牛蒡、腹皮瓜蔞而愈。

一痘收醫原瘡喘急腹脹因能食非倒醫也保和湯愈。

一痘漿灌喘急用荆防桔梗枳杏冬貝橘紅炒鹽竹葉而愈。
一痘喘急用白花地丁水煎服卽止如神。

一痘後齁喘久不愈蜜炒麻黃半夏桑皮欬冬花各一錢白
果肉五個煎服數劑愈一云有甘杏芩蘇子更妥

一痘後喘嘔不已用長流水揚百遍煎清上之藥愈

一痘後喘急聲重客水侵肺也蜜炒麻黃桂枝杏仁車前草
芩甘草愈

一痘後痰嗽喘嘔用阿膠糯米各一兩牛蒡兜鈴各三錢杏
仁三粒甘草五分丸服愈

一痘後泄瀉喘急此肺虛也人參一錢五味二錢煎服而愈
一痘後痰喘不已火侵肺也用芩連枳杏甘桔花粉柴胡煎
服而愈

一痘八朝俱充灌。因暑月汗多解衣。熱爲邪抑。急咬牙喘瀉。一晝夜頰上有倒靨。先用蘇防杏枳青皮陳皮芪朮草貝前蠶。得微汗喘緩。次用震蟄丹三分。隨以大青丸三丸。小青丸五丸。大靈丸三丸。連進二服而愈。

萬密齋治程氏子未一歲多笑。知其心火有餘。令以川連、山梔、辰砂爲丸服之。三日後笑漸少。隨染痘發熱。忽作喘喉中涎響。汨汨有聲。此肺熱症。幸不肩息作冷。乃作清金散湯。一服而減半。再劑而喘定。如不知則殆矣。

咳 敷

一痘五朝。勻澤紅潤稀朗。頂平陷痰嗽甚。此傷風失表邪客肺經。但膿期患此。難於補托。用甘桔前芩桑杏橘蘿而愈。一痘七朝不易起。脹喘咳嗽吐食。此毒壅也。清理解散而愈。

一痘收齧厚而乾黑。身熱咳嗽。風寒客肺也。麻黃湯愈。

一痘收疤。咳嗽咽膈不利。用甘桔翹防蒡陳皮射干元參輩味鈎藤而愈。

一痘後傷風咳嗽發熱。用解表藥反汗喘用二陳湯加桑杏山梔反加搐搘。此脾胃虛弱也。用補中益氣湯加麥冬、五味鈎藤而愈。

一痘痰嗽。諸藥不效。用黑散子而愈。

一痘後咳嗽連聲不續。痰鳴欲絕。嗽罷吐白沫面唇白。飲食少不得卧。此虛而攻肺下痰過劑也。小異攻散加霍半夏粉。冬又用人參清肺飲而愈。此救子益母之法也。

一痘後咳嗽吐膿腥臭。胸中隱隱作痛。右脉數滑乃餘毒在胸作內癰也。用橘貝甘桔芩合翹蒡知蓼防已并蒸百合服愈。

一痘久嗽不已。腰背痛。此腎咳也。地黃湯加麥冬五味子而愈。

一痘十二朝咳嗽旬餘不止。服發表化痰藥多反吐膿血。此脾肺虛重傷真氣成肝癰也。用桔梗湯而愈。

萬密齋治陶氏子痘將癰咳嗽喘急用甘桔湯加麥冬牛蒡
末效此肺有火邪火鬱宜發之乃去麥冬加紫蘇地骨皮

一服而安

嘔吐噦

下皆徐仲

光所言

一兒年十五血熱毒重而無顆粒正額畧見分珠而又稠密
唇焦口腫舌有黑刺大熱大渴先用薑活湯調下催蟄丹
退火丹雖起發嘔噦特甚用芩連荆防翹蒡查蟬犀角紫
草石膏大黃二劑痘乃稍潤又加芎歸冬知甘桔生地丹
皮紅花元參痘漸滋長嘔噦漸止八九朝復嘔背痘平塌

仍用葛歸芩連蟬翹防薑蒡陳藿石膏黃土澄水煎服隨以桑蠶漿雞腦各二個入催蟄丹震蟄丹各五分至夜狂躁作渴以陳冬米麥冬煎湯頻飲至天明熟睡痘轉而起灌矣但大便溏數加芪朮渣橘炮薑人參三四分調理而愈

一兒痘成漿倒陷吐噦不止急用攻發藥以起其痘於安胃藥中加參芪黑薑陳米白朮黃泥澄水煎治愈

一兒痘擦點噦吐面色枯口唇焦胃氣已脫毒不出三日而死

痘六朝勺朗光澤外症順而胃氣損聞食則噦漿雖滿不

能收拾蒼老變倒醫而死吐蛔者更重

一痘後煩渴乳多則吐身熱喜涼此餘毒在胃竹葉石膏湯治之而愈

一痘後噦腐或有用香砂丸剋伐太過遂變泄瀉而死

萬密齋治一兒痘本輕因傷食腹痛而嘔用平胃散加砂仁

藿香葉煨薑而嘔止

一小兒因食生冷傷脾胃而嘔痘變灰白用錢氏異攻散加砂仁丁香桂而嘔止

一小兒痘甚密喉舌都是將閉時喫水嘔食雜膿血痂皮痰涎而出用甘桔湯加牛蒡頻呷之調理而安

卷之三
一小兒膿成將齧忽作乾嘔雖飲食常自嘔嘔其痘不作膿
不滿頂曰此逆痘也乃誦木陳葉落絃斷聲嘶之言以告
之後失音悶絕而死

庠生余光庭年十九出痘膿成將齧忽作欬逆卽嘔也又名餽逆脈

促而代或謂咳逆者惡症也促代者怪脈也痘瘡順正飽
壯明潤何以得此曰咳逆三症一曰胃寒二曰水逆三曰
胃敗皆與此不合經曰諸逆衝上皆屬於火此火炎上之
象乃問其大便如何則自出痘至今七日未更衣曰此燥
矢壅塞下竅不通火炎上竅故咳逆耳促代之脉得之氣
逆脈亦逆矣以猪膽導之下燥矢欬逆卽止而脈亦調匀

而起

吐瀉及蛔

徐仲尤治一痘不見出吐瀉不已服升發益盛此虛症宜溫補藥升發以透肌散六君子湯加升蟬薑桂陳米棗而愈以其熱靜痘嬌也若執痘未齊而不補真元反致伏陷矣一痘後吐瀉類霍亂此外感兼內傷也藿香正氣散藿香五芩散因兼暑食加味二陳湯治愈

一痘後吐蛔乃氣血虛無穀氣以養蛔求食而出也二陳湯加連翹連棗薑芍而愈

一痘起脹吐蛔乃胃熱而久不能食虫爲熱迫但聞食氣則上湧出安蛔湯而愈然多有不治者雖痘勻朗衆半足若久不食而服劑不止者土虛而木乘之必至腫消目閉倒陷而死

費養恆治馮憲副孫痘兩日稠密無縫皮薄色淡身涼而靜睡不合目而困倦面光白吐蛔數條俱已死此虛寒而隣於逆者也以保元湯加芎歸玉桂山甲數劑絕無起勢乃加參三錢芪五錢熟附五分日二劑六日漸起色漸紅囊漸蒼老肢體亦暖參芪更加重附至七分幸不瀉又加熟地膏半盞鹿茸膏數匙十日漿肥膿成神爽寢食俱安十

四日收功。因痂乾燥防餘毒以參歸化毒湯重入忍冬膏
調理而安。

費建中治姚氏子秋夜忽吐瀉三十餘次。口不能合。兩目失
神。身不熱。痘齊湧出。甚細密。僅得分珠。顆粒圓滿。却如水
泡。有頂無盤。乃劇虛劇寒之症。形象固逆。幸氣血未離。疏
通之劑。斷不宜用。卽與保元湯加白朮。木香。當歸。熟地。訶
子等服。至六日如常。乃倍參芪。加鹿茸。肉桂。至八日。身得
溫暖。瘡囊覺厚漿水及半。而不蒼老。前方去鹿茸。肉桂。訶
子。加白芍。茯苓。銀花。神爽。進食而瘥矣。虛劇之症。補之不
足。尙可散乎。但今無是症矣。

泄瀉

一兒痘瀉投以升濬藥不效黃綺雲用白芍藥酒炒三兩煎服一劑卽止此脾虛有熱也

分字相虛字
誤
子書解元用
鴉片半分不差

一兒虛寒痘將行漿時作瀉用炒蓮肉去心一兩真鴉片五分共末白湯下兒小者三分大者五分瀉立止虛痒或虛煩燥不止亦如之若係大熱泄瀉者不可用也

同上

一血熱痘兼氣虛先用解毒藥毒清矣忽瀉日數行不止痘漸平塌繆仲濟以炒蓮肉五分真鴉片半分米湯下立止王宇泰復用人參二兩黃芪三兩鹿茸三錢煎服補其元

氣漿頓足而出愈蓋因其先解毒盡故可補而無他症起

也同上

一痘脾虛作瀉用蓮肉六兩參芪五味山萸扁豆各四兩白朮三兩棗肉爲丸薑湯下此方移治老年腎虛脾泄瀉更效

一痘密毒重起發亦透八朝但頭面胸背膿漿手足止有清泡有用參芪米桔翹蓮蠶薯卽痰喘不食身熱而嘔大便頻頻失屁急加歸芍渣陳砂冬防朮元參石膏山豆根及便製人參兼用牛黃抱龍丸八寶丹連進二三劑四肢漿足以後去人參只用清解藥而愈

一痘起脹時忽瀉痘色赤而稠根窠堅突便祕六日矣此血
熱毒壅正宜瀉去其毒治法只宜清解主人恐瀉耗其元
氣用豆蔻丸保元湯加肉果官桂等癥雖收而目腫赤四
肢發癰始悔而用清解病根已深竟損一日廢一肢此痘
有同是熱瀉而用犀角地黃湯加木通桔梗川芎提之而
順愈

一痘早起泄瀉飲食不化此脾胃不足四君子湯加補骨脂
肉果又朝服四神丸夜服參芪白朮散而愈

一痘隱隱不見面白神疲微熱殞泄此脾虛不能送毒也異
攻散加木通芩升歸陳米瀉止痘發補中益氣湯調理而

愈

一痘後瀉藥食俱不化此脾虛也用參苓白朮散阿附丸而漸愈

一痘後泄瀉不已此脾虛也四君子湯加升防肉果及肉豆丸而愈

一痘後羸瘦枯槁溏泄不已或謂脾弱理中湯小異攻散六君子湯皆不效知其乳母弱乳薄故也令易乳而安

一痘溺赤溏泄如糜腸中熱則瀉黃如糜此前燒積熱也以五苓散加車前黃連神麴麥芽山楂而愈

一痘後傷食傷暑而瀉四苓散合香藿飲加神麴麥芽山楂

而愈

一痘未出盡利下赤白此血熱痘壅有積熱也以葛根升麻
湯加芩歸渣麥蟬蛻稍減面目赤渴數犀角地黃湯補中
益氣湯治愈

一痘暑月六朝而利下膿血壯熱煩渴此毒留大腸三黃丸
兼補中益氣湯而愈

一痘同而不治痢久漸倒陷二七而死故曰險者治之

一痘醫期而利水穀不分完穀不化參芩白朮散芍藥獨參
湯治愈

一痘後利下蛔虫此熱迫之也芩甘半芍烏梅川椒薑棗治

愈

一痘後患利裏急後重面黃不食間藥食則嘔此病邪雖實而胃氣受傷多矣當先補後攻小異攻散加芍藥而噦止進食次以木香枳榔丸去積盡服調中湯而安

一痘臘月瀉數日而後標點患痢無度用升發藥不效痘色淡白少神脈浮大無根大虛症也附子理中湯日進二劑積少減痘亦紅潤脉始有根然飲食不進用補中益氣湯加桂枝炮薑遂能食安寢漿雖充而完穀不化亦不易結痴小異攻散加芍藥木香參芩白朮散調理而愈

萬密齋治胡氏子染痘自利三日不止或欲進理中湯加訶

子肉豆蔻曰不可此協熱利也宜用黃芩芍藥湯但觀形色利當自止不必服藥次日痘出利止

一小兒發熱時自利大孔如竹筒狀清水流出逆症也此火盛於內肺金不行收令也以黃芩芍藥湯加烏梅一而利止

萬之子三歲出痘至膿成將癧時忽泄瀉痘變灰白先君此虛寒症命作木香散服之未盡劑泄止瘡復紅活時人曾氏子痘出密盛將癧亦作瀉痘變灰白且作癢來藥先君卽以前未盡劑與之瀉止痘紅活不癢矣

蕭別駕女七歲出痘連服保元湯痘甚密曰表裏俱實雖

順症也不必藥蕭江西永豐人彼處出痘專食雞戒以不可食不聽日食雞汁至膿將成忽大瀉日夜五六次所下皆清水欲止之曰裏氣太實正須瀉耳次日瀉益盛視其痘飽滿紅潤不與藥乃怒甚曰保無他或欲進肉豆蔻丸力止之至第三日大瀉水一行曰瀉止矣問故曰此瀉飲雞汁太多水留薄腸胃之間今瀉者名蓄水瀉也水盡瀉自止與四君子湯加陳皮調理而愈

一痘將癧忽作泄瀉口渴飲水小便短少其痘胖壯紅潤此內熱也用五苓散加黃芩白芍煎調益元散而愈

一痘成膿面部將癧因渴飲過多以致自利白朮散服之渴

瀉俱止愈

一痘成膿少食忽作泄瀉不止變灰白用木香散豆蔻丸服之愈

一滑瀉不止食少腹脹足冷痘灰白色脈細無力此犯五虛不治必死

陳三農治一小兒痘後泄瀉二三年體瘦腹大善食此久瀉傷腎腎不納氣肝木火起脾無正火不殺穀故作瀉瘦削成疳耳用紅麯丸加草果三錢服之愈

李季虬曰長兒痘初發熱即泄日數十行見痘泄不止時醫以脾胃止之愈甚施季泉曰是在不治子強之曰止泄不

難發藥中加黃連二錢黃芩一錢二劑泄止子喜甚施曰
非也毒火熾故泄初泄時卽解利藥乘熱導之或可望生
今遲矣過四日卽欲解毒無及矣坐視七日死

廣筆記

痢

萬密齋治張氏子痘醫時面瘡潰腫膿水浸淫泄下膿血後
重不食或作噤口痢治不效視其症乃倒醫非痢也在痘
科中痢下膿血痴皮者生水穀不化者死在傷寒太陰經
病論則曰熱畜於內當便膿血勿治利盡膿血自愈因思
此疾不可急治乃故製藥延緩以待之數日後度其膿血

將盡乃用四君子湯加白芍枳殼黃連木香一服後重除利稍止再服能食三四服痘醫

一痘後初秋利下白積身熱腹痛嘔噦不食此濕熱瘀積兼受寒邪理中湯加防風一劑嚥止平胃散加香連青葛麥愈

一痘後利下赤白能食而不化此胃熱而脾虛也乃恣食而不知節慎遂致莫救

一痘後噤口痢用人參一兩陳皮黃連石蓮肉各五錢桔梗

三錢胃風湯調服愈

一痘後利久不止積未盡而中氣不足用人參白朮白芍甘

草升麻陳米大固中氣而愈

一痘後毒入大腸而便膿血者牛黃散三黃散犀角地黃湯

黃連解毒湯而愈

便秘

徐仲

光治

一痘十九歲標點時便秘至十二朝不行口渴狂躁左尺脈浮大此陰不足而津液竭也用參冬歸地知杞枳殼冤絲子而便利

一痘後食粽便結痛不可按手足搐搦大柴胡湯加酒麴二錢而行

一痘後身熱便祕此餘毒結大腸也以解毒湯治之而愈
一痘後身熱便燥此辛熱耗液潤燥湯愈

一十五歲血熱毒重痘十八朝忽小便不利欲解不能起倒竟夕聞其大便已阻而不行者四日矣此有燥屎結於幽門後竅不通故前竅亦閉進以湯藥則小便益急而不能出痛苦極矣且藥力未能達於至陰之下因用膽導法須臾二便皆通

一痘正出而小便秘此氣爲火食也導赤散加疎解藥而愈
一痘泄瀉濁滯此陰陽不分五苓散加車通而愈
一痘陰陽分而小便少此脾肺虛也補中益氣湯加麥冬五

永而愈

一痘溺濇爲陰虛火炎爍肺六味地黃丸加冬味而愈
一痘後小便赤色知熱在膀胱導赤散加梔芩車前竹葉燈
心而愈

痘後小便不利用五苓而愈甚陰囊漸腫此陰虛而滲利
之復損其陰也六味地黃丸加肉桂車前又補中益氣調
理愈六味丸最爲此症的對之藥
既係陰虛何取乎補中益氣

一老醫有孫痘旣脫痂少腹脹小便不通衆謂痘後餘毒用
利水解毒愈脹老醫忽悟曰此脾虛下陷也痘後無實症
土堅則水清人參一兩大棗五枚生薑五片煎服愈廣筆記

萬密齋治庠生余光庭年十九歲染痘發熱五日不出三日未更衣脈細而數雖有下症元氣怯弱不可下也以胆導之不得通病者煩躁因思發熱日久毒流其中燥糞閉塞肛門大腸乾枯氣不得行血不得潤胆導力小故不能通也自立一法取猪尿脬一枚以猪胆汁半盃清油半盃蜜半盃三物和勻入脬中如作胆導法取下燥屎二十餘枚氣通熱解神清痘出此法外意也

虞天民亦有此法

胡氏子出痘乍熱乍退足冷數日不大便先出者猶是紅點亦不起發此逆症也或曰熱微毒亦微熱甚毒亦甚今熱不甚順症也曰不然痘本火毒待熱而發如發熱而不煩

不渴大小便如常精神清爽者此熱在表無邪毒火發越而痘易出易醫也若煩躁不安大小便艱昏昏喜睡此毒火內蘊不得發越表熱雖微內熱則甚今乍熱乍退者毒火來往也大便不通者毒火鬱遏也見紅點而不起發者毒火陷伏也足冷者火極兼水化謂之逆冷也彼不以爲然次日紅點俱沒煩躁轉甚猶謂此內收也翌日死

疫癟

徐仲

光治

一兒季春出痘感疫氣亢極便秘用十神解毒湯次以升發

藥治之而愈

一見季春出痘，七朝順朗。亢極便秘，狂煩舌有黑胎，刺痘空處，隱隱有黑點，此感疫失解也。先用大承氣湯治之，次以理氣血而愈。

萬密齋云：嘉靖甲午春痘毒流行，死者十八九，乃一厄也。時有預服三豆子湯、絲瓜辰砂散者，凡方書所載，預解痘毒之法，用之無效。予思痘疹疫癘之毒，因歲運災眚之變，難以藥解，而人事未盡，又不可委之天數也。於是檢閱古方，於韓氏醫通得五瘟丹，以五運爲主，喜曰：此解毒神藥也。依方修合，施售與人，但服之莫不輕疎，人皆神之。因命之曰代天宣化丸。

甘草

甲己年
爲君土

黃芩

乙庚年
爲君金

黃柏

丙辛年
爲君水

山梔

丁壬年
爲君木

黃連

戊癸年
爲君火

連翹

佐

山豆根

佐

牛蒡子

佐

先見其年所屬者爲君次四味爲臣君藥倍用臣藥減半
佐視臣又減半共爲細末於冬至日修合取雪水煮升麻
汁打麵糊爲丸辰砂爲衣竹葉煎湯下

萬密齋曰胡松山子出痘在母黃氏懷半夜后此兒却在地
下蕭楚梧子出痘日中時聞蒜氣過胡三溪子出痘有鴉
日日聒噪胡淑卿子出痘近夜時樓上忽聞棹到聲視之
無他王東樓子出痘有蝙蝠飛入室後皆凶醫者病家不

可不知

目

徐仲光治一兒痘後目黑睛初起細白點，大便順。而日脯潮
熱有用雞肝花粉威靈仙者食其瞳神卽高腫突出白
睛紅腫徐用瀉青丸煎服兼用羽皇散五六劑而愈。

一兒白睛生翳漸掩黑睛連用去風去翳涼血清熱等藥不
效卽用瀉青丸及羽皇散閒服數劑而安。

鵝不食草

鹽酒
焙乾

白蒺藜

各二兩

谷精草

石決明

各二兩

旋覆

花蟬蛻

川芎龍膽草

各五分

羊膽

三箇

密丸每服二錢鹽湯

下
羽皇
散

萬密齋治蕭別駕女痘後不戒厚味其俗有病者必服附子食雄雞炙關元戒之不聽後兩目出淚若爛此毒發於肝肝火旺也或曰目上下胞屬脾脾亦熱乎曰此因淚出不止浸淫潰爛也乃用瀉青丸去大黃加柴胡黃芩密蒙花密丸服半年而愈雄按蕭江西人其俗至今猶然

雷邑巫孫痘七日倒陷已與發出毒猶甚欲解其毒中氣素虛又恐倒陷欲補其中恐助毒火又傷其目不如節飲食適寒溫以待自安不聽乃服參芪溫補之劑後兩目俱盲王司訓子痘後兩目畏明此肝火太旺宜服瀉肝散加柴胡

蟬蛻黃岑初一劑用酒浸大黃乃畏苦不肯服果成內障
目盲

蕭氏子痘後目有白翳曰此痘瘢也治之無功效盲

徐淑道痘不醫用陳氏木香散一服曰誤也必損目矣果盲

其一

周氏女痘後目閉不開曰痘順無餘毒必羞明症也乃試之
向暗則開向明則閉不流淚此肝經火邪未除耳用羌防
歸尾川芎柴胡蔓荆密蒙花生甘草淡竹葉一服目開遍
身痘癥腫凸再用四物湯加荆防人參連翹甘草而愈
周氏子九歲痘後出外忽頭腫兩目不開此非毒乃風熱也

用羌防升柴芩歸藁本蔓荆細辛甘菊黃芩治之愈

王肯堂治從子懋鋗痘後兩目生翳羞明特甚窗牖皆以衣被覆蔽就明展兩眸視之則白膜已遍覆黑睛淚如泉湧
眼科投藥不效束手告技窮矣乃閉戶而思目者清
陽之所越也忽焉而有翳膜是濁陰犯之也濁陰惡敢與
陽敵故羞明特甚乃以黃芪助清陽之氣爲君生地當歸
養目真血爲臣羌獨防芩芷甘菊薄荷升清陽黃芩猪膽
汁車前茯苓降濁陰爲佐仍間服瀉青丸八劑而目開翳
已去矣凡眼科點洗藥槧屏不用惟以橄欖核磨汁敷上
皮而已蓋嬰幼柔脆點洗之藥必有所傷故也

費建中治一女三歲痘稀而綻突紅潤似可弗藥但烈熱如炮叫喊不絕左目掀腫如桃以大黃生地荆芥甘菊赤芍黃連木通地丁青皮連進三朝始身涼神靜日亦無恙痘後

目翳用荔枝肉搗膏貼額門

上卽愈但已過百日則不效

唇口

徐仲光治一兒痘稠密未起發而唇先黃熟目先虛閉咽喉腫痛不能食徧身痘俱平暗幸正額勻朗眼眶口唇雖腫而紅活以甘桔湯加牛蒡連翹山楂荆芥陳皮人中黃等清利咽膈解其脾毒而愈

一兒痘四朝稠密未起脹而口唇先黃熱乃內潰之惡候必
爲唇刺幸餘痘光澤脚歛脾雖受毒根本猶固以補中益
氣湯去白朮加牛蒡連翹山楂繼以補元湯理中湯而愈
一兒痘稠如綴粟平塌嬌紅血散不附唇口腫硬剝落一層
又一層皮薄空漿破如血汁溏瀉煩渴皆爲逆候但能食
安靜知有胃氣也用參朮連各二錢日進三服十四朝肢
厥脈沈靜如死狀痘皆倒醫心胸尙溫數日漸甦而愈

口 痘

徐仲尤曰一兒患血熱痘後身發熱口臭成瘡潰脫上齦門

牙左顎盤牙唇紅乾裂左頰下亦紅腫如發毒狀湖州沈
三春外用抑陽散加葱汁酒漿調敷腫處若面腫而帶青
紫色爲實熱必成走馬疳潰爛不治矣今雖腫而紅活知
爲另發癰也內服犀角羚羊角黃連黃芩元參生地牛蒡
桔梗甘草白芍花粉木通紫花地丁及人中黃散一二服
或煎銀花一兩入廣膠一錢同搗甘菊花根葉汁沖入服
之面腫漸平身熱漸退外吹牛黃一分珍珠三分黃柏青
黛人中白硼砂猪膽製各四分不易歛加烏梅炭三分血
竭二分龍骨一分因體虛又加入參象皮灰三分製蘆甘
石各四分又常以醋調雄黃末軟筆點入潰竅中延至月

餘而愈

咽喉痛

徐仲光治一兒患血熱痘先用寒涼芩連犀角起發灌漿頭面身背俱膿但兩腿面凸陷不起用參芪託之反見熱渴燥煩大便溏泄多次咽喉腫痛改用清咽利膈山豆根麥冬川貝桔梗元參防風僵蠶山甲當歸白芍紅花生地山楂陳皮蚯蚓牛蒡川連黃芩甘草而愈

一兒痘後咽痛壅塞不通此餘毒留於心肺邪熱不泄風痰壅盛先以桐油探吐服駝原散甘桔湯連翹牛蒡射干元

參而愈

一兒痘後真陰不足二火上行咽喉腫痛有以寒涼治者愈而復腫原其火爲寒鬱先以附子理中湯驅其寒次宜壯水之主六味地黃丸加知母麥冬元參治其本外吹葛槿散而愈

一兒痘後脾胃不足陰火上炎咽喉腫痛以四君子加甘梗一知柏川連牛蒡而愈

一兒痘後咽喉成疔以柴葛地龍蜈蚣等分煎成加犀角磨汁和服而愈

萬密齋治馬氏子五歲痘不起發曰此順痘也毒甚者則頭

面腫毒微者則頭面不腫非不起發也又呼咽痛曰此痘家常病喜喉舌無瘡頸項間痘稀不足怪也以甘梗湯加牛蒡子煎細細咽之咽痛卽止

瘡

萬密齋媳李氏年十八痘成膿時經水忽行下血塊且多未踰日猝失音問之但搖頭垂淚凡痘帶黑歸腎宜有猝失音之症今已成膿飽滿紅潤何以有此逆症思之良久乃得之經云婦人重身九月而瘡者少陰之脈不榮於舌也手少陰者心也心主血諸瘡皆屬於心瘡毒之火內起於

心迫血下行故經血來也舌者心之苗血去則心虛不能上榮於舌故舌萎縮而猝失音也乃以生蠶散去五味子加當歸生地服之頃之愈後以十全大補湯調理而起蕭氏子三歲出痘將醫時忽失音啼哭有聲但言語重濁不清亮曰此肺熱也以甘桔清金散服之而安

發核

徐仲光治一兒痘十朝外早上齰潰爛外頰紅腫外治用抑陽散同葱汁酒漿搗敷每一日一換不用紙封內服紫花地丁花粉生地舟皮元參山慈姑貝母翹防勞芩桔連芩

歸芍先以銀花一兩煎汁煎之，頰腫口瘡漸平。月餘忽發夜熱，左腮下生一核，大如李，色白。按之而疼，外治硼砂一錢五分，膽簪五分，射香半分，燒酒薄薄調勻，新筆蘸塗內服。芩、羌、翹、蒡、甘、芍、元、參、前、胡、貝母、膽草、山楂，亦以夏枯草一兩煎汁服之，連進四五劑而愈。

腹痛

徐仲光治一痘未盡出，而腹痛，嘔乳吞酸，大便酸臭，乃飲食停滯也。保和丸二服而愈。

一痘起脹時，不易行漿，肢冷腹痛，乃血熱症，而過用冷劑理。

中湯加玉桂木香炮薑一劑而愈

一痘後傷食腹痛。本中氣不足。宜補瀉兼施。香砂保脾丸。又
補中益氣湯。調理而愈。

一痘後能食易化。腹痛此胃熱易餓。脾弱不能消磨鬱積而
痛也。補中益氣湯加芍藥木香黃連治之而愈。

一痘漿足不易解。腹脹發熱而赤。午後益甚。按之腹不痛。乃
脾虛血少也。歸芍六君子湯加陳皮棗薑數劑而愈。

費建中治錢銓部女。平時內熱。柴瘦仲夏痘而殼熱。腹痛異
常。不能轉側。口極穢。紫滯稠密。但不細碎。幸初起毒雖惡。
未有定位。以大黃四錢。石羔七錢。生地六錢。黃連一錢。佐

以山楂、荆芥、葛根、赤芍、桃仁、地丁、紅花、地龍、臨服和猪尾膏、蓋許服。至六日，色漸肥紅，放白，腹痛少緩，餘未減。仍前方至九日，漿甚充，而腹痛熾熱尤甚，眼封，而角流血，譫語不寐，不食。前方加犀角倍大，生地石膏減，猪尾血臨服。以化毒丹調入牛黃一分，硃末二分。十二日頭面發鳴，方日進粥三次，皆碗許。而腹痛與熱依然。至十八日始大轉，自始至終一方收效。如此治驗多矣。聊舉此以概其餘。

腰 痛

徐仲光治一庠友，年十八，初熱，腰痛點發在額角，紅綻光澤。

心經順症非腎逆候亦宜滋腎六味地黃丸料加杞子杜仲與升發之藥開服痛止痘出至六朝煩渴譫妄唇燥舌黑睡臥不寢此乃腎水不足以制火也保元湯加歸芍冬杞棗仁龍眼肉間服八味地黃丸加麥冬枸杞漸愈有一症同但補陽而不滋陰竟枯涸疤枯不脫而死

一兒痘初熱腰痛如折如折腰痘也強以荆防敗毒散發出點如蚤斑口鼻出血而死

一兒初熱腰痛連背脊不能轉側點見左耳側及腰左一點如筋頭大平而紫又舌中心一點竦而黑此腎毒逆候也急以四牙散發出紫黑點五日死

一兒孟夏發熱腰痛甚見點稠密紫黑幸有神而胃氣強元氣實雖逆而尙有生理四朝以四牙散一服又化毒散送下地黃丸二服次日痘起但色未轉以黃連解毒湯加柴
夢歸芍地黃而愈

一女年十四痘正漿足忽腰痛不能轉側此經血去多之故六味地黃丸加歸芍續斷杜仲治之而愈

一男子年十八痘後四十日外忽腰痛極兩手散撇目閉無光汗出遺尿喉聲如鋸六脈浮大此恣慾房勞而陰陽離決也以艾炙氣海六十二壯四肢活動又以獨聖湯頻服及八味地黃丸而愈

一男子年二十痘後腰痛左尺脈微弱房勞所致也以八味地黃丸補中益氣湯相間服而愈

一痘不起而腰痛繆仲淳用人參蘆三兩煎服一吐而痘起痛止毒在下吐而升之吐有發散之義也

廣筆記

一好痘綻朗而色淡紅兩腿痛甚腿亦屬腎此陰虛而毒乘之也活命飲二劑痛稍止十全大補湯六味地黃丸間服而愈此症不早治及四肢厥冷則變黑變紫而死與腰痛之逆相同不可輕視之也

一兒痘後足脛痛甚不紅腫氣血虛不能榮養筋骨也歸芍四君子湯加牛膝獨活苡仁桂枝連進數服而愈

一兒年十四痘後腰痛不能俯仰午後潮熱此骨髓枯少
水不勝火腎氣熱也灸崑崙穴中脈穴各三壯又以六味
地黃丸加獨活及補中益氣湯間服而愈既是腎熱何以
用火攻而愈其

說可疑

萬密齋治一富家子年十六患痘發熱腰痛問曾婚否曰未
也連進人參敗毒散二劑痛止痘出而安若曾有房室者
不可治也或以大劑左歸與之必有掣手秀坡

李季虬曰顧叔夏次郎出痘而先腰痛予斷以不治果殤施
季泉曰凡成婚或破陽後出痘而腰痛者可療童子而腰
痛是先天之水不足也不治廣筆記

賈建中治章繼美年近三旬季冬忽腰如杖昏潰如迷問之
不答身體振振肉瞶筋惕痘之象也但腰如被杖其症必
逆用大黃山楂各六錢青皮羌活桃仁各二錢佐以荆芥
乾葛元參乘初起預攻庶望轉機於萬一若見痘則腎已
受傷無及矣自申至卯連服二頭煎次早發出如芥如砂
色焦紫上下無容針之隙形色旣逆神情又惡辭勿治因
苦懇乃用大黃八錢石膏一兩黃連二錢生地兩半佐以
荆芥羌活葛根牛蒡紅花桃仁蟬蛻等加白頸地龍每劑
十條又以猪尾膏半盞和入連進二劑次日如芥如砂并
焦黑卽退顆粒分明紅活但密而神昏熱熾前方服之

九朝雖圓綻如珠漿黃如蠟而昏熱如故大便日六七次而不暢水米不沾議者謂寒涼太過曰如過蕩滌傷胃則氣血乏本漿何由得至十日正面有同意仍不思食乃用大黃石膏各一兩生地兩半黃連山楂四錢佐以牛蒡荆芥甘草十二日胃忽開神爽熱和十五日諸症悉愈癰如松皮彼入口疳齒牙既落又服牛黃硃未并黃連解毒湯十餘劑漸愈月外又發血風瘡身無完膚此腎傳脾故爲輕症將百日始霍然是症當危疑之際旁議紛紛幸病家有識故得收效云

朱應我治一新娶男子二十歲痘腰痛不支醫以面部痘白

色挨簇當此新婚時必腎虛也急煎杜仲、續陽等補劑朱
視之面部雖白而眼則紅腰間微見紅斑決不可補以犀
角生地丹皮加升麻芍藥一劑腰痛如失此見斑則治斑
不可拘於新婚也後亦清補間施而愈

手足

徐仲光治一兒痘後溏泄腿腫睡卧不甯足三陰虛也四君
子湯加陳皮、歸芍、枸杞澤瀉石斛川牛膝繼以八味丸而

愈

一兒痘後勞役痢雖愈而脛膝結核成鶴膝風此足三陰虛

而邪襲之也驅風散間八味丸加苡仁牛膝兎絲當歸
一兒痘先從腳底出起逆上至頭面回至心窩內攻而死此
症早治俟其頭面出齊重用升提保元湯加川芎及先護
心以黃連解毒湯一劑使其起灌收瘡自上而下可保無
事

膿期

朱應我治其姪孫七個月見標三日點粒甚朗但紅白不甚
分明混混暗暗似少神彩卽以帶補帶表藥以和其陰陽
至七日猶不活動速以人參黃芪保元湯帶血藥進之至

十二二朝亦灌淡漿而臉色菜黃且暗速加參芪至十七
八九朝詢之日則疲睡精神短少略無嬉笑之容熟察右
一邊疤皆白暗右手足皆萎僵不動至左邊疤紅而手足
亦動躍如常用以揉面者係左手也不早治恐成瘻癰以
補中益氣湯二劑柴胡多升麻一倍又加黃柏雖不見兒
喜而右手足之浮腫漸退原方用升麻升清氣於左旋用
柴胡升清氣於右旋故用柴胡多於升麻所以治其右也
加黃柏使足力湧出用方得宜其症漸愈

此症右手足腫大不紅初以爲濕痰流注不成腫毒所
以用補中益氣湯可以消平至二十三日復視之神氣

猶減右手足仍不能起動遂加桂枝二分越二三日猶不定耐改方爲十全大補見其右手能握物而右足背生癰高穿出膿其安停藥候消息此亦得將息法也聽之計服過參六七錢幸徐徐元氣少復得以再用平補而愈未周之兒用藥至三十餘帖亦非常法也

徐仲光曰一痘養漿而內却無水乾涸空虛此氣虛伏陷也若得人事清爽飲食如常痘無損處宜補中益氣湯歸茸湯主之若喘脹嘔泄煩悶外剝者不治

痘漿充滿根血淡紅痰涎壅盛日晡潮熱皆謂氣不足以保元加芩歸貝母陳皮治之不愈不知此乃陰虛火盛生

痰也以六味地黃丸料內加參附玉桂溫之而痰絕熱去
又與補中益氣湯而愈

一痘漿充滿痰盛少食便溏此乃脾胃虛弱不能運化精微
津液凝滯所致以六君子湯加炮薑

一痘漿足忽泄瀉身冷自汗此本於脾胃氣虛也以保元合
附子理中湯愈或加肉果

一痘漿不易充足而色淡白亦脾胃氣虛也以大保元湯主
之又歸茸湯益之

一痘漿足而色不易蒼膚乃脾弱之故脾主結痂也用保元
加白朮白芍陳皮官桂蓮肉收厚醫而愈若收如麤薄只

以參芩白朮散主之

一痘七日無漿倒齧獨根窠歛束以保元加山甲官桂又以水湯浴洗頭面手足良久復起成膿而愈

一痘九日平塌無漿自口以下俱紅綻能食便溏乃元氣不足不能上升於面以保元加白朮白芍官桂肉果升麻十一朝空地滿出增豆俱行漿又與異功散而愈

一痘正面漿足結痂身肢無漿能食便溏完穀不化乃脾陰不足不能以充灌用參芩白朮散加附子兎絲肉果又與河車散而愈

一痘八日空壳無漿因氣血不足不能振作以制其毒用補

中益氣治之發疔四五處而愈經日發癰發疔者生也
一痘八日倒醫灰白色泄瀉煩渴咬牙寒戰此乃氣血虛寒
也以異功散治愈若治之不止反加昏悶者死

一痘八朝頂陷漿滯不行色見焦紫乃風寒壅腠理氣滯血
凝之故宜升提發散之劑內服紫蘇飲外浴水楊湯使藥
氣藉湯氣上升毒隨煥氣而發若兒弱只浴頭面手足痘
卽光潤隨服補中益氣湯調理凡用此湯須量氣血充足
的爲風寒所閉則可浴若浴後不起又加悶亂者死

一痘養漿時昏睡不甦便溏能食乃脾主困因便溏而脾虛
倦怠而昏睡也歸脾湯加白芍山藥米仁蓮肉愈

一痘漿充足，忽爾一齊結痂乾紫，能食便調，此是火迫而收之太急，乃倒醫也。投以補益攻發之劑十四日，四肢腫痛成癰，膿成毒化。若不食便塘噉嗆，則爲內虛倒醫，毒歸於內，喘脹而卒。

一痘漿不易充足，根血赤色，煩渴濁滯，舌燥便秘，皆云氣虛而津液不足以保元，加麥冬治之愈甚。漿滯不行，此乃血熱未解，溫補反助其邪，乃火盛水涸之義。更以犀角地黃湯，又四順清涼飲利之前症，悉平漿滿而愈。經曰：毒未盡解而溫補，則毒蘊盛而不能化漿也。

一痘九朝死而棄之沙灘，視其手足動掣，色雖焦紫，形尙綻

突乃毒火悶督一時而死得水氣而火減故復甦也抱回治以犀角地黃湯而愈然亦有得上氣而解者

一痘七日根窠赤痛便秘溺濇煩燥飲水或清解之劑未應乃熱毒內鬱也以大黃當歸赤芍甘草之類一劑又與犀角地黃湯而愈

二痘養漿時大便下血或尿血或神昏不醒或多睡蓋心主血虛邪乘而入心神昏亂之故宜犀角地黃湯安神丸若治而不已者至二十日而卒若毒盡外出當以補中益氣

湯加麥冬杏仁

一痘漿足膿俱紫黑熱甚便秘乃血熱毒壅也以黃連解毒

湯加翹勞愈

一女季春患痘，妄言卓立，日夜不能眠睡。至七朝尙未安甯，視其形色俱順，而妄言卓立者心胆火熾也。以犀角地黃加柴胡龍胆治愈。

萬密齋治汪氏子痘出膿成時，頭面腹背皆飽滿，惟手足自肘膝至掌指猶未起發。曰：脾主四肢，此子脾胃何甚弱也？乃由去胎失乳，故用建中湯加黃芪防風，一服盡起，脹作膿矣。其家奉信魯湖黑神，此子寄名於神，未出痘神先降壇云：吾保老黑豆出必少，至是痘出甚密，乃以計逐之使去。

醫期

附瘧

徐仲光曰一痘漿足結痂忽爾紫黑此衝冒穢氣也以十全大補加木香治之而愈

一痘收痂厚而乾黑身熱咳嗽乃風寒客肺也麻黃湯得微汗而愈

一痘痂如麩薄粘皮不脫昏睡內熱乃脾虛少血之故以調脾養榮湯治之

一痘收醫乾黑粘皮不脫身熱煩渴睡卧不甯有以氣血不足大補之四七日枯槁而卒

一痘如前以犀角地黃湯加翹旁治之火漸減而諸痘悉平
痂癥漸脫而愈此乃毒火彌熾之故經日火盛則水涸此
之謂也

一痘痂厚而乾黑粘皮不脫身熱煩渴譫語妄言睡卧不甯
乃陰虛火甚也以四物湯合生脈散加棗仁

一痘清漿結痂如麩乃正氣不足不能化毒盡解以補中益
氣湯加山藥治之兩曲池發癰成膿而愈

一痘醫淡白如麩便溏減食乃中氣不足用參苓白朮散加
肉果陳倉米愈

一兒九歲出痘勻朗縱突九日漿足能食便溏乃恃其順而

怒與之食以致肚腹脹痛停漿色滯用消化藥而便行安
和痘漿不長乃食物雖消正氣受傷當與調脾益氣助漿
收斂竟不從治延至十四日漸內虛倒醫漿復化爲水而
始行補氣不效喘脹而卒

一痘至十日十一日頭面將結痂膿漿尙未充足只是氣虛
不能托毒於外急以木香散加黃芪蟬蛻而愈

一痘十二三日上身已結痂下身尙灰白不充滿頭溫足冷
以木香散加附子酒芪而愈

一痘至十四五日徧身結痂而充但是足下未焦寒戰咬牙
以十全大補湯加附子愈

一痘至十五六日膿泡充足當痂不痂又作寒戰咬牙只是不足治以溫補

一痘如前頂突根綻此是陽火有餘胃氣太熱也服白虎湯一劑而愈

一痘痂脫盡正額一痘潰而不斂四九日作痒破出臭膿聲啞悶亂而死

一痘痂盡脫頭上一痘不斂二十八朝作痒甚出蛆蓋許亦一聲啞悶亂而死

萬密齋治胡氏長女痘甚密膿成過期不齧此女平日脾虛食少性不服湯劑以錢氏異攻散加木香青皮密丸米飲

下調理而安

胡氏子痘甚密膿成不齰漸至潰爛自起發以來未得大便此裏熱鬱蒸故不成痂欲下之彼謂此子素弱不可下時有術士符水甚驗乃書一符焚而服之少頃腹中鳴而利下清水衆皆稱妙因思久未更衣豈無燥矢至次日痘益潰爛乃用胆導法下燥矢三十餘枚如彈子大衆又笑曰此法更妙痘卽收麩至腰又不收蓋大便下後又未行也再用胆導法去燥矢十四枚後皆溏屎痘盡收而安

一小兒因渴飲水過多濕傷脾胃不齰以四君子湯人參補中白朮燥濕茯苓滲水甘草解毒加防風以勝皮毛之濕

白芷以逐肌肉之水桂以利關節而去寒水之邪砂仁以
溫胃止渴調理而安

一小兒大便不通熱蒸於內而生濕致潿溼不能成痂用當
歸稍生地以涼血麻仁以潤燥酒大黃以瀉熱開結生甘
草以和中得利而安

一小兒泄瀉不止食少此裏虛不能成痂用陳氏異功散合
肉蔻丸而愈

蔡氏子痘密膿成過期不癰面瘡潰腫起止呻吟。嗆水吐食。
語音不清或謂不治視其面瘡腫起正在貫膿遍身皆然。
非倒醫也。嗆水嘔食者口唇腫硬吞嚥不便非咽喉潰爛。

也語音不清者鼻中壅塞氣不得通非失音也瘡毒盡表
病裏和可治也用苦參酒潯牛蒡白蒺藜何首烏荆芥穗
等分爲末酒糊爲丸淡竹葉煎湯下調理而安時鄰居一
兒症同謂不可治或問故曰彼過期宜醫此未成膿不宜
醫一也彼腫脹猶實膿血此則面平目開皮脫肉乾二也
彼喉舌無瘡此則咽舌潰爛嗆水失音三也彼私與蔡氏
求藥服之無效死雄按吞嚥不便何以用丸

胡氏女十三歲痘甚密或與參芪大補之二十日後過期不
醫已潰爛幸勿倒醫乃溫補過多裏邪盡出表毒不解急
宜解表勿使皮肉腐爛不信又踰五日不收乃用荆防升

麻以解表白芷以蝕膿逐水連翹牛蒡甘草解鬱蒸之毒
肺主皮毛因黃芪之補肺熱已甚時值夏火正旺之時用
黃芩以瀉肺中之火解時令之熱調理一月而安

盧文學妻李氏痘甚密未及成膿面瘡自破皮腫膿聚氣多
腥臭過期不靨飲食漸少鎖喉噏水曰形症俱惡恐不得

痊二十餘日殞

一小兒痘後又出一層小痘其家驚憂曰佳兆也痘科云輕
者作三四次出大小不一等重者一齊湧出此痘最輕且
無餘毒發已盡矣果然

吳氏子三歲出痘毒氣有餘穀氣不足食少故不靨也問服

何藥曰無藥可解能食則生不能食則死次日思食所食且多曰死急矣問故曰謂能食矣久不食而今思食自少加多胃氣復也今忽多食乃胃敗火盛邪火殺穀名曰除中出傷寒論猶膏之將滅必大明而後熄死在旦夕也果然

一小兒癰後痴皮不脫曰此脾肺二經不足也蓋肺主皮毛脾主肌肉其氣不足故痴難脫用錢氏異功散加黃芪桂而愈

一兒痘後一身盡癰痴皮盡脫惟頭與足不癰曰此常候也不必治蓋諸陽皆聚於頭乃陽中之陽謂之孤陽諸陰皆會於足乃陰中之陰謂之孤陰孤陽不生寡陰不育所以

頭瘡不收者孤陽無陰也足瘡不收者寡陰無陽也久當

自瘡但遲遲耳

說欠明允

一小兒癩落後瘢內凸起作痒此風熱也用人參敗毒散加荆防一服安後有患此者用荆芥敗毒散加人參服之外洗水楊湯皆效

一小兒落癩後瘢腫復成瘡久不愈此痘毒瘡也由犯手擣招不得自脫故皮肉受傷而復作瘡以苦參丸與服效

一小兒落癩後瘢毒不平曰痘家戒食薑恐齧不齊瘢不平也問之果然

王氏女癩落遍身盡白色不紅日夜啼哭遍身潮熱不思乳

食曰此症若不急治或一二月或二三年必至成疳而死
不信後果歿其子亦患此令服十全大補湯數劑又與三
合湯治之其熱卽退哭亦止疳肉色盡紅方止藥又服加
減八寶湯全愈

一小兒已脫疳初無他苦一醫視其目睛無神帶白曰不可
爲矣逾日亡廣筆記

伏陷

附倒
醫

徐仲光治一血熱痘初失涼解至五六日方進芩連歸地翹
紅纏起脹癰漿至半漿又不服藥九朝變黑歸腎面唇腰

脚皮內俱黑仍用前藥加金汁及人牙散勢少緩又用黃連生地紅麯各一錢木香三分燈心一錢次日加犀角連翹黑色俱散唇眼俱清前方連進四劑而愈

萬密齋治吳氏子磊落紅活順痘也其兒脾胃素弱起發畧遲或謂其氣虛妄投陳氏木香散一劑痘轉平不起又投陳氏異功散一劑再延視不可爲矣

李氏子四歲出痘十日後痘頂平陷根窠紅紫昏睡不食不可救也次日死

吳氏女痘將膿面上有乾醫者犯倒陷逆症乃用參芪甘草節歸地赤芍銀花牛蒡連翹麻黃酒密拌炒黑紅花子山

甲末水煎服且告之曰服後若先乾者復起作膿未乾者壯紅飽滿空處再出小痘上也不作膿不補空或癰腫次也否則不可爲矣連進三服已乾者不腫未乾者飽膿空中補出不多手足發癰後以十全大補湯加銀花連翹調理而安

雷邑丞孫五歲出痘衣以厚錦圍以厚被日夜向火任其飲酒未七日而膿面目至腰潰爛平塌無作痂者曰此非至是倒醫也亟用疎理解毒之藥減去衣被勿近火飲酒方保無事以黃芪白芷排膿託裏防風蟬蛻以疎表青皮桔梗以疎裏牛蒡甘草以解毒一服潰瘍復脹大便膿涎此

毒氣中外無留矣。戒勿再藥恐生他病也。

董氏女年十九臘月半出痘至歲中不能收瘡精神已昏飲食俱廢視之僵卧如死人其脈洪實調勺此本倒瘡逆症幸脈洪實不疾不徐今舍症從脈治之若得壞瘡復起新痘復出人事清爽飲食如常則無事矣乃用升陽降火湯加黃芪當歸木香青皮連進三劑初三日復出一層新痘舊者盡乾初五日出盡周匝一身乃漸甦醒能言求飯食依期起發至十三日瘡後以十全大補湯調理謂痘倒瘡必歸腎今幸愈尤當防目疾宜預解之不聽半月後左目痛不能開果喪明此案不的大抵前案中升發太多故目受其病余見倒瘡後起者甚多不必皆

傷目

也

柴氏婦二十七歲。痘甚密。膿成時鼻準先乾。曰此症凶也。不可治。問故。曰起發未透。膿漿未熟。不當齧也。況收齧自有次第。形色亦殊。先自口唇兩旁收起。漏漿堆膿面瘡皆然。自項以下則成死壳。今痘未熱而齧乃倒陷也。自鼻先收失其序也。不漏漿者乾枯也。後三死。

痘毒

徐仲光治一兒。漿足爲穢氣所觸。倒齧焦黑。四肢腫痛。幸其能食便調正不留邪。必發癰也。用內托解毒之劑而愈。

一兒七朝痘順有行漿之勢兩臂脾腫大如瓜幸能食便調此少陽經虛毒滯不散也補其陽而腫自愈用參芪甘桂歸芍陳芷薑活人中黃治之漿足腫漸消而愈

一兒痘症相同不補漿雖滿痴腫處成膿竟損一目

一兒五朝兩臂腫痛用解散藥而漿不充毒不退反寒戰作痒甚此急治其表而失於補托也保元湯加丁桂尤橘治之漿足而痴後以托解藥其毒成膿而愈

一痘密而內強過於補益而生癰腫煩燥口渴便秘以三黃丸利之再用清解之劑調理腫消而愈

一兒患痘癰於小腿歲餘尙潰腐不能收口此至陰之下無

陽氣充拓。膿血既久。氣寒虛弱。宜補助元氣于金內。托散
加牛膝。檳榔。土茯苓。首烏。潰出一嫩骨。漸收而愈。蓋毒久
不散。凝結似骨。與地四生金之義同。

一兒痘毒流注四五日。但於肩臂。痴如麩薄。少神粘著。不脫。此
氣血不足也。十宣托裏散。外用針刺破。又玉龍膏。鐵箍散。
圍吸筒。吸膿而愈。

一毒痘出清水六脈微弱。元氣虛寒。保元湯。加桂附白朮調
理而愈。

一痘大腮腫痛。此毒火鬱於肉分。丹腫也。丹歸芍丹。地翹芷

木瓜大黃。

一耳後赤腫見核寒熱頭腫體痛此感冒不正之氣所結乃時毒也十神解毒湯治之而愈

一痘漿雖滿而四肢清薄如水痴薄如麩十二朝兩肩臂腫痛有謂餘毒而用養血解毒食少倦怠毒亦不退此陰虛而毒滯不化也宜大補氣血而兼解毒得氣血調暢則毒歸一處成膿而化矣四君子湯加陳芍歸芷薑翹銀花大劑加減調理而愈此症若專用解毒致傷脾胃而傷呕厥冷耗散真元者附子理中湯加肉果木香得肢熱疼腫又四君子湯加金銀花黃芪白芷而愈若專解毒而不固元氣只以圍藥塗敷腫雖退而毒內蘊非損手足必腹脹

喘急而死矣

萬密齋治周氏女出痘發熱，五日餘未見痘出，但背上發一腫毒，曰不可治也。非癰乃痘母也。三日後果卒。

雄案若種痘頰後腫

亦名痘母却最吉

張氏女痘起發止空壳，此氣有餘而血不足，責在肝經，用四物湯、小柴胡湯，雖作膿亦未飽滿而收。曰：凡痘瘡不成膿或膿少者，皆發癰毒。此足厥陰肝病必發項疽，果然。

施季泉口授一家傳秘方：治痘後毒如神。人參、茯苓、銀花、犀角各三錢，甘草一錢五分，羚羊角一錢，珍珠八分，蜜丸，每

服一錢，日一服。

廣筆記

密濟治胡氏女。痘不甚密亦不十分光壯飽滿素畏藥不肯服收醫時一片薄壳逆症也足膝發癰毒與藥一飲而盡曰病不可爲也問故曰脾主味開竅於口經云口利則知五味其平素不肯服藥今日一飲而盡是不知味而脾敗矣况臍膝乃脾所主脾敗則不能成膿或針之果然清水次日死

夏氏子痘後手足發癰面色黧黑精神疲困飲食且少曰兒痘未得起壯收醫太急今發癰毒仍倒陷歸腎也必不能成膿而死果然

一小兒痘後發癰用十全大補湯加連翹銀花治之愈蓋其

癰已潰故用是方。凡潰癰以是治之無不愈者。

一小兒痘後發癰。用解毒內托散調理而安。

蔡氏子痘後卵腫。曰此厥陰肝病。用小柴胡湯加青皮木通。渣肉調理而愈。

費建中曰。一兒痘止八十三粒。或以輕緩之劑。按日期規則投至十六日。咸謂收效矣。延至二十六日邀視。則兩目張皇如臨白刃。乾嘔不止。愁楚非常。陰囊兩旁有小毒桃核。大隱於飢肉色且黑暗。此餘毒悶焉者也。辭勿治。是晚卽死。

一兒半週痘甚稀。頗紅活。惟身熱如火。漿後躁亂。霎時收斂。

紅暈焮赤，痴甚焦躁，腰及環跳發兩癰，如掌大硬如石，腫
如拳，又小疔甚夥，以必勝湯日二劑，胭脂調化毒丹貼之。
疔漸退癰亦膿潰以忍冬解毒湯加地丁當歸收效。此俗所謂
帶火乾收也。不發癰必死也。

腫脹

徐仲光曰：一痘後痴未盡脫，遍身黃腫，壯熱腹滿漏赤者，乃
脾胃素有濕熱而兼餘毒不盡也，宜消積滲濕解毒，以五
補散加米仁、連翹、山梔、竹葉、防風、白朮、荳朮、厚朴、茯苓。
一痘後浮腫，皮薄而光，手按成窟，咳渴便濇，乃痘後飲食傷
脾，後生瘡，皮薄而光，手按成窟，咳渴便濇，乃痘後飲食傷

脾脾虛不能制水水漬妄行浸漬脾土滲透皮膚故腫耳
其喘咳者水妄行不能制火火盛刑金也又曰水氣上行
侵肺最爲難治其小便濇者由金爲火尅失其降下之令
不能輸化也治宜補中行濕清熱利便之藥以實脾飲五
脾散石千散治之

一痘後遍身發腫餘毒攻冲也以滿天星草同水楊根銀花
馬蘭頭各搗汁和匀服滿天星葉如芫荽多生墻下陰濕
之處

一痘後小便不利腰已下腫乃脾胃氣虛不能制腎水水溢
下焦故也當利小便以五苓散間服牡蠣散又六君加澤

鴻

一痘後遍身赤腫發爲赤遊風者乃餘毒不盡解而又恣食
煎炒辛熱之物熏蒸腸胃熱與血搏而然宜犀角解毒湯
一痘後腮頰赤腫爲逎毒風者乃客風畜於皮膚流注而爲
頑核赤色也內服解毒湯外敷玉龍散

一夏月痘漿足收齷溺赤短濶外腎膚囊赤腫透明乃膀胱
熱甚毒氣流於小腸以八正散及化毒湯治之

萬密齋治一男子年二十餘痘甚密起發時腫異常面如錫
餅形狀可畏喜其飲食如常大小便調安靜而睡或欲投
木香散曰痘疹無疾不須服藥色白者痘出太多氣血不

能周偏也數日後自收醫矣果然

一小兒痘甚密不甚起發面如錫餅食少而渴或欲投木香散曰兒無吐瀉裏虛之症不可用也乃以保元湯加當歸赤芍防風桔梗牛蒡調理而安

一婦人年二十四五痘甚密而腫甚身無完膚七八日後眉心唇上有成漿者或謂正當作膿之時曰未也面瘡帶赤猶是血色未曾化水遽爾成膿此惡候也後必潰爛而死果然

唐大尹子年十二痘醫後右肩發紅腫非毒也或以針刺之其手遂不能舉視之其手不痛但軟弱無力不能自舉必

用左手持之乃能舉此血熱氣虛也蓋肝主筋資血以養
寒則縮熱則脹惟補氣養血則愈用參芪朮草芎歸川斷
木香桔梗苡仁防風爲末山藥糊丸服半月而愈

小兒痘後洗浴面目一身俱腫此水氣也用四君子湯以
補脾去濕加黃芪以實表防風以勝肌表之濕麻黃以逐
脾間之水一服腫減半再以錢氏異功散加朱苓澤瀉而
安

倦怠欲卧

徐仲尤治一痘後煩熱喘脹便溏溺赤嗜卧此暑傷氣分清

暑益氣湯而愈

一痘便溏食少嗜卧亦脾胃虛也六君子湯加木香棗仁而愈

徐仲光治一痘後嗜卧煩熱喘滿溺赤便溏時值長夏脾胃不足之故用清暑益氣湯治凡痘後倦怠嗜卧便溏減食皆由胃虛不能生氣脾虛不能生血運令不行化工失職宜六君子湯加棗仁木香

一痘後嗜卧呼之不醒晝夜皆然乃氣虛脾弱清氣不能上升也以五味異攻散加歸芍又與歸脾湯愈

一痘後炎暑嗜卧怠墮食少口燥咽乾肌膚枯瘁乃脾胃虛

元氣弱不能實四肢育肌膚而潤皮毛也況值長夏熱傷元氣以補中益氣湯合生脈散治之

萬密齋治一小兒痘後發熱不止食少喜睡又喜黑暗乃毒痘內陷也因問其膿水必清痴皮必薄果然不成膿不結痴但水出皮脫而乾曰凡痘初出壯熱昏睡常候也今既收則當邪盡正復熱退食加神爽乃俱不然不可治也後忽昏冒死

羸瘦

徐仲光曰一痘煩熱口渴能食易化不作肌肉此氣血虛乏

心火充甚而乘也經曰火炎上則土燥多食亦飢治而氣血兼補單日服五味異功散加黃連麥冬知母雙日服四物湯亦有治之不應爲毒火燥陰津液枯涸而死

一能食枯渴肌肉不長精神憔悴脈來沉緩此乃脾胃不足東垣曰胃伏火邪於氣分則能食脾虛則肌肉削又曰脾胃虛寒則元氣不足以補中益氣湯加黃連

一能飲食易饑不長肌肉此因胃陽有餘脾陰不足故胃食善消內經曰二陽結謂之消二陽者胃與大腸也以小異功散加黃連白芷治之以瀉二陽之熱也

一痘後面白唇赤肌肉羸瘦皮毛枯槁潮熱往來雖食易化

乃疳勞之候。皆由痘後飲食不節脾胃過傷。東垣曰皮胃虛弱則元氣下流。陰火上乘其土位。治宜健脾爲主。而兼以清熱之劑。則脾土堅固。氣血滋生。諸症自平。以歸芍四物湯加石斛。麥冬。地骨皮。銀花。柴胡等劑。又六味地黃丸加參朮。當歸。枸杞子。五味子。間服異功散。

一痘後面白無精光。口氣冷少。食羸瘦。乃胃氣虛之候。以六君子湯治之。

一痘如前。兼以便溏腸漏。卽用六君加炮薑木香。

一命門火不能生土。而成是症者。用六味地黃丸。

一痘後漸黃瘦。面腫身熱。肚大。吃泥吃米。此由痘後飲食傷

脾愈而復傷乃脾疳之候也治宜養正而積自除以肥兒
丸治之此皆脾陰大傷之候非燥補之藥所能治也

續名醫類案卷二十一終